

萬 有 文 庫

第一集一千種

王 雲 五 主 編

水 經 注

(六)

鄒 道 元 著

商 務 印 書 館 發 行



水經注

(六)

鄺道元著

國學基本叢書

# 水經注

## 卷三十三

江水案近刻作江水一原本無一二三等字

岷山在蜀郡氏道縣大江所出東南過其縣北

岷山卽瀆山也水曰瀆水矣又謂之汶阜山在徼外江水所導也益州記曰大江泉源卽今所聞始發

羊膊嶺下緣崖散漫小水百數案水近刻說作大殆未濫觴矣東南下百餘里至白馬嶺而歷天彭闕亦謂之

爲天彭谷也案近刻脫彭字秦昭王以李冰爲蜀守冰見氏道縣有天彭山兩山相對其形如闕謂之天彭門

亦曰天彭闕江水自此已上至微弱所謂發源濫觴者也漢元延中案元延近刻說作延平岷山崩壅江水三日

不流揚雄反離騷云自岷山投諸江流以弔屈原名曰反騷也江水自天彭闕東逕汶關而歷氏道縣

北案此十六字原本及近刻並說作經漢武帝元鼎六年案近刻說作元封四年公蜀郡北部置汶山郡以統之縣本秦始皇置後

爲昇遷縣也益州記曰自白馬嶺回行二十餘里至龍涸案十近刻說作千又八十里至蠶陵縣案蠶近刻說作西又

南下六十里至石鏡又六十餘里而至北部始百許步又西百二十餘里至汶山故郡乃廣二百餘步

又西南百八十里至溼坂案溼近刻說作濕江稍大矣故其精則井絡瀟灑江漢兩靈河圖括地象曰岷山之

精。上為井絡。帝以會昌。神以建福。故書曰。岷山導江。泉流深遠。盛為四瀆之首。廣雅曰。江。貢也。風俗通

曰。出珍物。可貢獻。釋名曰。江。共也。小水流入其中。所公共也。東北百四十里。曰峽山。案近刻脫曰字中江所出

東注於大江。峽山。邛峽山也。在漢嘉嚴道縣。一曰新道南山。案近刻脫作山南有九折坂。夏則凝冰。冬則毒寒。

王陽按。轡處也。案近刻王下衍子字平恆言是中江所出矣。郭景純江賦曰。流二江於峽。又東百五十里。曰岷

山。北江所出。東注於大江。山海經曰。岷山。江水出焉。東注大江。其中多怪蛇。江水又逕汶江道。汶出徼

外。嶠山。西玉輪坂下而南行。又東逕其縣。而東注於大江。故蘇代告楚曰。蜀地之甲。浮船於汶。乘夏水

而下江。五日而至郢。謂是水也。又有瀟水入焉。案此六字原本及近刻並訛作經水出綿虺道。案近刻脫虺字亦曰綿虺縣之

玉壘山。案虺近刻訛作夷呂忱云。一曰半浣水也。下注江。江水又東別為沱。案此七字原本及近刻並訛作經開明之所鑿也。

郭景純所謂玉壘。作東別之標者也。縣。即汶山郡治。劉備之所置也。渡江有窄橋。江水又歷都安縣。案此

七字原本及近刻並訛作經縣有桃關。漢武帝祠。李冰作大堰於此。壑江作壑。案近刻訛作壑於江作壑壑有左右口。謂之瀟壑。

江入鄆江。檢江以行舟。益州記曰。江至都安。堰其右。檢其左。其正流。遂東。鄆江之右也。因山。頽水。坐致

竹木。以溉諸郡。又穿羊摩江。灌江。案近刻脫穿字西於玉女房下。白沙郵。案三字上近刻有子字。又作三石人

立水中。刻要江神。水竭不至。足盛不沒肩。案近刻訛作要是以蜀人。旱則藉以為溉。雨則不遏其流。故記曰。水

旱從人。不知饑饉。沃野千里。世號陸海。謂之天府也。郵在堰上。案堰下近刻衍官字俗謂之都安大堰。

案大近刻  
訛作之

亦曰湔堰。又謂之金堤。

案近刻  
脫之字

左思蜀都賦云：西踰金堤者也。諸葛亮北征，以此堰農本國

之所資，以征丁千二百人主護之。有堰官，益州刺史皇甫晏至都安，屯觀坂，從事何旅曰：今所安營地

名觀坂，上觀下反。

案此四字近刻作自上  
觀下反上之象八字

其徵不祥，不從。果爲牙門張和所殺。江水又逕臨邛縣。王莽

之監邛也。縣有火井鹽水，昏夜之時，光輿上照。江水又逕江原縣。

案原近刻  
訛作鄉

王莽更名邛原也。郪江水

出焉。江水又東北逕郫縣下。縣民有姚精者，爲叛夷所殺，掠其二女。二女見夢其兄，當以明日自沈江

中。喪後日當至，可伺候之。果如所夢，得二女之尸於水。郡縣表異焉。江水又東逕成都縣，縣以漢武帝

元鼎二年立。縣有二江，雙流郡下。故揚子雲蜀都賦曰：兩江珥其前者也。風俗通曰：秦昭王使李冰爲

蜀守，開成都兩江，溉田萬頃。江神歲取童女二人爲婦。

案近刻  
脫江字

冰以其女與神爲婚，徑至神祠，勸神酒。

酒杯恆澹澹，冰厲聲以責之，因忽不見。良久，有兩牛鬪於江岸旁，有間冰還，流汗謂官屬曰：吾鬪大壺

案近刻  
作疲極

，當相助也。南向腰中正白者，我綬也。主簿刺殺北面者，江神遂死。蜀人慕其氣，決凡壯健者，因

名冰兒也。秦惠王二十七年，遣張儀與司馬錯等滅蜀，遂置蜀郡焉。王莽改之曰導江也。儀築成都，以

象咸陽。晉太康中，蜀郡爲王國，更爲成都內史。益州刺史治地理風俗記曰：華陽黑水惟梁州。漢武帝

元朔二年，改梁曰益州，以新啓犍爲、牂柯、越巂州之疆壤益廣，故稱益云。初治廣漢之雒縣，後乃徙此。

故李固與弟圖書曰：固今年五十七，鬢髮已白，所謂容身而遊，滿腹而去。

案謂近刻  
訛作爲

周觀天下，獨未見

益州耳。昔嚴夫子常言經有五。涉其四。州有九。遊其八。欲類此子矣。初張儀築城取土處。去城十里。因以養魚。今萬頃池是也。城北又有龍堤池。城東有千秋池。西有柳池。西北有天井池。津流徑通。冬夏不竭。西南兩江有七橋。直西門郛江上。曰冲治橋。案近刻脫上曰二字。治訛作里。西南石牛門曰市橋。吳漢入蜀。自廣都令輕騎先往。焚之。橋下謂之石犀淵。李冰昔作石犀五頭。以厭水精。穿石犀渠於南江。命之曰犀牛里。後轉犀牛二頭。一頭在府市市橋門。案此八字。近刻訛作在府中一頭在市橋。一頭沈之於淵也。大城南門曰江橋。橋南曰萬里橋。西上曰夷星橋。案近刻脫星字。下曰笮橋。案笮近刻訛作筏。南岸道東有文學。始文翁爲蜀守。立講堂。作石室於南城。永初後。學堂遇火。後守更增二石室。後州奪郡。學移夷星橋南岸道東。案近刻脫此五字。作移夷里三字。道西城。案近刻脫城字。故錦官也。言錦工織錦。則濯之江流。而錦至鮮明。濯以他江。案他近刻訛作沱。則錦色弱矣。遂命之爲錦里也。蜀有迴復水。江神嘗溺殺人。文翁爲守祠之。勸酒不盡。拔劍擊之。遂不爲害。江水東逕廣都縣。漢武帝元朔二年。置王莽之就都亭也。李冰識察水脈。穿縣鹽井。江西有望川原。案近刻訛作有鑿。望穿脫原字。山崖度水。案近刻脫崖字。結諸陂池。故盛養生之饒。卽南江也。又從冲治橋北折。案治近刻訛作里。曰長昇橋。城北十里。曰昇僊橋。案近刻僊訛作遷。脫橋字。有送客觀。司馬相如將入長安。題其門曰。不乘高車駟馬。不過汝下也。後入邛蜀。果如志焉。李冰沿水造橋。上應七宿。故世祖謂吳漢曰。安車宜在七橋連星間。漢自廣都乘勝進逼成都。與其副劉尙。南北相望。夾江爲營。浮橋相對。公孫述使謝豐揚軍市橋。出漢後。襲破漢。墜馬落

水緣馬尾得出入壁。命將夜潛渡江。就尙擊豐。斬之。於是水之陰。江北則左對繁田。文翁又穿湔渎。以溉灌繁田千七百頃。湔水又東絕綿洛。案湔近刻逕五城界。至廣都北岸。南入於江。謂之五城水口。斯爲北江。江水又東至南安。爲壁玉津。故左思云。東越玉津也。

又東南過犍爲武陽縣。青衣水沫水從西南來。合而注之。案沫近刻

縣故大夜郎國。漢武帝建元六年。開置郡縣。案近刻作漢武帝開道置以爲縣九字。太初四年。益州刺史任安城武陽。此

下近刻有建元六年置王莽更名郡曰西順。案近刻脫縣曰戡成。光武謂之士大夫郡。有鄴江入焉。出

江原縣。案原近首受大江。東南流。至武陽縣。注於江。縣下江上。案江近刻舊有大橋。廣一里半。謂之安

安二十九年。有黃龍見此水。九口方去。此縣藉江爲大堰。開六水門。用灌郡下北山。昔者王喬所升之

山也。江水又與文井江會。李冰所導也。自荊道與濛溪分水。至蜀郡臨邛縣。與布僕水合。水出徠外成

都西沈黎郡。漢武元封四年。以蜀郡西部。邛菴。邛。案此四十字。舛誤不可通。當作漢武帝元鼎六年。以

封四年也。又越嶲郡治邛都。沈黎郡治荊都。不得兼言邛菴明矣。荊都卽旄牛縣。亦曰旄牛道。天漢四年。罷沈黎郡。置都尉。仍治旄牛。其縣隸蜀郡。故城在今雅州府清溪縣南。理旄牛道。天

漢四年。置都尉。主外羌。在邛嶲山表。案嶲近刻自蜀西度邛菴。案華陽國志。邛嶲山。本名其道至險。案

刻脫有弄棟八渡之難。揚母開路之阻。水從縣西布僕來。分爲二流。一水逕其道。又東逕臨邛縣。入文

井水。文井水又東逕江原縣。

案原近刻。縣濱文井江。江上有常氏堤。跨四十里。堤堤跨四十里。有朱亭。

亭南有青城山。山上有嘉穀。山下有蹲鴟。即芋也。所謂下有蹲鴟。至老不饑。卓氏之所以樂遠徙也。文

井江又東至武陽縣天社山下入江。其一水南逕越嶲邛都縣西。東南至雲南郡之青蛉縣。入於僕。

案近刻作有長。有朱亭。近

刻脫此三字。郡本雲川地也。蜀建興三年置僕水。又南逕永昌郡邪龍縣。而與貪水合。水出青蛉縣。上承青

蛉水。逕葉榆縣。又東南至邪龍。入於僕。僕水又逕寧州建寧郡。案近刻州。故庾隆都督屯。故南人謂之

屯下。案人近刻。劉禪建興三年分益州郡置。歷雙柏縣。即水入焉。水出秦臧縣牛蘭山。南流至雙柏縣。

東注僕水。又東至來唯縣。入勞水。水出徼外。東逕其縣。與僕水合。僕水東至交州交趾郡蒼冷縣。案蒼

及近刻。並訛作蒼。漢書今本亦訛。說文云。蒼從米尼聲。交趾有蒼冷縣。南流入於海。江水自武陽東至彭亡聚。昔岑彭與吳漢瀝江水入

蜀。軍次是地。知而惡之。會日暮不移。遂為刺客所害。謂之平模水。亦曰外水。案模近刻。訛作漢。此

彭冢。言彭祖冢焉。江水又東南逕南安縣西。有熊耳峽。連山競險。接嶺爭高。漢河平中山崩地震。江水

逆流。懸漑有灘。名壘坻。案華陽國志作雷垣。亦曰鹽漑。案近刻。訛作監漑。李冰所平也。縣治青衣江會衿帶二水矣。即蜀

王開明故治也。來敏本蜀論曰。荆人驚令死。其尸隨水上。荆人求之不得。令至汶山下復生。起見望帝。

望帝者。杜宇也。從天下女子朱利。自江源出。為宇妻。遂王於蜀。號曰望帝。望帝立以為相。時巫山峽而

蜀水不流。帝使令鑿巫峽通水。蜀得陸處。望帝自以德不若。遂以國禪。號曰開明。縣南有峨眉。山有灤



水即大渡水也。水發濛溪。案近刻東南流與泝水合。水出徼外。逕汶江道。呂忱曰：泝水出蜀。案識近刻

許慎以為泝水也。出蜀汶江徼外。案近刻脫。從水我聲。南至南安。入大渡水。大渡水又東入江。故山海

經曰：濛水出漢陽西入江。灑陽西。

又東南過犍道縣北。若水淹水合。從西來注之。又東。渚水北流注之。案清近刻

縣本犍人居之。地理風俗記曰：夷中最仁。有仁道。故字從人。秦紀所謂犍僮之富者也。案近刻其邑高

后六年城之。漢武帝感相如之言。使縣令南通犍道。費功無成。唐蒙南入。斬之。乃鑿石開閣。以通南中。

迄於建寧二千餘里。山道廣丈餘。深三四丈。其鑿之迹猶存。案鑿近刻王莽更曰犍治也。山多猶

獼。似猴而短足。好遊巖樹。一騰百步。或三百丈。順往倒返。乘空若飛。縣有蜀王兵蘭。其神作大難江中。

崖峻阻險。不可穿鑿。李冰乃積薪燒之。故其處懸巖。猶有五色焉。案近刻作有赤。赤白照水。玄黃魚從

變來。案近刻至此而止。言畏崖嶼不更上也。益部耆舊傳曰：張真妻。案真近刻作真。下黃氏女也。名

帛。真乘船覆沒。求尸不得。帛至沒處灘頭。仰天而歎。遂自沉淵。積十四日。帛持真手於灘下出。時人為

說曰：符有先絡。犍道有張帛者也。江水又與符黑水合。案黑近刻作黑。又此八。水出寧州南廣郡南

廣縣。故犍為之屬縣也。漢武帝太初元年置。劉禪延熙中。分以為郡。導源汾關山北流。案近刻說有

大涉水注之。水出南廣縣。案近刻脫。北流注符黑水。又北逕犍道入江。謂之南廣口。渚水則未聞也。

又東過江陽縣南。洛水從三危山。東過廣魏洛縣南。案洛縣原本及近刻。並訛作洛陽。今改正。東南注之。

洛水出洛縣漳山。亦言出梓潼縣柏山。山海經曰：三危在燉煌。南與嶓山相接。山南帶黑水。又山海經

不言洛水所導。經曰：出三危山。所未詳。常璩云：李冰導洛通山。水流發瀑口。逕什邡縣。漢高帝六年。封

雍齒爲侯國。王莽更名曰美信也。洛水又南逕洛縣故城南。廣漢郡治也。漢高祖之爲漢王也。發巴渝

之士。北定三秦。六年。乃分巴蜀。置廣漢郡於乘鄉。王莽之就都縣曰吾雒也。案吾雒近刻作廣。信係後人妄改。漢安帝

永初二年。移治涪城。後治洛縣。案原本脫此四字。近刻脫。治字。今據歸有光本補正。先是洛縣城南。每陰雨。常有哭聲。聞於府中。

積數十年。沛國陳寵爲守。以亂世多死亡。暴骸不葬。故也。乃悉收葬之。哭聲遂絕。劉備自將攻洛。龐士

元中流矢死於此。益州舊以蜀郡廣漢犍爲爲三蜀。案近刻脫。一爲字。土地沃美。人士雋。又一州稱望。縣有沈

鄉。去江七里。姜士遊之所居。案姜近刻。訛作江。詩至孝。母好飲江水。嗜魚膾。常以雞鳴。遡流汲。江子坐。取水溺

死。案近刻。脫取字。婦恐姑知。稱託遊學。案託原本及近刻。並訛。作詩。今據後漢書改正。冬夏衣服。實投江流。於是至孝上通。涌泉出其

舍側。案涌泉。近刻訛作洞。泉下。又衍一泉字。而有江之甘焉。詩有田濱。江澤鹵。泉流所溉。盡爲沃野。又湧泉之中。且旦常

出鯉魚一雙。以膳焉。可謂孝悌發於方寸。徽美著於無窮者也。洛水又南逕新都縣。蜀有三都。謂成都

廣都。此其一焉。與綿水合。水西出綿竹縣。又與湍水合。亦謂之郫江也。又言是涪水。呂忱曰：一曰湍。然

此二水俱與洛會矣。又逕犍爲牛鞞縣。爲牛鞞水。案近刻脫縣字。及爲牛鞞三字。昔羅尙乘牛鞞水。東征李雄。謂此水

也。縣以漢武帝元封二年置。又東逕資中縣。又逕漢安縣。案原本及近刻並訛作安漢縣。今改正。考安

逕綿水由資中漢安江陽入江。資中故城在今資州資陽縣北。漢安故

城在今瀘州江安縣東。江陽故城即今瀘州治。然則當作漢安明甚。謂之綿水也。自上諸縣咸以溉

灌。故語曰：綿洛為沒沃也。綿水至江陽縣方山下入江。謂之綿水口。亦曰中水。案近刻江陽縣枕帶雙

流。據江洛會也。漢景帝六年封趙相蘇嘉為侯國。江陽郡治也。故犍為枝江都尉。建安十八年劉璋立

案此二十字原本及近刻並訛。在後置桑魚鹽家有焉之下。又枝訛作岐。考華陽國志：江陽郡本犍為

枝江都尉。建安十八年劉璋立郡。江陽縣郡治。漢安縣郡東五百里。然則此條不得係之。漢安下明係

錯簡。今江中有大闕小闕焉。案近刻闕季春之月則黃龍堆沒。闕乃平也。案近刻訛作季秋之昔世祖

微時過江陽縣有一子望氣者言江陽有貴兒象。王莽求之而獠殺之。案獠近刻後世祖怨為子立祠

於縣。謫其民罰布數世。揚雄琴清英曰：尹吉甫子伯奇至孝。後母譖之。自投江中。衣苔帶藻。忽夢見水

仙。賜其美藥。思惟養親。案近刻揚聲悲歌。船人聞之而學之。吉甫聞船人之聲。疑似伯奇。援琴作子安

之操。江水逕漢安縣北。案漢安原本及近刻並訛作縣雖迫山川。土地特美。蠶桑魚鹽家有焉。案近刻

江水東逕樊石灘。又逕大附灘。案此十二字原本頻歷二險也。

又東過符縣北。邪東南。繒部水從符關東北注之。

縣故巴夷之地也。漢武帝建元六年。案建元近刻以唐蒙為中郎將。從萬人出巴符關者也。案此下近

元鼎二年立。王莽之符信矣。縣治安樂水會水源。南通寧州平夷郡鼈縣。北逕安樂縣界之東。案近

字。又逕符縣下。北入江。縣長趙祉遣吏先尼和。案先近刻以永建元年十二月。案近刻說詣巴郡。沒死。

成湍灘。案湍近刻子賢求喪不得。女絡年二十五歲。有二子。五歲以還。至二年二月十五日。尙不得喪。

絡乃乘小船。至父沒處。哀哭自沈。見夢告賢曰。至二十一日。與父俱出。至日。父子果浮出江上。郡縣上言。爲之立碑。以旌孝誠也。其鰓部之水。所未聞矣。或是水之殊目。非所究也。

又東北至巴郡江州縣東。強水涪水漢水白水宕渠水五水。合南流注之。案近刻

強水。卽羌水也。宕渠水。卽潛水渝水矣。巴水出晉昌郡宜漢縣巴嶺山。郡隸梁州。晉太康中立。治漢中。

案華陽國志云。魏咸熙元年。平蜀。始分益州。巴漢七郡。置梁州。治漢中。縣南去郡八百餘里。故屬巴渠。案近刻西南流。歷巴中。逕巴郡故

城南。李嚴所築大城北。西南入江。庾仲雍所謂江州縣對二水口。右則涪內水。左則蜀外水。卽是水也。

江州縣。故巴子之都也。春秋桓公九年。巴子使韓服告楚。請與鄧好是也。及七國稱王。巴亦王焉。秦惠

王遣張儀等救苴侯於巴。儀貪巴苴之富。因執其王以歸。而置巴郡焉。案此下近治江州。漢獻帝初平

元年。分巴爲三郡。於江州則永寧郡治也。至建安六年。劉璋納蹇允之訟。復爲巴郡。以嚴顏爲守。顏見

先主入蜀。歎曰。獨坐窮山。放虎自衛。此卽拊心處也。案近刻漢世郡治江州。巴水北。北府城是也。後乃

徙南城。劉備初以江夏費觀爲太守。領江州都督。後都護李嚴更城周十六里。造蒼龍白虎門。求以五

郡爲巴州治。丞相諸葛亮不許。竟不果。地勢側險。皆重屋累居。數有火害。又不相容。結舫水居者五百

餘家承二江之會。案二近刻夏水增盛壞散顛沒死者無數縣有官橋荔枝園夏至則熟二千石常

設廚膳命士大夫共會樹下食之縣北有稻田出御米也縣下又有清水穴巴人以此水爲粉則皜曬

鮮芳貢粉京師因名粉水故世謂之爲江州墮林粉粉水亦謂之爲粒水矣。案粒近刻江之北岸。案之近刻

訛作有塗山南有夏禹廟塗君祠廟銘存焉常璩庾仲雍並言禹娶於此。案近刻脫陝字余按羣書咸言禹娶

在壽春當塗不於此也。

又東至枳縣西延江水從牂柯郡北流西屈注之。

江水東逕陽關巴子梁。案江水二字原本及近刻並江之兩岸猶有梁處巴之三關斯爲一也延熙中

蜀車騎將軍鄧芝爲江州都督治此江水又東右逕黃葛峽山高險全無人居。案全近刻江水又左逕

明月峽東至黎鄉歷雞鳴峽江之南岸。案南近刻有枳縣治華陽記曰枳縣在江州巴郡東四百里治

涪陵水會庾仲雍所謂有別江出武陵者也水乃延江之枝津分水北注逕涪陵入江故亦云涪陵水

也其水南導武陵郡。案導近刻昔司馬錯泝舟此水取楚黔中地延熙中鄧芝伐徐巨射玄媛於是縣媛

自拔矢卷木葉塞射創芝歎曰傷物之生吾其死矣江水又東逕涪陵故郡北後乃并巴郡遂罷省江

水又東逕文陽灘灘險難上江水又東逕漢平縣二百餘里。案漢平縣屬涪陵郡左自涪陵東出百餘里而屆於

黃石東爲桐柱灘。案黃近刻又逕東望峽東歷平都。案此九字原本及峽對豐民洲舊巴子別都也華

陽記曰巴子雖都江州

案江下原本及近刻並衍平字今改正

又治平都卽此處也有平都縣爲巴郡之隸邑矣縣有天

師治兼建佛寺甚清靈縣有市肆四日一會江水右逕虎鬚灘

案此七字原本及近刻並作經近刻右訛作又

灘水廣大夏

斷行旅江水又東逕臨江縣南

案此九字原本及近刻並訛作經

王莽之監江縣也

案監近刻訛作鹽

華陽記曰縣在枳東四

百里東接胸忍縣有鹽官自縣北入鹽井溪有鹽井營戶

溪水沿江

案近刻訛作沿江注溪井水

江水又東得黃華

水口

案此九字原本及近刻並訛作經

江浦也左逕石城南

案此五字原本及近刻並訛作經

庾仲雍曰臨江至石城黃華口一百里

又東至平洲

案此五字原本及近刻並訛作經

洲上多居民又東逕壤塗而歷和灘又東逕界埤

地巴東之西界益州之東境故得是名也

又東過魚復縣南夷水出焉

案此十一字原本及近刻並訛入注內接故得是名也之下今改正

江水又東右得將龜溪口

案此十字原本及近刻並訛作經

華陽記曰胸忍縣出靈龜咸熙元年獻龜於相府言出自

此溪也江水又東會南北集渠

案此九字原本及近刻並訛作經會字又訛在南字之下

南水出涪陵縣界

陽溪

案之字下近刻衍于字

北流逕巴東郡之南浦僑縣西溪硤側

案硤近刻作夾

鹽井三口相去各數十步以木爲桶

徑五尺脩煮不絕溪水北流注於江謂之南集渠口亦曰於陽溪口北水出新浦縣北高梁山分溪南

流逕其縣西又南百里至胸忍縣

案至近刻作入南入於江謂之北集渠口別名班口又曰分水口胸忍尉治

此江水又東右逕汜溪口

案近刻脫東字汜訛作池又此九字原本及近刻並訛作經蓋江汜決入也江水又東逕石龍而至於博

陽二村之間。案近刻石訛作右而訛作水又此十六字原本有盤石廣四百丈長六里而復殆于四字及近刻並截上七字訛作經下九字仍屬注文。

係衍文。阻塞江川。夏沒冬出。基互通渚。又東逕羊腸虎臂灘。案此八字原本及近刻並訛作經。楊亮為益州。至此舟覆。懲

其波瀾。蜀人至今猶名之為使君灘。江水又東。彭水注之。案此八字原本及近刻並訛作經。水出巴渠郡獠中。東南流。

逕漢豐縣東。清水注之。水源出西北巴渠縣東北巴嶺南獠中。即巴渠水也。西南流。至其縣。又西入峽。

檀井溪水出焉。又西出峽。案近刻訛作西過山。至漢豐縣東。而西注彭溪。謂之清水口。彭溪水又南。案近刻訛作又入。

逕胸忍縣西六十里。南流注於江。案注近刻訛作至。謂之彭溪口。江水又東。右逕胸忍縣故城南。案此十二字原本及近刻

並訛作經。常璩曰。縣在巴東郡西二百九十里。縣治故城。跨其山阪。南臨大江。江之南岸有方山。案近刻脫一江字。

山形方峭。枕側江濱。江水又東。逕瞿巫灘。案此八字原本及近刻並訛作經。即下瞿灘也。又謂之博望灘。左則湯溪水

注之。水源出縣北六百餘里。上庸界。南流歷縣。案近刻歷下衍之字。翼帶鹽井一百所。巴川資以自給。粒大者方

寸。中央隆起。形如張繖。案近刻作傘。繖即古傘字。故因名之曰繖子鹽。有不成者。形亦必方。異於常鹽矣。王隱晉書

地道記曰。入湯口四十三里。有石煮以為鹽。石大者如升。小者如拳。煮之。水竭鹽成。蓋蜀火井之倫。水

火相得。乃佳矣。湯水下與檀溪水合。水上承巴渠水。案此下近刻南歷檀井溪。謂之檀井水。案近刻下

入湯水。湯水又南入於江。名曰湯口。江水又逕東陽灘。案此七字原本及近刻並訛作經。江上有破石。故亦通謂之破

石灘。苟延光沒處也。常璩曰。水道有東陽下瞿數灘。山有大小石城勢。案近刻靈壽木及橘圃也。故地

理志曰縣有橘官有民市江水又逕魚復縣之故陵案此十字原本及近刻並訛作經舊郡治故陵溪西二里故陵村

溪即水谷也地多木瓜樹有子大如鯀白黃實甚芬香爾雅之所謂楸也江水又東為落牛灘逕故陵

北案此十二字原本及近刻並訛作經江側有六大墳庾仲雍曰楚都丹陽所葬亦猶枳之巴陵矣故以故陵為名也有

魚復尉戍此江之左岸有巴鄉村村人善釀故俗稱巴鄉清郡出名酒村側有溪溪中及靈壽木中有

魚其頭似羊豐肉少骨美於餘魚溪水伏流逕平頭山內通南浦故縣陂湖其地平曠有湖澤中有菱

芡鯽鴈不異外江凡此等物皆入峽所無地密惡蠻不可輕至江水又東右逕夜清而東歷朝陽道口

案近刻脫東字又此十五字原本及近刻並訛作經有縣治治下有市十日一會江水又東左逕新市里南案此十字原本及近刻並訛作經常

璩曰巴舊立市於江上今新市里是也江水又東右合陽元水案此九字原本及近刻並訛作經水出陽口

縣西南高陽山東案陽口縣在今夔州府奉節縣西原本及近刻並訛作水口出陽縣今改正東北流逕其縣南東北流丙水注之水發縣

東南柏枝山山下有丙穴穴方數丈中有嘉魚常以春末游渚冬初入穴抑亦襲漢丙穴之類也其水

北流入高陽溪溪水又東北流注於江謂之陽元口案近刻元下衍水字江水又東逕南鄉峽東逕永安宮南案

十四字原本及近刻並訛作經劉備終於此諸葛亮受遺處也其間平地可二十許里江山迴闊入峽所無城周十餘

里背山面江頽墉四毀荆棘成林左右民居案近刻脫居字多墾其中江水又東逕諸葛亮圖壘南案此十一

近刻並訛作經石磧平曠望兼川陸有亮所造八陣圖東跨故壘皆累細石為之自壘西去聚石八行行間相



去二丈。因曰八陣既成。自今行師。庶不覆敗。皆圖兵勢行藏之權。自後深識者。所不能了。今夏水漂蕩。

歲月消損。高處可二三尺。下處磨滅殆盡。江水又東。逕赤岬城西。案近刻作又東南。脫城字。此九字。原本及近刻並訛作經。是公孫

述所造。因山據勢。周迴七里一百四十步。東高二百丈。西北高千丈。南連基白帝山。甚高大。不生樹木。

其石悉赤。案石近刻訛作土。土人云。如人袒胛。故謂之赤岬山。淮南子曰。徬徨於山岬之旁。注曰。岬。山脅也。郭

仲產曰。斯名將因此而興矣。江水又東。逕魚復縣。故城南。案此十一字。原本及近刻並訛作經。今考注。敘江水西來所逕至此。乃經所謂東過魚復

也。縣南故魚國也。春秋左傳。文公十六年。庸與羣蠻叛。楚莊王伐之。七遇皆北。惟裨僚。魚人逐之。是也。地

理。志江關都尉治。公孫述名之為白帝。取其王色。案近刻訛作巴。蜀章武二年。劉備為吳所破。改白帝為永安。

巴東郡治也。漢獻帝興平元年。案興平。近刻訛作初平。分巴為二郡。案近刻訛作三郡。以魚復為故陵郡。蹇胤訴劉璋。案

刻。蹇訛作趙。改為巴東郡。治白帝山城。周迴二百八十步。北緣馬嶺。接赤岬山。其間平處。南北相去八十五

丈。東西七十丈。案近刻訛作十七丈。又東。傍東瀼溪。即以為隍。西南臨大江。闕之眩目。惟馬嶺小差委。池猶斬山

為路。案近刻脫山字。羊腸數四。然後得上。益州刺史鮑陋鎮此。為譙道。福所圍。城裏無泉。乃南開水門。鑿石為

園。道上施木。天公直下。至江中。有似猿臂。相牽引汲。然後得水。水門之西。江中有孤石。為淫預石。冬出

水二十餘丈。夏則沒。亦有裁出處矣。案近刻脫出字。宋本脫處字。縣有夷溪。即佷山清江也。案近刻佷

出焉。案此可證前以經入注之訛。江水又東。逕廣溪峽。案此八字。原本及近刻並訛作經。斯乃三峽之首也。其間三十里。頽巖倚木。

厥勢殆交。北岸山上有神淵。淵北有白鹽崖。高可千餘丈。俯臨神淵。土人見其高白。故因名之。天旱。燃木岸上。推其灰燼。下穢淵中。尋卽降雨。常璩曰。縣有山澤。水神旱時。鳴鼓請雨。則必應。嘉澤。蜀都賦所謂應鳴鼓而興雨也。峽中有瞿塘黃龕二灘。案龕近刻。訛作龍。夏水迴復。沿沂所忌。瞿塘灘上有神廟。尤至靈。驗。刺史二千石經過。皆不得鳴角伐鼓。商旅上水。恐觸石有聲。乃以布裹篙足。今則不能爾。猶饗薦不輟。此峽多獏。獏不生北岸。非惟一處。或有取之。放著北山中。初不聞聲。將同貉獸。渡汶而不生矣。其峽

卷三十四

江水案近刻作江水二

又東出江關入南郡界。案此九字原本及近刻。並訛入前卷注內。接夏后疏鑿者之下。今改正。又下條過巫縣南注文。因經誤爲注。注誤爲經。遂割裂異卷。今訂正。改此爲卷首。

江水自關東逕弱關。捍關。案此十字原本及近刻。並訛作經。捍關。廩君浮夷水所置也。弱關在建平秭歸界。昔巴楚數

相攻伐。藉險置關。以相防捍。秦兼天下。置立南郡。自巫東上。皆其域也。案近刻脫東字。城訛作城。此乃注釋經文入南郡界句。

又東過巫縣南。鹽水從縣東南流注之。案此十五字原本及近刻。並訛入注內。接自巫東上皆其域也之下。今改正。

江水又東。烏飛水注之。案此九字原本及近刻。並訛作入東。水出天門郡淩中縣界。北流逕建平郡沙渠縣南。

又北流逕巫縣南西北歷山道三百七十里注於江謂之烏飛口案又東過巫縣南至此原本江水又東

逕巫縣故城南案此十字原本及近刻並訛作經又別爲縣故楚之巫郡也秦省郡立縣以隸南郡吳

孫休分爲建平郡治巫城城緣山爲墉周十二里一百一十步東西北三面皆帶傍深谷南臨大江故

夔國也案近刻故下江水又東巫溪水注之案此九字原本及近刻並訛作經溪水導源梁州晉與郡

之宜漢縣東又南逕建平郡秦昌縣南又逕北井縣西東轉歷其縣北水南有鹽井案水近刻井在縣

北故縣名北井建平一郡之所資也鹽水下通巫溪溪水是兼鹽水之稱矣案此乃注釋溪水又南屈

逕巫縣東縣之東北三百步有聖泉謂之孔子泉其水飛清石穴潔並高泉案近刻作飛清下注溪水

溪水又南入於大江江水又東逕巫峽案此七字原本及杜宇所鑿以通江水也郭仲產云按地理志

巫山在縣西南而今縣東有巫山將郡縣居治無恆故也江水歷峽東逕新崩灘案此九字原本及此

山漢和帝永元十二年崩案近刻訛晉太元二年又崩常崩之日水逆流百餘里湧起數十丈今灘上

有石或圓如簾或方似屋若此者甚衆皆崩崖所隕致怒湍流故謂之新崩灘其頽巖所餘比之諸嶺

尙爲竦桀其下十餘里有大巫山非惟三峽所無乃當抗峯岷峨偕嶺衡疑其翼附羣山並概青雲更

就霄漢辨其優劣耳神孟涂所處山海經曰夏后啓之臣孟涂是司神於巴巴人訟於孟涂之所其衣

有血者執之是請生居山上在丹山西郭景純云丹山在丹陽屬巴丹山西卽巫山者也又帝女居焉

宋玉所謂天帝之季女名曰瑤姬未行而亡封於巫山之陽案近刻精魂為草實為靈芝所謂巫山之

女高唐之阻案近刻旦為行雲暮為行雨朝朝暮暮陽臺之下旦早視之果如其言故為立廟號朝雲

焉其間首尾百六十里謂之巫峽蓋因山為名也自三峽七百里中兩岸連山略無闕處重巖疊嶂隱

天蔽日自非停午夜分不見曦月至於夏水襄陵沿泝阻絕或王命急宣案近刻有時朝發白帝暮到

江陵其間千二百里雖乘奔御風不以疾也春冬之時則素湍綠潭迴清倒影絕巘多生怪柏案怪近刻

懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屬引淒異案屬近刻

作空谷傳響哀轉久絕故漁者歌曰巴東三峽巫峽長猿鳴三聲淚沾裳江水又東逕石門灘案此八

及近刻並灘北岸有山山上合下開洞達東西緣江步路所由劉備為陸遜所破走逕此門追者甚急

備乃燒鎧斷道孫桓為遜前驅奮不顧命斬上夔道截其要徑備踰山越險僅乃得免忿恚而歎曰吾

昔至京桓尚小兒而今迫孤乃至於此遂發憤而薨矣

又東過秭歸縣之南

縣故歸鄉地理志曰歸子國也樂緯曰昔歸典叶聲律宋忠曰歸即夔歸鄉蓋夔鄉矣古楚之嫡嗣有

熊摯者以廢疾不立而居於夔為楚附庸後王命為夔子春秋僖公二十六年楚以其不祀滅之者也

袁山松曰屈原有賢姊聞原放逐亦來歸喻令自寬全鄉人冀其見從因名曰秭歸即離騷所謂女媭

嬋媛以詈余也。縣城東北依山，卽坂周迴二里，高一丈五尺，南臨大江。古老相傳，謂之劉備城。蓋備征吳所築也。縣東北數十里，有屈原舊田宅。雖畦堰靡漫，猶保屈田之稱也。縣北一百六十里，有屈原故宅。累石爲室，基名其地曰樂平里。宅之東北六十里，有女嬃廟。擣衣石猶存。故宜都記曰：秭歸，蓋楚子熊繹之始國，而屈原之鄉里也。原田宅於今具存。案原田宅，近刻指謂此也。江水又東，逕一城北。案此原本及近刻，並訛作經，又近刻脫一字。其城憑嶺作固，二百一十步，夾溪臨谷。據山枕江，北對丹陽城。城據山跨阜，周八里二百八十步。東北兩面，悉臨絕澗。西帶亭下，溪南枕大江，險峭壁立，信天固也。楚子熊繹始封丹陽之所都也。地理志以爲吳之丹陽。案吳下，近刻衍子字。論者云：尋吳楚悠隔，縵縷荆山，無容遠在吳境，是爲非也。又楚之先王陵墓在其間。案近刻之訛，作子。蓋爲徵矣。江水又東南，逕夔城南。案此九字，原本及近刻，並訛作經。跨據川阜，周迴一里，百一十八步。西北背枕深谷，東帶鄉口溪。案背，近刻訛作皆，脫口字。南側大江，城內西北角有金城。東北角有圓土獄。西南角有石井，口徑五尺。熊蹯始治巫城，後疾移此。蓋夔徙也。春秋左傳：僖公二十六年，楚令尹子玉城夔者也。服虔曰：在巫之陽。秭歸歸鄉矣。江水又東，逕歸鄉縣故城北。案此十一字，原本及近刻，並訛作經。山松曰：父老傳言，原旣流放，忽然整歸。案暫，近刻作暫。鄉人喜悅，因名曰歸鄉。抑其山秀水清，故出雋異。地險流疾，故其性亦隘。詩云：惟岳降神，生甫及申。信與余謂山松此言，可謂因事而立證。恐非名縣之本旨矣。縣城南面重嶺，北背大江，東帶鄉口溪。溪源出縣東南數百里，西北入縣，逕狗峽。西峽崖龕中，石隱

起有狗形。形狀具足。故以狗名峽。鄉口溪。又西北逕縣下入江。謂之鄉口也。江水又東逕信陵縣南。案此九字原本及近刻並訛作經。臨大江東傍深溪。溪源北發梁州上庸縣界。南流逕縣下。而注於大江也。

又東過夷陵縣南。案又東上原本及近刻並衍江水二字。今改正。

江水自建平至東界峽。盛弘之謂之空冷峽。案謂之近刻脫之字。峽甚高峻。即宜都建平二郡界也。其間遠望。勢

交嶺表。案近刻脫勢字。有五六峯。參差互出。上有奇石。如二人像。攘袂相對。俗傳兩郡督郵爭界於此。宜都督

郵厥勢小。東傾。議者以為不如也。江水歷峽。東逕宜昌縣之插窰下。案此十三字原本及近刻並訛作經。插訛作埗。江之左岸

絕岸壁立。數百丈。飛鳥所不能棲。有一火燼。案近刻訛作爐。插在崖間。望見可長數尺。父老傳言。昔洪水之時。

人薄舟崖側。以餘燼插之巖側。至今猶存。故先後相承。謂之插窰也。江水又東逕流頭灘。案近刻脫逕字。又此八字原本及近刻並訛作經。其水並峻激奔暴。案峻近刻作淺。魚鼈所不能游。行者常苦之。其歌曰。灘頭白勃堅。相持倏忽淪

沒。別無期。袁山松曰。自蜀至此。五千餘里。下水五日。上水百日也。江水又東逕宜昌縣北。案此九字原本及近刻並訛作經。分夷道。假山所立也。案假近刻訛作狼。縣治江之南岸。北枕大江。與夷陵對界。宜都記曰。渡流頭灘十里。

便得宜昌縣。江水又東逕狼尾灘。而歷人灘。案此十二字原本及近刻並訛作經。袁山松曰。二灘相去二里。人灘水至峻

峭。南岸有青石。夏沒冬出。其石嶽崙。數十步中。悉作人面形。或大或小。其分明者。鬚髮皆具。因名曰人

灘也。江水又東逕黃牛山下。案此九字原本及近刻並訛作經。下字仍屬注文。有灘名曰黃牛灘。南岸重嶺疊起。最外高

灘也。江水又東逕黃牛山下。案此九字原本及近刻並訛作經。下字仍屬注文。有灘名曰黃牛灘。南岸重嶺疊起。最外高

灘也。江水又東逕黃牛山下。案此九字原本及近刻並訛作經。下字仍屬注文。有灘名曰黃牛灘。南岸重嶺疊起。最外高

崖間有石色案近刻脫石字如人負刀牽牛人黑牛黃成就分明既人跡所絕莫得究焉此巖既高加以江湍

紆迴案近刻脫以字雖途逕信宿猶望見此物故行者謠曰朝發黃牛暮宿黃牛三朝三暮黃牛如故案近刻脫此八

字案紆近刻言水路紆深案紆近刻迴望如一矣江水又東逕西陵峽案此八字原本及近刻並訛作經宜都記曰自黃牛灘東

入西陵界至峽口百許里山水紆曲而兩岸高山重障非日中夜半不見日月絕壁或千許丈其石彩

色形容多所像類林木高茂略盡冬春猿鳴至清山谷傳響泠泠不絕所謂三峽此其一也山松言常

聞峽中水疾書記及口傳悉以臨懼相戒曾無稱有山水之美也及余來踐躋此境案近刻訛作意既至欣然

始信耳聞之不如親見矣案之字近刻訛在耳聞上其疊嶂秀峰奇構異形固難以辭敘林木蕭森離離蔚蔚乃在

霞氣之表仰矚俯映彌習彌佳流連信宿不覺忘返目所履歷未嘗有也既自欣得此奇觀山水有靈

亦常驚知已於千古矣江水歷禹斷江南案此七字原本及近刻並訛上峽北有七谷村案七近刻兩

山間有水清深潭而不流又著舊傳言昔是大江及禹治水此江小不足瀉水禹更開今峽口水勢并

衝此江遂絕於今謂之斷江也江水出峽東南流逕故城洲案此十一字原本及近刻並訛作經溯附北岸洲頭曰郭洲

長二里廣一里上有步闡故城方圓稱洲周迴略滿故城洲上城周五里案近刻脫吳西陵督步騭所築

也孫皓鳳凰元年騭息園復爲西陵督據此城降晉晉遣太傅羊祜接援案近刻脫未至爲陸抗所陷

也江水又東逕故城北案此八字原本及近刻並訛作經所謂陸抗城也城卽山爲墉四面天險案天近刻訛作大江南岸有

山孤秀。從江中仰望。壁立峻絕。袁山松爲郡。嘗登之。矚望焉。故其記云。今自山南上至其嶺。嶺容十許人。四面望諸山。略盡其勢。俯臨大江。如縈帶焉。視舟如鳧鴈矣。北對夷陵縣之故城。城南臨大江。秦令白起伐楚。三戰而燒夷陵者也。應劭曰。夷山在西北。蓋因山以名縣也。王莽改曰居利。吳黃武元年。更名西陵也。後復曰夷陵。案近刻脫曰字。縣北三十里。有石穴。名曰馬穿。嘗有白馬出穴。案此下近刻衍食字。人逐之。入穴。潛行出漢中。漢中人失馬。亦嘗出此穴。相去數千里。袁山松言江北多連山。登之望江南諸山。數十百重。莫識其名。高者千仞。多奇形異勢。自非煙霧雨霽。不辨見此遠山矣。余嘗往返十許過。正可再見遠峯耳。江水又東。逕白鹿巖。案此八字原本及近刻並訛作經。沿江有峻壁百餘丈。猿所不能遊。有一白鹿。陵登崖乘巖而上。故世名此巖爲白鹿巖。案近刻作云。江水又東。歷荆門虎牙之間。案近刻間訛作門。又此十一字原本及近刻並訛作經。荆門在南。上合下開。闔徹山南。有門像虎牙。在北。案近刻訛作此。石壁色紅。間有白文。類牙形。並以物像受名。此二山。案二近刻訛作三。楚之西塞也。水勢急峻。故郭景純江賦曰。虎牙桀豎以屹峩。荆門闕竦而盤薄。圓淵九迴。以懸騰。湓流雷响而電激者也。漢建武十一年。公孫述遣其大司徒任滿。翼江王田戎。將兵數萬。案近刻脫。據險爲浮橋。橫江以絕水路。營壘跨山以塞陸道。光武遣吳漢岑彭將六萬人。擊荆門。漢等率舟師攻之。直衝浮橋。因風縱火。遂斬滿等矣。

又東南過夷道縣北。夷水從佷山縣南東北注之。



夷道縣。漢武帝伐西南夷，路由此出，故曰夷道矣。王莽更名江南，桓溫父名彝，改曰西道。魏武分南郡。

置臨江郡。案魏武下近刻劉備改曰宜都。案近刻郡治在縣東四百步。故城吳丞相陸遜所築也。為二

江之會也。北有湖里淵，淵上橘柚蔽野，桑麻闡日。西望狼山諸嶺，重峯疊秀，青翠相臨。時有丹霞白雲，

遊曳其上。城東北有望堂，地特峻，下臨清江，遊矚之名處也。縣北有女觀山，厥處高顯，回眺極目。古老

傳言昔有思婦，夫官於蜀，屢愆秋期。案秋近刻登此山絕望，憂感而死。山木枯悴，鞠為童枯，鄉人哀之，

因名此山為女觀焉。葬之山頂，今孤墳尚存矣。

又東過枝江縣南，沮水從北來注之。案此十四字原本及近刻並訛

江水又東，逕上明城北。案此九字原本及近刻並訛晉大元中，苻堅之寇荊州也，刺史桓沖徙渡江南，使劉波築

之，移州治此城。案此城近刻其地夷敞，北據大江，江汜枝分，東入大江，縣治洲上，故以枝江為稱。地理

志曰：江沱出西。案近刻訛作東入江是也。其地故羅國，蓋羅徙也。案此九字近刻訛作羅故居宜城西

山。楚文王又徙之於長沙，今羅縣是矣。縣西三里，有津鄉，津鄉里名也。春秋莊公十九年，巴人伐楚，楚

子禦之，大敗於津。案近刻此應劭曰：南郡江陵有津鄉，今則無聞矣。郭仲產云：尋楚禦巴人，枝江是其

塗便。此津鄉殆即其地也。案殆近刻盛弘之曰：縣舊治沮中，後移出百里洲，西去郡百六十里，縣左右

有數十洲，槃布江中，其百里洲最為大也。中有桑田、甘果。案近刻映江依洲，自縣西至上明東及江津。

其中有九十九洲。楚諺云：洲不百。

案近刻說作洲下石

故不出王者。桓玄有問鼎之志，乃增一洲，以充百數。

案增近刻

譚作

僭號數旬，宗滅身屠。及其傾敗，洲亦消毀。今上在西，忽有一洲自生，沙流迴薄，成不淹時。其後未

幾，龍飛江漢矣。縣東二里有縣人劉凝之故宅，凝之字志安，兄盛公，高尚不仕，凝之慕老萊，嚴子陵之

爲人，立屋江湖，非力不食。妻梁州刺史郭詮女，亦能安貧。宋元嘉中，夫妻隱於衡山，終焉不返矣。縣東

北十里，土臺北岸有迤洲，長十餘里。義熙初，烈武王斬桓謙處。

案烈武王近刻說作武烈王

縣東南二十里，富城洲

上，有道士范儕精廬，自言巴東人，少遊荆土，而多盤桓縣界，惡衣麤食，蕭散自得，言來事多驗，而辭不

可詳，人心欲見，欻然而對，貌言尋求，終弗遇也。雖逕跨諸洲，而舟人未嘗見其濟涉也。後東遊廣陵，卒

於彼土，儕本無定止處。

案本下近刻衍洲字

宿憩一小菴而已。弟子慕之，於其昔遊，共立精舍，以存其人。縣有陳

留王子香廟，頌稱子香於漢和帝之時。

案近刻脫稱字

出爲荊州刺史，有惠政，天子徵之，道卒。枝江亭中常有

三白虎，出入人間，送喪踰境，百姓追美甘棠，以永元十八年立廟設祠，刻石銘德，號曰枝江白虎王君。

其子孫至今猶謂之爲白虎王。

案至今近刻說作世令

江水又東會沮口。

案此七字原本及近刻並說作經

楚昭王所謂

案近刻脫王字

江漢沮漳，楚之望也。

又南過江陵縣南。

縣北有洲。

案北近刻說作江

號曰枚迴洲。江水自此兩分而爲南北江也。北江有故鄉洲，元興之末，桓玄西奔。

毛祐之與參軍費恬射玄於此洲。玄子昇年六歲，輒拔去之。王韶之云案韶近刻，玄之初奔也，經日不

得食，左右進麤粥，咽不下，昇抱玄胸撫之，玄悲不自勝。至此益州都護馮遷斬玄於此洲，斬昇於江陵

矣。下有龍洲，洲東有龍洲，二洲之間世擅多魚矣。漁者投罟歷網，往往絳絕案絳近刻，有潛客泳而視

之，見水下有兩石牛，嘗爲罟害矣。案罟近刻，故漁者莫不擊浪浮舟，鼓枻而去矣。案枻近刻，其下謂之

那里洲，洲有高沙湖，湖東北有小水通江，名曰曾口。江水又東逕燕尾洲北。案此九字原本及近刻並

仍屬注文，合靈溪水，水無泉源，上承散水，合承大溪，南流注江。江溪之會有靈溪，戍背阿面江，西帶靈溪，故

戍得其名矣。江水東得馬牧口。案此七字原本及江水斷洲通會，江水又東逕江陵縣故城南。案此十

本及近刻並說作經，禹貢荆及衡陽，惟荊州，蓋卽荆山之稱，而制州名矣。故楚也。子革曰：我先君僻處荆山，以供

王事，遂遷紀郢，今城楚船官地也。春秋之渚宮矣。秦昭襄王二十九年，使白起拔郢郢，以漢南地而置

南郡焉。周書曰：南國名也。南氏有二臣，力鈞勢敵，競進爭權，君弗能制，南氏用分爲二南國也。按韓嬰

敘詩云：其地在南郡南陽之間。呂氏春秋所謂禹自塗山巡省南土者也。是郡取名焉。後漢景帝以爲

臨江王榮國，王坐侵廟墻地爲宮。案墻近刻，被徵，升車出北門而軸折，父老竊流涕曰：吾王不還矣。自

後北門不開，蓋由榮非理終也。漢景帝二年，改爲江陵縣，王莽更名郡曰南順。案近刻脫，縣曰江陵。案

刻說，舊城關羽所築，羽北圍曹仁，呂蒙襲而據之，羽曰：此城吾所築，不可攻也。乃引而退。杜元凱之攻

江陵也。城上人以瓠繫狗頸示之。元凱病瘳故也。及城陷。殺城中老小。血流沾足。論者以此薄之。江陵城地東南傾。故緣以金堤。自靈溪始。桓温令陳遵造。遵善於方功。使人打鼓遠聽之。知地勢高下。依傍創築。略無差矣。城西有栖霞樓。俯臨通隍。吐納江流。城南有馬牧城。西側馬徑。此洲始自枚迴下。迄於此。長七十餘里。洲上有奉城。故江津長所治。舊主度州郡。貢於洛陽。因謂之奉城。亦曰江津戍也。戍南對馬頭岸。昔陸抗屯此。與羊祜相對。大宏信義。談者以爲華元子。反復見於今矣。北對大岸。謂之江津口。故洲亦取名焉。江大自此始也。案大。近刻訛作水。家語曰。江水至江津。非方舟避風。不可涉也。故郭景純云。濟江津以起漲。言其深廣也。江水又東逕郢城南。案此八字。原本及近刻並訛作經。子囊遺言所築城也。地理志曰。楚別邑。故郢矣。王莽以爲郢亭。城中有趙臺。卿冢。岐平生自所營也。冢圖賓主之容。用存情好。敍其宿尙矣。江水又東得豫章口。案此八字。原本及近刻並訛作經。夏水所通也。西北有豫章岡。蓋因岡而得名矣。或言因楚王豫章臺名。所未詳也。

卷三十五

江水案近刻作江水三。

又東至華容縣西。夏水出焉。

江水左迤爲中夏水。右則中郎浦出焉。江浦右迤南派屈西極水曲之勢。案近刻訛作南派曲而極水曲之地勢。世謂之江曲者也。

又東南當華容縣南。浦水入焉。案入原本及近刻。並訛作出。考浦水乃夏水枝分入江者。非從江出。蓋後人因注文江水又東浦水注之訛而爲經。嫌與此覆。遂妄改作出耳。今訂正。

江水又東。涌水注之。案此八字原本及近刻。並訛作經。水自夏水南通於江。謂之涌口。二水之間。案此四字近刻訛在而逸下。二水上復衍於。春秋所謂閻敖游涌而逸者也。江水又逕南平郡孱陵縣之樂鄉城北。案此十五字原本及近刻。並訛作經。吳陸抗所築。後王濬攻之。獲吳水軍督陸景於此渚也。

又東南。油水從東南來注之。

又東。右合油口。又東逕公安縣北。案此十三字原本及近刻。並訛作經。劉備之奔江陵。使築而鎮之。曹公聞孫權以荊州

借備。臨書落筆。杜預克定江南。罷華容置之。謂之江安縣。南郡治。吳以華容之南鄉爲南郡。案吳近刻訛作矣。

晉太康元年。改曰南平也。縣有油水。水東有景口。口卽武陵郡界。景口東有淪口。淪水南與景水合。又

東通澧水。及諸陂湖。案東近刻。訛作南。自此淵潭相接。案自此近刻。訛作北。是潭訛作也。悉是南蠻府屯也。故側江有大城。相

承云倉儲城。卽邸閣也。江水左會高口。案此六字原本及近刻。並訛作經。又近刻高訛作江。江浦也。右對黃州。案近刻脫右字。江水又東

得故市口。案此八字原本及近刻。並訛作經。水與高水通也。江水又右逕陽岐山北。案此九字原本及近刻。並訛作經。又陽作楊。山北訛作北。山今考

峻即今石首縣西山枕大江案枕近刻山東有城故華容縣尉舊治也大江又東左合子夏口案此九

及近刻並江浦也江浦也案此十字原本及江浦也近刻並訛作經

大江右得龍穴水口案此八字原本及江浦右迤也北對虎洲又洲北有龍巢地名也昔禹南濟江黃

龍夾舟舟人五色無主禹笑曰吾受命於天竭力養民生性也案近刻脫死命也何憂龍哉於是二龍

弭鱗掉尾而去焉故水地取名矣江水自龍巢而東得俞口案此十字原本及近刻夏水泛盛則有冬

無之江之北岸上有小城故監利縣尉治也又東得清陽土塢二口案陽近刻訛作揚又此九江浦也

大江右逕石首山北又東逕赭要案此十三字原本赭要洲名在大江中次北湖洲下江水左得飯筐

上口案此八字原本及秋夏水通下口上下口間案近刻脫上相距三十餘里赭要下即楊子洲在大

江中二洲之間常苦蛟害昔荆飲飛濟此案昔近刻遇兩蛟斬之自後罕有所患矣江之右岸則清水

口案清近刻口上即錢官也水自牛皮山東北通江北對清水洲洲下接生江洲南即生江口水南通

澧浦江水左會飯筐下口案近刻訛作右江浦所入也江水又右得上檀浦案此八字原本及江澆也

江水又東逕竹町南案此八字原本及江中有觀詳澆澆東有大洲案近刻洲東分爲爵洲洲南對湘

江口也

又東至長沙下雋縣北澧水沅水資水合東流注之

凡此諸水皆注於洞庭之陂。是乃湘水。非江川。案此下近刻有也字。

湘水從南來注之。

江水右會湘水。所謂江水會者也。江水又東。左得二夏浦。案此九字原本及近刻並訛作經。俗謂之西江口。案俗字上近刻衍夏

浦二字。又東。逕忌置山南。山東。卽隱口浦矣。江之右岸有城陵山。山有故城。東接微落山。亦曰暉落磯。江

之南畔。名黃金瀨。瀨東有黃金浦。良父口。夏浦也。又東逕彭城口。案此六字原本及近刻並訛作經。水東有彭城磯。故

水受其名。卽玉澗水。出巴丘縣東玉山玉溪。北流注於江。江水自彭城磯東逕如山北。案此十一字原本及近刻並訛

作經。北對隱磯。二磯之間。案此下近刻衍大江之中四字。有獨石孤立。大江中山東江浦。世謂之白馬口。江水又左逕白

螺山南。案此九字原本及近刻並訛作經。右歷鴨蘭磯北。江中山也。案近刻脫山字。東得鴨蘭治浦二口。夏浦也。江水左逕上

烏林南。案此八字原本及近刻並訛作經。近刻上訛作止。村居地名也。又東逕烏黎口。江浦也。卽中烏林矣。又東逕下烏林南。

案近刻脫下字。吳黃蓋敗魏武於烏林。卽是處也。江水又東。左得子練口。案此九字原本及近刻並訛作經。北通練浦。又東合

練口。江浦也。南直練洲。練名所以生也。江之右岸得蒲磯口。卽陸口也。水出下雋縣西三山溪。其水東

逕陸城北。又東逕下雋縣南。故長沙舊縣。王莽之閏雋也。宋元嘉十六年。割隸巴陵郡。陸水又屈而西

北流。逕其縣北。北對金城。吳將陸渙所屯也。陸水又入蒲圻縣北。逕呂蒙城西。昔孫權征長沙零桂所

鎮也。陸水又逕蒲磯山。北入大江。謂之刀環口。又東逕蒲磯山北。北對蒲圻洲。案近刻脫北字。亦曰擎洲。又

曰南洲。洲頭卽蒲圻縣治也。晉太康元年置洲。上有白面洲。洲南又有灤口。水出豫章艾縣東入蒲圻縣。至沙陽西北魚嶽山入江。山在大江中揚子洲南。孤峙中洲。江水左得中陽水口。又東得白沙口。案此

十四字原本及近刻並訛作經一名沙屯。卽麻屯口也。本名蔑默口。江浦矣。南直蒲圻洲。水北入百餘里。吳所屯也。又

逕魚嶽山北。下得金梁洲。洲東北對淵洲。一名淵步洲。江濱從洲頭以上。悉壁立無岸。歷蒲圻至白沙

方有浦。案蒲圻近刻訛作專政上甚難。江中有沙陽洲。沙陽縣治也。縣本江夏之沙羨矣。晉太康中改曰沙陽縣。

宋元嘉十六年割隸巴陵郡。江之右岸有雍口。亦謂之港口。案港近刻訛作流東北流爲長洋港。案爲近刻訛作之又

東北逕石子岡。案近刻東北下有流字岡上有故城。卽州陵縣之故城也。莊辛所言左州侯國矣。又東逕州陵新

治南。王莽之江夏也。港水東南流注於江。謂之洋口。南對龍穴洲。沙陽洲之下尾也。洲裏有駕部口。宋

景平二年迎文帝於江陵。法駕頓此。因爲名。文帝車駕發江陵至此。黑龍躍出。負帝所乘舟。左右失

色。上謂長史王曇首曰。乃夏禹所以受天命矣。我何德以堪之。故有龍穴之名焉。江水又東。右得聶口。

案近刻脫又字。此八字原本及近刻並訛作經江浦也。左對聶洲。江水左逕百人山南。案此八字原本及近刻並訛作經右逕赤壁山北。昔周

瑜與黃蓋詐魏武大軍處所也。案處所近刻訛作所起江水東逕大軍山南。案此八字原本及近刻並訛作經山東有山。屯夏浦

江水左迤也。江中有石浮出。謂之節度石。右則塗水注之。水出江州武昌郡武昌縣金山。案金近刻訛作秦西

北流。逕汝南僑郡故城南。咸和中寇難南逼。戶口南渡。因置斯郡治於塗口。塗水歷縣西。又西北流。注



於江。江水又東。逕小軍山南。案此九字原本及近刻並訛作經。臨側江津。東有小軍浦。江水又東。逕雞翅山北。案此九字原本及近刻並訛作經。山東。卽土城浦也。

又東北至江夏沙羨縣西北。沔水從北來注之。

沔水上承沔陽縣之太白湖。案原本及近刻並脫沔字。下同。考沔陽故城在今漢陽縣西。又近刻脫太字。東南流。爲沔水。逕沔陽縣南。注於

江。謂之沌口。有沔陽都尉治。晉永嘉六年。王敦以陶侃爲荊州鎮。此明年。徙林鄆。江水又東。逕歎父山。

南對歎州。案此十二字原本及近刻並訛作經。亦曰歎步矣。江之右岸。當鸚鵡洲南。有江水右迤。謂之驛渚。三月之末。案

刻之訛以。水下通樊口水。江水又東。逕魯山南。案此八字原本及近刻並訛作經。古翼際山也。案古近刻訛作右。地說曰。漢與江

合於衡北翼際山旁者也。山上有吳江夏太守陸渙所治城。蓋取二水之名。地理志曰。夏水過郡入江。

故曰江夏也。案近刻脫故曰江三字。舊治安陸。漢高帝六年置。吳乃徙此。城中有晉征南將軍荊州刺史胡奮碑。

又有平南將軍王世將刻石。記征杜曾事。有劉琦墓及廟也。山左卽沔水口矣。沔左有卻月城。案此下

然。亦曰偃月壘。戴監軍築。故曲陵縣也。後乃沙羨縣治。昔魏將黃祖所守。遣董襲凌統攻而擒之。案凌

及近刻並訛作陸今據三國志改正。禰衡亦遇害於此。衡恃才倜儻。肆狂狷於無妄之世。保身不足。遇非其死。可謂咎悔

之深矣。江之右岸。有船官浦。歷黃鵠磯西而南矣。直鸚鵡洲之下尾。江水澁曰淤浦。案淤近刻訛作狀。是曰黃

軍浦。昔吳將黃蓋軍師所屯。故浦得其名。亦商舟之所會矣。船官浦東。卽黃鵠山。林澗甚美。譙郡戴仲

若野服居之。山下謂之黃鵠岸。岸下有灣。目之爲黃鵠灣。案近刻脫黃字。下同。黃鵠山東北對夏口城。魏黃初二

年孫權所築也。依山傍江。開勢明遠。憑墉藉阻。高觀枕流。上則遊目流川。下則激浪崎嶇。實舟人之所

艱也。對岸則入沔津。故城以夏口爲名。亦沙羨縣治也。江水左得湖口。水通太白湖。案近刻脫白字。又東合灑

口。水上承澗水於安陸縣。案澗近刻作沔。而東逕灑陽縣北。東流注於江。案流近刻作南。江水又東。湖水自北南

注。謂之嘉吳江。右岸頻得二夏浦。北對東城洲。西浦側有雍伏戍。江之右岸。東會龍驤水口。水出北山

蠻中。江之左有武口。案近刻脫左字。水上通安陸之延頭。案江水左得湖口至此。原本及近刻並訛作經。宋元嘉二年。衛將軍荊州刺

史謝晦阻兵上流。爲征北檀道濟所敗。走奔於此。爲戍主光順之所執處也。南至武城。俱入大江。南直

武洲。洲南對楊桂水口。江水南出也。通金女大文桃班三治。吳舊屯所。在荊州界。盡此江水東逕若城

南。案此七字原本及近刻並訛作經。庾仲雍江水記曰。案近刻脫水字。若城至武城口三十里者也。南對郭口夏浦。而不常泛

矣。東得苦菜夏浦。浦東有苦菜山。案近刻訛作夏。江逕其北。故浦有苦菜之名焉。山上有菜苦可食。江水左得

廣武口。江浦也。江之右岸有李姥浦。浦中偏無蚊蚋之患矣。北對崢嶸洲。冠軍將軍劉毅破桓玄於此

洲。玄乃挾天子西走江陵矣。

又東過邾縣南。

江水東逕白虎磯北。山臨側江濱。又東會赤溪夏浦浦口。案浦近刻訛作二。江水右迤也。又東逕貝磯北。案近刻具。

說作具北 庾仲雍謂之沛岸矣。江右岸有秋口。江浦也。又東得烏石水。出烏石山。南流注於江。江水右

得礪礪北。亦曰黎岸也。案此十三字原本及近刻並截上八字說 山東有夏浦。又東逕上礪北。山名

也。仲雍謂之大小竹磧也。北岸烽火洲。卽舉洲也。北對舉口。仲雍作莒字。得其音而忘其字。案近刻 非

也。舉水出龜頭山。西北流。逕蒙龍戍南。案近刻 梁定州治。蠻田秀超爲刺史。舉水又西流。左合垂山之

水。水北出垂山之陽。與弋陽淝水同發一山。故是水合之。水之東有南口戍。又南逕方山戍。西流注

於舉水。又西南逕梁司豫二州東。蠻田魯生爲刺史。治湖陂城。亦謂之水城也。舉水又西南逕顏城南。

又西南逕齊安郡西。倒水注之。水出黃武山。南流逕白沙戍西。案近刻 又東南逕梁達城戍。西東南合

舉水。舉水又東南歷赤亭下。案東南近刻作南東 謂之赤亭水。又分爲二水。南流注於江。謂之舉口。案

刻說 南對舉洲。春秋左傳定公四年。吳楚陳於柏舉。京相璠曰。漢東地矣。江夏有洄水。案近刻 或作舉

疑卽此也。左水東南流。入於江。江澚曰文方口。案近刻脫 江之右岸有鳳鳴口。江浦也。浦側有鳳鳴戍。

江水又東逕邾縣故城南。案此十字原本及 楚宣王滅邾。徙居於此。故曰邾也。漢高帝元年。案近刻說

項羽封吳芮爲衡山王。都此。晉咸和中。庾翼爲西陽太守。分江夏立四年。豫州刺史毛寶。西陽太守樊

俊共鎮之。爲石虎將張格度所陷。自爾丘墟焉。城南對蘆洲。舊吳時。築客舍於洲上。方便惟所止焉。案

刻脫築字 亦謂之羅洲矣。

惟說作謂之羅洲矣。

鄂縣北。

江水右得樊口。

案此六字原本及近刻並訛作經。

庾仲雍江水記云。谷里袁口。江津南入。歷樊山上下三百里。通新興

馬頭二治。樊口之北有灣。昔孫權裝大船。名之曰長安。亦曰大舶。載坐直之士三千人。與羣臣泛舟江

津。屬值風起。權欲西取蘆洲。谷利不從。乃拔刀急上。

案近刻訛作止。

令取樊口薄舶船。至岸而敗。故名其處爲

敗舶灣。因鑿樊山爲路。以上人卽名其處爲吳造峴。在樊口上一里。今厥處尙存。江水又左逕赤鼻山

南。案此九字原本及近刻並訛作經。

山臨側江川。又東逕西陽郡南。郡治卽西陽縣也。

案此十四字原本及近刻並訛作經。

晉書地道記

以爲弦子國也。江之右岸有鄂縣故城。

案此九字原本及近刻並訛作經。

舊樊楚地。

案近刻訛作也。

世本稱熊渠封其中子紅

爲鄂王。

案紅字近刻作之。名某者四字。當是後人因文有脫誤增成其語。

晉太康地記以爲東鄂矣。九州記曰。鄂今武昌也。孫權以魏

黃初元年。案此下近刻衍中字。

自公安徙此。改曰武昌縣。鄂縣徙治於袁山東。又以其年立爲江夏郡。分建業之

民千家以益之。至黃龍元年。權遷都建業。以陸遜輔太子。鎮武昌。孫皓亦都之。皓還東。令滕牧守之。晉

惠帝永平中。始置江州。傅綜爲刺史。治此城。後太尉庾亮之所鎮也。今武昌郡治。城南有袁山。卽樊山

也。武昌記曰。樊口南有大姥廟。孫權常獵於山下。依夕。見一姥問權。獵何所得。曰。正得一豹。母曰。何不

豎豹尾。忽然不見。應劭漢官序曰。豹尾過後。執金吾罷屯。解圍。天子鹵簿中。後屬車施豹尾於道路。豹

尾之內爲省中。蓋權事應在此。故爲立廟也。又孫皓亦嘗登之。使將害常侍王蕃。而以其首虎爭之。案此

句有脫誤。裴松之引江表傳云：使觀近將蕃首作虎跳狼爭咋食之。北背大江。江上有釣臺。權常極飲其上。曰墮臺。醉乃已。張昭盡言處。

城西有郊壇。權告天。卽位於此。案近刻脫卽字。顧謂公卿曰：魯子敬嘗言此。可謂明於事勢矣。城東故城。言漢

將灌嬰所築也。江中有節度石三段。廣百步。高五六丈。是西陽武昌界。分江於斯石也。又東得次浦。案近刻

刻訛作又得東。五丈又得次浦。江浦也。東逕五磯。北有五山。沿次江陰。故得是名矣。仲雍謂之五圻。江水左。則巴水注

之。案此八字原本及近刻並訛作經。水出雩婁縣之下靈山。卽大別山也。與決水同出一山。故世謂之分水山。亦或曰

巴山。南歷蠻中。吳時舊立屯於水側。引巴水以溉野。又南逕巴水戍。南流注於江。謂之巴口。又東逕軼

縣故城南。案此八字原本及近刻並訛作經。故弦國也。春秋僖公五年秋。楚滅弦。弦子奔黃者也。漢惠帝元年。封長沙

相利倉爲侯國。城在山之陽。南對五洲也。江中有五洲相接。故以五洲爲名。宋孝武帝舉兵江州。案近刻

洲。建牙洲上。有紫雲蔭之。卽是洲也。東會希水口。水出灄縣。霍山西麓。山北有灄縣故城。案此二十字原本及近刻

並訛。地理志曰：縣南有天柱山。卽霍山也。有祠南嶽廟。音潛。齊立霍州治此。西南流。分爲二水。枝津出

焉。希水又南。積而爲湖。謂之希湖。湖水又南流。逕軼縣東。而南流注於江。是曰希水口者也。案水口近刻訛作口。

水。然水流急。濬霖雨暴漲。案近刻訛作病。漂濫無常。行者難之。大江右岸有厭里口。安樂浦。案此十一字原本及近刻並訛作經。

從此至武昌。尙方作部。諸屯相接。枕帶長江。又東得桑步。步下有章浦。本西陽郡治。案西近刻訛作南。今悉荒

蕪。江水左得赤水浦。案此七字原本及近刻並訛作經。夏浦也。江水又東逕南陽山南。案此九字原本及近刻並訛作經。又曰芍磯。亦

曰南陽磯。仲雍謂之南陽圻。一名洛至圻。一名石姥。水勢迅急。江水又東逕西陵縣故城南。案此十一字原本及

近刻並史記秦昭王遣白起伐楚取西陵者也。漢章帝建初二年封陰堂為侯國。江水東歷孟家澆。江

之右岸有黃石山。水逕其北。案此十九字原本即黃石磯也。一名石茨圻。有西陵縣。案近刻此縣北則

三洲也。山連延江側。案近刻延則作東山偏高。謂之西塞。東對黃公九磯。所謂九圻者也。於行小難兩

山之間為闕塞。案此下近刻有也。字從此濟於土復。土復者北岸地名也。

又東過蕲春縣南。蕲水從北東注之。

江水又得葦口。案葦近刻江浦也。浦東有葦山。江水東逕山北。北崖有東湖口。江波左迤。流結成湖。故

謂之湖口矣。江水又東得空石口。江浦在右。臨江有空石山。南對石穴洲。洲上有蕲陽縣治。案此下近

又東蕲水注之。江水又東逕蕲春縣故城南。世祖建武三十年封陳俊子浮為侯國。案此下近刻有也。字。江水又

東得銅零口。江浦也。大江右逕蝦蟆山北。而東會海口。水南通大湖北。達於江。案此下近刻有也。字。左右翼山。江

水逕其北。東合臧口。江浦也。案近刻江水又左逕長風山南。得長風口。江浦也。江水又東逕積布山南。

俗謂之積布磯。又曰積布圻。庾仲雍所謂高山也。此即西陽尋陽二郡界也。右岸有土復口。案近刻江

浦也。夾浦有江山。山東有護口。案近刻口字江浦也。庾仲雍謂之朝二浦也。

又東過下雒縣北。利水從東陵。案利近刻說西南注之。

江水東逕琵琶山。山下有琵琶灣。案此下近刻有也字。又東逕望夫山南。又東得苦菜水口。夏浦也。江之右岸。

富水注之。水出陽新縣之青盪山。西北流逕陽新縣。案近刻脫新字。故豫章之屬縣矣。地多女鳥。玄中記曰。陽

新男子。案陽新近刻作新陽。於水次得之。遂與共居。生二女。悉衣羽而去。豫章間養兒。不露其衣。言是鳥落塵

於兒衣中。則令兒病。故亦謂之夜飛遊女矣。案夜飛近刻作飛夜。又西北逕下雒縣。王莽更名之潤光矣。後併

陽新。案近刻作新陽。水之左右。公私裂漑。咸成沃壤。案近刻脫成字。舊吳屯所在也。江水又東。案近刻又作口。東字。詛在下句右字之

下。右得蘭溪水口。並江浦也。又東。左得青林口。案此七字原本及近刻並詛作經。水出廬江郡之東陵鄉。案水出上近刻衍即字。

江夏有西陵縣。故是言東矣。尚書云。江水過九江。至於東陵者也。西南流水積爲湖。湖西有青林山。宋

太始元年。明帝遣沈攸之西伐。子勛伐柵青山。覩一童子甚麗。問伐者曰。取此何爲。答欲討賊。童子曰。

下旬當平。何勞伐此。在衆人之中。忽不復見。故謂之青林湖。湖有鯽魚。食之肥美。辟寒暑。湖水西流。謂

之青林水。又西南歷尋陽。分爲二水。一水東流。通大雷。一水西南流。注於江。經所謂利水也。右對馬頭

岸。自富口迄此。五十餘里。岸阻江山。案水經於沔水內。敘其入江之後。所過蓋與江水合沔之後。詳畧兩見。今江水止於下雒縣。而沔水內訂其錯簡。又東過彭蠡澤。又

東過皖縣南。又東至石城。分爲二。其一東北流。又東北出居巢縣南。又東過牛渚。又過毗陵縣。爲北江

參以未記。禹貢山水澤地。北江在毗陵北界。東入於海。下雒縣以下。大江入海。之。大略固具在。道元於

江水敘次。必詳悉。自宋時已闕逸矣。

卷三十六

青衣水 桓水 若水 沫水 延江水 存水 溫水

青衣水出青衣縣西蒙山東與沫水合也。

縣故青衣羌國也。案故下近刻衍有字竹書紀年梁惠成王十年瑕陽人自秦道岷山青衣水來歸漢武帝天漢

四年罷沈黎郡分兩部都尉。案近刻訛作分沈黎郡西部都尉一治青衣主漢民。案此七字近刻訛作青衣之王漢五字公孫述之有蜀

也。青衣不服世祖嘉之。建武十九年以為郡。安帝延光元年置蜀郡屬國都尉。青衣王子心慕漢制上

求內附。順帝陽嘉二年改曰漢嘉。嘉得此良臣也。縣有蒙山。青衣水所發。東逕其縣。與沫水會於越嶲

郡之靈關道。青衣水又東。邛水注之。水出漢嘉嚴道邛來山。東至蜀郡臨邛縣。東入青衣水。

至犍為南安縣入於江。

青衣水逕平鄉。謂之平鄉江。益州記曰。平鄉江東逕峨眉。山在南安縣界。去成都南千里。然秋日清澄。

望見兩山相峙。如峨眉焉。青衣水又東流。注於大江。

桓水出蜀郡岷山。案漢書作蜀山西南行羌中。入於南海。

尚書禹貢。岷嶓既藝。沱潛既道。蔡蒙旅平。和夷底績。鄭玄曰。和。上夷所居之地也。和讀曰桓。地理志曰。

桓水出蜀郡蜀山。西南行羌中者也。尚書又曰。西傾因桓是來。馬融王肅云。西治傾山。惟因桓水是來。



言無他道也。余按經據書，岷山西傾，俱有桓水。桓水出西傾山，更無別流，所導者惟斯水耳。浮於潛漢而達江沔，故晉地道記曰：梁州南至桓水，西抵黑水，東限扞關。今漢中巴郡、汶山、蜀郡、漢嘉、江陽、朱提、涪陵、陰平、廣漢、新都、梓潼、犍爲、武都、上庸、魏興、新城，皆古梁州之地。自桓水以南爲夷，書所謂和夷底績也。然所可當者，惟斯水與江耳。桓水蓋二水之別名，爲兩川之通稱矣。案川近刻鄭玄注尙書，言織皮謂西戎之國也。西傾，雍州之山也。雍戎二野之間，人有事於京師者，道當由此州而來。桓是隴坂名，其道盤桓旋曲而上，故名曰桓。是今其下民，謂是坂曲爲盤也。斯乃玄之別致，恐乖尙書因桓之義，非浮潛入渭之文。余考校諸書，以具聞見。今略緝綜川流沿注之緒，雖今古異容，本其流俗，竊陳所由。然自西傾至葭萌，入於西漢，卽鄭玄之所謂潛水者也。自西漢遡流而屆於晉壽界，沮漾枝津。案沮近刻南歷岡穴，池邇而接漢，沿此入漾，書所謂浮潛而逾沔矣。歷漢川至南鄭縣，屬於褒水，迺襄暨於衙嶺之南。溪水枝灌於斜川。案近刻水訛作川枝訛作皮屈於武功，而北達於渭水。此乃水陸之相關，川流之所經，復不乖禹貢入渭之宗，實符尙書亂河之義也。

若水出蜀郡旄牛徼外，東南至故關，爲若水也。

山海經曰：南海之內，黑水之間，有木名曰若木。若水出焉。又云：灰野之山有樹焉，青葉赤華，厥名若木。生崑崙山西，附西極也。淮南子曰：若木在建木西，木有十華，其光照下地。故屈原離騷天問曰：羲和未

陽若華何光是也。然若木之生，非一所也。黑水之間，厥木所植，水出其下，故水受其稱焉。若水沿流，聞關蜀土。黃帝長子昌意，德劣不足，紹承大位，降居斯水，爲諸侯焉。娶蜀山氏女，生顓頊於若水之野。有聖德，二十登帝位，承少皞金官之政，以水德寶歷矣。若水東南流，鮮水注之。一名州江，大度水出徼外，至旄牛道。案旄，近刻作鬻，下同。南流入於若水，又逕越嶲大茆縣，入繩水，出徼外。山海經曰：巴遂之山，繩水出焉。東南流，分爲二水，其一水枝流，東出逕廣柔縣，東流注於江。其一水南逕旄牛道，至大茆，與若水合。自下亦通謂之爲繩水矣。茆夷也。汶山曰夷。案近刻說作茆。南中曰昆彌，蜀曰邛。漢嘉越嶲曰茆，皆夷種也。

南過越嶲邛都縣西，直南至會無縣，淹水東南流注之。

邛都縣，漢武帝開邛苻置之，縣陷爲池。今因名爲邛池。南人謂之邛河。案近刻脫邛字。河中有嶲嶲山。案嶲，近刻訛作

蛙。應劭曰：案近刻脫此三字。有嶲水，言越此水以章休盛也。後復反叛，元鼎六年，漢兵自越嶲水伐之，以爲越

嶲郡。治邛都縣。王莽遣任貴爲領戎大尹守之，更名爲集嶲也。縣故邛都國也。越嶲水，卽繩若矣。似隨水地而更名矣。又有溫水，冬夏常熱，其源可燂雞豚，下湯沐浴，能治宿疾。昔李驥敗李流於溫水，是也。若水又逕會無縣，縣有駿馬，河水出縣東高山，山有天馬徑，厥跡存焉。馬日行千里，民家馬牧之山下，或產駿駒，言是天馬子。河中有貝子胎銅，以羊祠之，則可取也。又有孫水焉，水出臺高縣，卽臺登縣也。孫水一名白沙江，南流逕邛都縣，司馬相如定西南夷。案近刻脫南字。橋孫水，卽是水也。又南至會無，入若水。

若水又南逕雲南郡之遂久縣。青蛉水入焉。水出青蛉縣西，東逕其縣下。縣以氏焉。有石豬圻，長谷中有石豬，子母數千頭。長老傳言：夷昔牧此，一朝化爲石。迄今夷人不敢往牧。貪水出焉。青蛉水又東注於繩水。蠅水又逕三絳縣西，又逕姑復縣北，對三絳縣。淹水注之。三絳一曰小會無。故經曰：淹至會無。注若水。若水又與母血水合。水出益州郡弄棟縣東農山母血谷。北流逕三絳縣南，北入繩水。繩水又東。涂水注之。水出建寧郡之牧靡南山。案牧今漢書作收縣山並卽草以立名。山在縣東北烏甸山南五百里。山生牧靡，可以解毒。百卉方盛，鳥多誤食，鳥喙口中毒，必急飛往牧靡山啄牧靡以解毒也。涂水導源臘谷，西北流至越嶲入繩水。繩水又逕越嶲郡之馬湖縣，謂之馬湖江。又左合卑水。水出卑水縣。案近刻脫水出卑水而東流注馬湖江也。

又東北至犍爲朱提縣西，爲瀘江水。

案近刻脫爲字

朱提山名也。應劭曰：在縣西南。縣以氏焉。犍爲屬國也。在郡南千八百許里。建安二十年立朱提郡。郡治縣故城。郡西南二百里。得所館堂琅縣西北行。上高山，羊腸繩屈八十餘里。或攀木而升，或繩索相牽而上。緣陟者若將階天。故袁休明巴蜀志云：高山嵯峨，巖石磊落，傾側縈迴，下臨峭壑。行者拔緣，牽援繩索。三蜀之人及南中諸郡以爲至險。有瀘津，東去縣八十里，水廣六七百步，深十數丈，多瘴氣。鮮有行者。晉明帝太寧二年，李驥等侵越嶲，攻臺登縣。寧州刺史王遜遣將軍姚岳擊之，戰於堂琅。驥軍

大敗岳追之。至瀘水，赴水死者千餘人。遜以岳等不窮追，怒甚，髮上衝冠，帽裂而卒。按永昌郡有蘭倉

水，出西南博南縣。漢明帝永平二年置。案近刻訛博南山名也。縣以氏之。其水東北流，逕博南山。案逕

訛作漢武帝時，通博南山道，渡蘭倉津。土地絕遠，行者苦之。歌曰：漢德廣，開不賓，渡博南，越倉津，渡蘭

倉爲作人。山高四十里。蘭倉水出金沙，越人收以爲黃金。又有珠光穴。案近刻訛穴出光珠，又有琥珀

珊瑚，黃白青珠也。蘭倉水又東北逕不韋縣，與類水合。水出巽唐縣。漢武帝置。類水西南流，曲折又北

流，東至不韋縣。注蘭倉水。又東與禁水合。水自永昌縣，而北逕其郡西水左右，甚饒犀象。山有鉤蛇，長

七八丈，尾末有岐，蛇在山澗水中，以尾鉤岸上人牛食之。此水傍瘴氣，特惡。氣中有物，不見其形，其作

有聲，中木則折，中人則害，名曰鬼彈。惟十一月十二月，差可渡。正月至十月，逕之無不害人。故郡有罪

人，徙之禁旁。案近刻不過十日，皆死也。禁水又北注瀘津水。又東逕不韋縣北，而東北流，兩岸皆高山

數百丈。瀘峯最爲傑秀。案傑近孤高三千餘丈。是山於晉太康中崩，震動郡邑。水之左右，馬步之徑，裁

通。而時有瘴氣。三月四月，逕之必死。非此時，猶令人悶吐。五月以後，行者差得無害。故諸葛亮表言五

月渡瀘，并日而食，臣非不自惜也。顧王業不可偏安於蜀故也。益州記曰：瀘水源出曲羅巒，下三百里

曰瀘水。案瀘近刻訛作舊。又兩峯有殺氣，暑月舊不行。故武侯侯以夏渡爲艱。瀘水又下合諸水，而總其

目焉。故有瀘江之名矣。自來提至犍道，有水步道。水道有黑水、羊官水。案近刻脫至險難，三津之阻，行

者苦之。故俗爲之語曰：檜溪赤水，盤蛇七曲，盤羊烏樞，氣與天通。看都漢泚，住柱呼伊。案近刻作尹。庾降賈子，左擔七里，又有牛叩頭，馬搏頰，坂其艱險如此也。

又東北至樊道縣，入於江。

若水至樊道。案近刻此下有縣字。又謂之馬湖江，繩水瀘水，孫水淹水，大渡水，隨決入而納，通稱。是以諸書錄記

羣水，或言入若，又言注繩，亦咸言至樊道入江。正是異水沿注，通爲一律，更無別川，可以當之。水有孝

子石，昔縣人有隗叔通者，性至孝，言母給江膺水。案膺今華陽國志作裔。天爲出平石，至江膺中，今猶謂之孝子

石，可謂至誠發中，而休應自天矣。

沫水出廣柔徼外。

縣有石紐鄉，禹所生也。今夷人共營之，地方百里，不敢居牧，有罪逃野，捕之者不逼，能藏三年，不爲人得，則共原之，言大禹之神所祐之也。

東南過旄牛縣北，又東至越巂靈道縣，出蒙山南。

靈道縣，一名靈關道。漢制夷狄曰道。縣有銅山。案近刻重一山字。又有利慈渚。案近刻脫渚字。晉太始九年，黃龍二見

於利慈池。案近刻脫利字。縣令董玄之，率吏民觀之，以白刺史王濬。濬表上之，晉朝改護龍縣也。沫水出岷山

西，東流過漢嘉郡，南流衝一高山，山上合下開，水逕其間，山卽蒙山也。

東北與青衣水合。

華陽國志曰：二水於漢嘉青衣縣東合爲一川。自下亦謂之爲青衣水。沫水又東。案近刻逕開刊縣。案

近刻說故平鄉也。晉初置沫水。又東逕臨邛南而東出於江原縣也。作邦

東入於江。

昔沫水自蒙山至南安西溷崖。案西近刻水脈漂疾。破害舟船。歷代爲患。蜀郡太守李冰發卒鑿平溷

崖。河神最怒。冰乃操刀入水。與神鬪。遂平溷崖。通正水路。開處卽冰所穿也。

延江水出犍爲南廣縣。東至牂柯。又東屈北流。

犍縣故犍爲郡治也。縣有犍山。晉建興元年置平夷郡。縣有犍水。出犍邑。西不狼山東。與溫水合。溫水

一曰煖水。出犍爲符縣。而南入黠水。黠水亦出符縣南。與溫水會。案黠水原本及近刻並訛作犍水。今

入黠水。黠水亦南至犍。入江。闕駟謂之闕水。俱南入犍水。犍水於其縣而東注延江水。案近刻脫延江水又與漢水

合。水出犍爲漢陽道山關谷。案此三字近刻訛在下句王莽之新通也。東至犍邑。入延江水也。

至巴郡涪陵縣。注更始水。

更始水卽延江枝分之始也。延江水北入涪陵水。涪陵水出縣東。故巴郡之南鄙。案巴近刻王莽更名

巴亭。魏武分邑立爲涪陵郡。案邑立近刻張堪爲縣。會公孫述擊堪。同心義士。選習水者。筏渡堪於小

別江卽此水也。其水北至枳縣入江。更始水東入巴東之南浦縣。其水注引瀆口石門。案口近刻空岫陰深。邃澗閹密。傾崖上合。恆有落勢。行旅避瘴。時有經之。案此四字近刻詎無不危心於其下。又謂之西鄉水。亦謂之西鄉溪。溪水間關二百許里。方得出山。又通波注遠。復二百餘里。東南入遷陵縣也。又東南至武陵酉陽縣。案酉近刻入於酉水。

武陵先賢傳曰。潘京世長爲郡主簿。太守趙偉甚器之。問京貴郡何以名。武陵京答曰。鄙郡本名義陵。在辰陽縣界。與夷相接。數爲所破。光武時。移治東山之上。遂爾易號。傳曰。止戈爲武。詩云。高平曰陵。於是名焉。酉水北岸。有黠陽縣。許慎曰。溫水南入黠。蓋警水以下。津流沿注之通稱也。故縣受名焉。西鄉溪口。在遷陵縣故城上五十里。左合酉水。酉水又東。際其故城北。又東逕酉陽故縣南而東出也。兩縣相去水道可四百許里。於酉陽合也。

酉水東南至沅陵縣。入於沅。案酉水源委詳沅水注內。

存水出犍爲郫縣。

王莽之孱郫也。益州大姓雍闓反。結壘於山。繫馬柳柱。案柳近刻柱生成林。今夷人名曰雍無梁林。梁夷言馬也。存水自縣東南流。案存近刻逕牧靡縣北。又東逕且蘭縣北。而東南出也。

東南至鬱林定周縣。爲周水。

存水又東。案存近刻亦訛作周逕牂柯郡之毋斂縣北。案毋近刻作無下同而東南與毋斂水合。案此下近刻有矣字水首受牂柯水。

東逕毋斂縣爲毋斂水。又東注於存水。存水又東逕鬱林定周縣爲周水。蓋水變名也。

又東北至潭中縣。注於潭。案潭水源委詳溫水注內。

溫水出牂柯夜郎縣。

縣故夜郎侯國也。唐蒙開以爲縣。王莽名曰同亭矣。溫水自縣西北流逕談藁。案原本及近刻並訛作藁今據漢書改正與

迷水合。水西出益州郡之銅瀨縣談虜山。東逕談藁縣。右注溫水。溫水又西逕昆澤縣南。又逕味縣。縣

故滇國都也。諸葛亮討平南中。劉禪建興三年。案近刻訛作元年分益州郡置建寧郡於此。水側皆是高山。山

水之間。悉是木耳夷居。語言不同。嗜欲亦異。雖曰山居士。差平和而無瘴毒。溫水又西南逕滇池。池

在縣西北。案近刻訛作滇池於西北池。周三百許里。上源深廣。下流淺狹。似如倒流。故曰滇池也。長老傳言。案傳下近刻衍

下流淺三字。池中有神馬。家馬交之。則生駿駒。日行五百里。晉太元十四年。寧州刺史費統言。晉寧郡滇池

縣兩神馬。一白一黑。盤戲河水之上。有滇州。元封三年立益州郡。治滇池城。案近刻脫城字。劉禪建寧郡也。案郡

下近刻衍治字。溫水又西會大澤。案大近刻訛作水。與葉榆僕水合。溫水又東南逕牂柯之毋單縣。案毋音無原本及近刻並訛作母下

同今改正。建興中。劉禪割屬建寧郡。橋水注之。水上承俞元之南池。縣治龍池洲。周四十七里。一名河水。與

邪龍分浦。後立河陽郡。治河陽縣。縣在河源洲上。又有雲平縣。並在洲中。橋水東流。至毋單縣。案近刻脫至字



注於溫。溫水又東南逕興古郡之毋椽縣。東案近刻脫逕字。又毋椽原本及近刻並訛作毋椽。下同。今改正。王莽更名有椽也。與南橋

水合。案近刻脫水出縣之橋山。東流。梁水注之。梁水上承河水於俞元縣。案於近刻而東南逕興古之

勝休縣。王莽更名勝槩縣。梁水又東逕毋椽縣。左注橋水。橋水又東注於溫。溫水又東南逕律高縣南。

劉禪建興三年分牂柯置興古郡。案近刻脫郡字治溫縣。案原本及近刻並訛作治宛溫縣。今改正。晉書地道

記治此。溫水又東南逕梁水郡南。溫水上合梁水。故自下通得梁水之稱。是以劉禪分興古之盩南。案

陽國志梁水郡置郡於梁水縣也。溫水東南脫水字。逕罽封縣北。又逕來惟縣東。而僕水右出焉。

又東至鬱林廣鬱縣。爲鬱水。

秦桂林郡也。漢武帝元鼎六年更名鬱林郡。王莽以爲鬱平郡矣。應劭地理風俗記曰。周禮鬱人掌禘

器。凡祭釀賓客之禘事。案釀近刻和鬱鬯以實樽彝。鬱芳草也。百草之華。煮以合釀黑黍。以降神者也。

或說今鬱金香是也。一曰鬱人所貢。因氏郡矣。溫水又東逕增食縣。有文象水注之。其水導源牂柯句

町縣。應劭曰。故句町國也。王莽以爲從化。文象水。蒙水。與盧惟水。來細水。案漢書作伐水。並自縣東歷

廣鬱至增食縣。注於鬱水也。

又東至領方縣。東與斤南水合。案斤南水漢

縣有朱涯水。出臨塵縣。東北流。驢水注之。水源上承牂柯水。東逕增食縣。而下注朱涯水。朱涯水又東

北逕臨塵縣。王莽之監塵也。縣有斤南水。侵離水。案侵近刻訛作浸。並逕臨塵。東入領方縣。流注鬱水。

東北入於鬱。

鬱水。卽夜郎豚水也。漢武帝時。有竹王。興於豚水。有一女子。浣於水濱。有三節大竹。流入女子足間。推之不去。聞有聲。持歸破之。得一男兒。遂雄夷濮氏。竹爲姓。所捐破竹。於野成林。今竹王祠竹林是也。王嘗從人止大石上。命作羹。從者白無水。王以劍擊石出水。今竹王水是也。後唐蒙開牂柯。斬竹王首。夷獠咸怨。以竹王非血氣所生。求爲立祠。帝封三子爲侯。及死。配父廟。今竹王三郎祠。其神也。豚水東北流。逕談藁縣。東逕牂柯郡。且蘭縣。謂之牂柯水。水廣數里。縣臨江上。故且蘭侯國也。一名頭蘭。牂柯郡治也。楚將莊躡沔沔伐夜郎。楛牂柯繫船。案近刻作徑牂柯繫船。顏師古云。牂柯繫船杙也。因名且蘭爲牂柯矣。漢武帝元鼎六年。開王莽更名同亭。有柱浦關。案有近刻訛作在。牂柯亦江中兩山名也。左思吳都賦云。吐浪牂柯者也。元鼎五年。武帝伐南越。發夜郎精兵。下牂柯江。同會番禺是也。牂柯水又東南逕毋斂縣。西案毋原本及近刻並訛作。母下同。毋斂水出焉。又東。驢水出焉。案驢近刻訛作驢。又逕鬱林廣鬱縣。爲鬱水。又東北逕領方縣北。又東逕布山縣北。鬱林郡治也。吳陸績曰。案陸下近刻衍。緒謂子三字。從今以去六十年。案去近刻作後。車同軌。書同文。至太康元年。晉果平吳。又逕中留縣南。與溫水合。又東入阿林縣。潭水注之。水出武陵郡。潭成縣玉山。東流逕鬱林郡潭中縣。周水自西南來注之。潭水又東南流。與剛水合。水西出牂柯毋斂縣。王莽之有斂也。東至

潭中入潭。潭水又逕中留縣東。阿林縣西。右入鬱水。地理志曰：橋水東至中留入潭。又云：領方縣又有

橋水。案：又近刻。訛作而。余診其川流，更無殊津。正是橋溫亂流，故兼通稱。作者咸言至中留入潭。潭水又得鬱

之兼稱，而字當爲溫，非橋水也。蓋書字誤矣。案：橋水在毋撥縣，卽入溫。橋水小，溫水大，已下不得稱橋

入鬱。其下乃潭水入鬱。潭與鬱皆大水。地理志：因併鬱之上流，稱爲潭。故云：橋水東至中留入潭。實乃

溫水至中留入鬱也。道元之意，以領方縣當云有溫水，不當云有橋水。橋卽溫字之誤。故云：字當爲溫。

非橋水也。蓋書字誤矣。近刻訛作字。鬱水右則留水注之。水南出布山縣，下逕中留入鬱。鬱水東逕阿

林縣。案：兩鬱字。近刻皆訛作潭。又東逕猛陵縣。浪水注之。案：浪原本及近刻，並訛作浪。今改正。浪水詳卷之三十七。又東逕蒼梧廣信縣。灘水注

之。鬱水又東。案：水近刻訛作林。封水注之。水出臨賀郡馮乘縣西。謝沐縣東界牛屯山，亦謂之臨水。案：近刻脫

賀東南流，逕萌渚嶠西。案：近刻脫逕字。又東南左合嶠水。庾仲初云：水出萌渚嶠，南流入於臨。臨水又逕臨賀

縣東，又南至郡左會賀水。水出東北，與安縣西北羅山。案：北下近刻，衍有字。東南流，逕興安縣西。盛弘之荆州記

云：興安縣水邊有平石，上有石履，言越王渡溪，脫履於此。賀水又西南流，至臨賀郡東。右注臨水。郡對

二水之交會，故郡縣取名焉。臨水又西南流，逕郡南。又西南逕封陽縣東，爲封溪水。故地理志曰：縣有

封水。案：有近刻，訛作在。又西南流入廣信縣，南流注於鬱水，謂之封溪水口者也。鬱水又東逕高要縣。牢水注

復還郡統臨允縣王莽之大允也。牢水自縣北流逕高要縣入於鬱水。鬱水南逕廣州南海郡西浪水

出焉。案浪原本及近刻並訛作浪今改正此即浪水注內所謂浪水東別逕番禺者也。又南右納西隨三水。又南逕四會浦水上承日南郡盧

容縣西古郎究浦內漕口馬援所漕水東南曲屈通郎湖湖水承金山郎究究水北流左會盧容壽冷

二水盧容水出西南區粟城南高山山南長嶺連接天障嶺西盧容水湊隱山遶西衛北而東逕區粟

城北又東右與壽冷冷水合水出壽冷縣界魏正始九年林邑進侵至壽冷縣以爲疆界。案近刻訛即此

縣也。案此下近刻有區粟城南長嶺東七字係重出衍文壽冷縣以水湊故水得其名隱山繞三字東逕區粟故城南考古志

並無區粟之名應劭地理風俗記曰日南故秦象郡漢武帝元鼎六年開日南郡治西捲縣林邑記曰

城去林邑步道四百餘里交州外域記曰案城近刻從日南郡南去到林邑國四百餘里準逕相符然

則城故西捲縣也地理志曰水入海有竹可爲杖王莽更之曰日南亭林邑記曰其城治二水之間三

方際山南北瞰水東西澗浦流湊城下城西折十角周圍六里一百七十步東西度六百五十步輒城

二丈上起輒牆一丈開方隙孔輒上倚板板上五重層閣閣上架屋屋上架樓樓高者七八丈下者五

六丈城開十三門凡宮殿南向案近刻屋宇二千一百餘間市居周繞案繞上近阻峭地險故林邑兵

器戰具悉在區粟案近刻故字多城壘自林邑王范胡達始秦餘徙民染同夷化日南舊風變易俱盡

巢棲樹宿負郭接山榛棘蒲薄騰林拂雲幽煙冥緬非生人所安區粟建八尺表日影度南八寸自此

影以南。在日之南。故以名郡。望北辰星。落在天際。日在北。故開北戶以向日。此其大較也。范泰古今善言曰。日南張重舉計入洛。正旦大會。明帝問日南郡北。向視日邪。重曰。今郡有雲中金城者。不必皆有其實。案不必近刻。詛作必不。日亦俱出於東耳。至於風氣暄暖。日影仰當。官民居止。隨情面向。東西南北。迴背無定。人性凶悍。果於戰鬪。便山習水。不閑平地。古人云。五嶺者。天地以隔內外。況綿途於海表。顧九嶺而彌邈。非復行路之逕阻。信幽荒之冥域者矣。壽冷。水自城南。案近刻。城詛作西。東與盧容水合。東注郎。究究水所積下潭。爲湖。謂之郎湖。案近刻。郎詛作狼。浦口有秦時象郡。墟城猶存。自湖南望。外通壽冷。從郎湖入四會。浦。案近刻。詛作漕。元嘉二十年。以林邑頑凶。歷代難化。恃遠負衆。慢威背德。北寶旣臻。南金闕貢。乃命偏將與龍驤將軍交州刺史檀和之。陳兵日南。修文服遠。二十三年。揚旌從四會浦口入郎湖。軍次區粟。進逼圍城。以飛梯雲橋。懸樓登壘。鉦鼓大作。虎士電怒。風烈火揚。城摧衆陷。斬區粟王范扶龍首十五以上。坑截無赦。案坑近刻。作戮。樓閣雨血。填尸成觀。案成近刻。詛作城。自四會南入。得盧容浦口。晉太康三年。省日南郡。屬國都尉。案郡近刻。詛作部。以其所統盧容縣。置日南郡。及象林縣之故治。晉書地道記曰。郡去盧容浦口二百里。故秦象郡。象林縣治也。案象郡近刻。詛作象林郡。永和五年。征西桓溫。遣督護滕駿。率交廣兵伐范文於舊日南之盧容縣。爲文所敗。卽是處也。退次九真。更治兵。文被創死。子佛代立。七年。駿與交州刺史楊平復進軍壽冷浦。入頓郎湖。討佛於日南故治。佛蟻聚連壘五十餘里。峻平破之。佛逃竄川藪。遣大帥面縛。請

罪軍門遣武士陳延勞佛

案近刻脫士字又佛下衍子字

與盟而還康泰扶南記曰從林邑至日南盧容浦口可二百

餘里從口南發往扶南諸國常從此口出也故林邑記曰盡紘滄之徼遠極流服之無外地濱滄海衆

國津逕鬱水南通壽冷

案鬱水近刻作鬱林又南下衍倉字

卽一浦也浦上承交趾郡南都官塞浦林邑記曰浦通銅鼓

外越安定黃岡心口蓋藉度銅鼓卽駱越也

案駱越近刻訛作越駱

有銅鼓因得其名馬援取其鼓以鑄銅馬至

鑿口馬援所鑿內通九真浦陽晉書地道記九德郡有浦陽縣交州記曰鑿南塘者九真路之所經也

去州五百里建武十九年馬援所開林邑記曰外越紀粟望都紀粟出浦陽渡便州至典由渡故縣至

咸驩咸驩屬九真咸驩已南蠻麁滿岡嗚咆命疇警嘯聒野孔雀飛翔蔽日籠山渡治口至九德

案口近刻

訛作日

按晉書地道記有九德縣交州外域記曰

案城近刻訛作城

九德縣屬九真郡在郡之南與日南接蠻盧

蠻居其地死子寶綱代孫黨服從吳化定爲九德郡又爲隸之林邑記曰九德九夷所極故以名郡郡

名所置周越裳氏之夷國周禮九夷遠極越裳白雉象牙重九譯而來自九德通類口水源從西北遠

荒逕寧州界來也九德浦內逕越裳究九德究南陵究按晉書地道記九德郡有南陵縣晉置也竺枝

扶南記山溪瀨中謂之究地理志曰郡有小水五十二并行大川皆究之謂也林邑記曰義熙九年交

趾太守杜慧度造九真水口

案近刻訛作日

與林邑王范胡達戰擒斬胡達二子虜獲百餘人胡達遁

五月慧度自九真水歷都粟浦復襲九真長圍跨山重柵斷浦驅象前鋒接刃城下連日交戰殺傷乃

退地理志曰九真郡漢武帝元鼎六年開治胥浦縣王莽更之曰驩成也案成近刻晉書地道記曰九

真郡有松原縣林邑記曰松原以西烏獸馴良不知畏弓寡婦孤居散髮至老南移之嶺崒不踰切倉

庚懷春於其北翡翠熙景乎其南雖嚶謹接響城隔殊非獨步難遊俗姓塗分故也自南陵究出於南

界蠻進得橫山太和三年范文侵交州於橫山分界度比景廟由門浦至古戰灣吳赤烏十一年魏正

始九年案近刻交州與林邑於灣大戰初失區粟也渡盧容縣日南郡之屬縣也自盧容縣至無變

案近刻越烽火至此景縣日中頭上景當身下與景爲比如淳曰故以比景名縣闕駟曰比讀蔭庇之

庇景在己下言爲身所庇也林邑記曰渡比景至朱吾案比近刻朱吾縣浦今之封界朱吾以南有文

狼人野居無室宅依樹止宿食生魚肉案魚字近刻採香爲業與人交市若上皇之民矣縣南有文狼

究下流逕通晉書地道記曰朱吾縣屬日南郡去郡二百里此縣民漢時不堪二千石長吏調求引屈

都乾爲國林邑記曰屈都夷也朱吾浦內通無勞湖無勞究水通壽冷浦元嘉元年交州刺史阮彌之

征林邑陽邁出婚不在案陽近刻奮威將軍阮謙之領七千人先襲區粟已過四會案已近刻未入

壽冷三日三夜無頓止處凝海直岸遇風大敗陽邁攜婚都部伍三百許船來相救援謙之遭風餘數

船艦夜於壽冷浦裏相遇閩中大戰謙之手射陽邁舵工船敗縱橫崑崙單舸接得陽邁謙之以風溺

之餘制勝理難自此還渡壽冷至溫公浦升平三年溫放之征范佛於灣分界陰陽圻入新羅灣至焉

下。一名阿賁浦。入彭龍灣。隱避風波。卽林邑之海渚。元嘉二十三年。交州刺史檀和之破區粟。已飛旛蓋海。將指典沖於彭龍灣。上鬼塔。與林邑大戰。還渡典沖林邑入浦。令軍大進。案大。近刻。訛作水。持重故也。浦西卽林邑都也。治典沖。去海岸四十里。處荒流之微表。國越裳之疆南。秦漢象郡之象林縣也。東濱滄海。西際徐狼。南接扶南。北連九德。後去象林林邑之號。建國起自漢末。初平之亂。人懷異心。象林功曹姓區。有子名達。案近刻。訛作連。攻其縣。殺令。自號爲王。值世亂。離林邑遂立。後乃襲代。傳位子孫。三國鼎爭。未有所附。吳有交土。與之鄰接。進侵壽冷。以爲疆界。自區達以後。國無文史。失其篡代。世數難詳。宗胤滅絕。無復種裔。外孫范熊代立。人情樂推。後熊死。子逸立。有范文。日南西捲縣夷帥范椎奴也。案近刻。訛作夷奴。文爲奴時。山澗牧羊。於澗水中。得兩鯉魚。隱藏挾歸。規欲私食。郎知檢求。文大慙懼。起託云。將礪石還。非爲魚也。郎至魚所。見是兩石。信之而去。文始異之。石有鐵。文入山中。就石冶鐵。鍛作兩刀。舉刀向鄣。因祝曰。鯉魚變化。冶石成刀。斫石鄣破者。是有神靈。案近刻。訛作靈神。文當得此。案得近刻。訛作治。爲國君王。斫不入者。是刀無神靈。進斫石鄣。如龍淵。干將之斬蘆葦。案蘆葦。近刻。訛作蘆。由是人情漸附。今斫石尙在。魚刀猶存。傳國子孫。如斬蛇之劍也。椎嘗使文遠行商賈。案椎。近刻。訛作雅。北到上國。多所聞見。以晉愍帝建興中。南至林邑。教王范逸。制造城池。繕治戎甲。經始廓略。案廓。近刻。訛作廟。王愛信之。使爲將帥。能得衆心。文讒王諸子。或徙或奔。王乃獨立。成帝咸和六年。死。無胤嗣。文迎王子於外國。海行取水。置毒椰子中。案椰。近刻。訛作柳。飲



而殺之。遂脅國人自立爲王。取前王妻妾。置高樓上。有從己者。取而納之。不從己者。絕其飲食而死。案近刻訛作乃。江東舊事云。范文。本揚州人。少被掠爲奴。賣墮交州。年十五六。遇罪當得杖。畏怖因逃。隨林邑

賈人渡海遠去。沒入於王。大被幸愛。經十餘年。王死。文害王二子。詐殺侯將。自立爲王。威加諸國。或夷

椎蠻語。口食鼻飲。或雕面鏤身。狼膾裸種。案近刻無狼字。膾訛作脫。漢魏流赭。咸爲其用。建元二年。攻日南九德九

真。百姓奔迸千里無煙。乃還林邑。林邑西去廣州二千五百里。城西南角高山長嶺。連接天郭。嶺北接

澗。大源淮水出。郝郝遠界。三重長洲。隱山遶西。衛北迴東。其嶺南開澗。小源淮水出。松根界上山。壑流

隱山。繞南。曲街迴東。合淮流以注典沖。其城西南際山。東北瞰水。重壑流浦。周繞城下。東南壑外。因傍

薄城。東西橫長。南北縱狹。北邊西端。案西近刻訛作兩。迴折曲入。城周圍八里一百步。甃城二丈。上起甃牆一

丈。案牆近刻訛作城。開方隙孔。甃上倚板。案近刻脫甃字。板上層閣。閣上架屋。屋上構樓。高者六七丈。下者四五丈。飛

觀鷗尾。迎風拂雲。緣山瞰水。竊竊崑嶸。但制造壯拙。稽古夷俗。城開四門。東爲前門。當兩淮渚濱。於曲

路有古碑。夷書銘讚前王胡達之德。西門當兩重壑。北迴上山。山西卽淮流也。南門度兩重壑。對温公

壘。升平二年。交州刺史温放之。殺交趾太守杜寶。別駕阮朗。案近刻脫杜字。朗訛作郎。遂征林邑。水陸累戰。佛保城

自守。重求請服。聽之。今林邑。東城南五里。有温公二壘是也。北門濱淮。路斷不通。城內小城。周圍三百

二十步。合堂瓦殿。南壁不開。兩頭長屋。脊出南北。南擬背日。西區城內石山。順淮面陽。開東向殿。飛檐

鷓尾青瑣丹墀

案瓊近刻  
訛作墀

椽題桷椽多諸古法閣殿上柱高城丈餘五牛屎爲堊牆壁青光迴度曲掖

綺牖紫窗椒房嬪媵無別宮觀路寢永巷共在殿上臨踞東軒徑與下語案徑近刻  
訛作逕子弟臣侍皆不得

上屋有五十餘區連甍接棟檐宇相承案相近刻  
訛作如神祠鬼塔小大八廟層臺重榭狀似佛刹郭無市里

邑寡人居海岸蕭條非生民所處而首渠以永安養國十世豈久存哉元嘉中檀和之征林邑其王陽

邁舉國夜奔竄山藪據其城邑收寶巨億軍還之後陽邁歸國家國荒殄時人靡存躊躇崩擗憤絕復

蘇卽以元嘉二十三年死初陽邁母懷身夢人鋪陽邁金席與其兒落席上金光色起案金字近刻  
訛在席字上昭

晰豔曜案晰近刻  
訛作晰

華俗謂上金爲紫磨金夷俗謂上金爲陽邁金父胡達死襲王位能得人情自以靈

夢爲國祥慶其太子初名咄後楊邁死咄年十九代立慕先君之德復改名陽邁昭穆二世父子共名

知林邑之將亡矣其城隍壘之外林棘荒蔓榛梗冥鬱藤盤筍秀參錯際天其中香桂成林氣清煙澄

桂父縣人也棲居此林服桂得道時禽異羽翔集間關兼比翼鳥不比不飛鳥名歸飛鳴聲自呼此戀

鄉之思孔悲桑梓之敬成俗也豫章俞益期性氣剛直不下曲俗容身無所遠適在南與韓康伯書曰

惟檳榔樹最南遊之可觀但性不耐霜不得北植不遇長者之目令人恨深嘗對飛鳥戀土增思寄意

謂此鳥其背青其腹赤案腹近刻  
訛作腸丹心外露鳴情未達終日歸飛飛不十千路餘萬里案餘近刻  
訛作由何由

歸哉九真太守任延始教耕犁俗化交土風行象林知耕以來六百餘年火耨耕藝法與華同名白田

種白穀。七月火作。十月登熟。名赤田。種赤穀。十二月作。四月登熟。所謂兩熟之稻也。至於草甲萌芽。

刻至說穀月代種。種稔早晚。無月不秀。耕耘功重。收穫利輕。熟速故也。米不外散。恆爲豐國。桑蠶年八

熟。繭三都賦。所謂八蠶之綿者矣。其崖小水羃歷。案崖字近刻常吐飛溜。或雪霏沙漲。清寒無底。分溪

別壑。津濟相通。其水自城東北角流。水上懸起高橋。渡淮北岸。卽彭龍區粟之通達也。檀和之東橋大

戰。陽邁被創落象。卽是處也。其水又東南流。逕船官口。船官川源徐狼外。夷皆裸身。男以竹筒掩體。女

以樹葉蔽形。外名狼臙。所謂裸國者也。雖習俗裸袒。猶恥無蔽。惟依暝夜。與人交市。關中臭金。使知好

惡。明朝曉看。皆如其言。自此外行得至扶南。按竺枝扶南記曰。扶南去林邑四千里。案近刻水步道通。

檀和之令軍入邑浦。據船官口。城六里者也。自船官下注大浦之東湖。大水連行。潮上西流。案潮近刻

潮水日夜長七八尺。從此以西。朔望并潮。一上七日。水長丈六七。七日之後。日夜分爲再潮。水長一二

尺。春夏秋冬。厲然一限。案近刻高下定度。水無盈縮。是爲海運。案爲近亦曰象水也。又兼象浦之名。晉

功臣表。所謂金潏清逕。象渚澄源者也。案潏近其川浦渚。有水蟲彌微。攢木食船。數十日壞。源潭湛瀨。

有鮮魚。色黑。身五丈。頭如馬首。伺人入水。便來爲害。山海經曰。離耳國。雕題國。皆在鬱水南。林邑記曰。

漢置九郡。僮耳與焉。民好徒跣。耳廣垂以爲飾。雖男女褻露。不以爲羞。暑褻薄日。自使人黑。積習成常。

以黑爲美。離騷所謂玄國矣。然則僮耳。卽離耳也。王氏交廣春秋曰。朱崖僮耳二郡。與交州俱開。皆漢

武帝所置大海中南極之外對合浦徐聞縣

案聞近刻訛作文

清明無風之日逕望朱崖州

案徑近刻訛作逕

如困廩

大從徐聞對渡北風舉帆一日一夜而至周迴二千餘里徑度八百里人民可十萬餘家皆殊種異類

被髮雕身而女多姣好白皙長髮美鬢犬羊相聚不服德教僂耳先廢朱崖數叛元帝以賈捐之議罷

郡楊氏南裔異物志曰僂耳朱崖俱在海中

案近刻訛作僂耳在朱崖脫海中二字

分爲東蕃故山海經曰在鬱水南也

鬱水又南自壽冷縣注於海昔馬文淵積石爲塘達於象浦建金標爲南極之界僉益期牋曰馬文淵

立兩銅柱於林邑岸北有遺兵十餘家不反居壽冷岸南而對銅柱悉姓馬自婚姻今有二百戶交州

以其流寓號曰馬流言語飲食尙與華同山川移易銅柱今復在海中正賴此民以識故處也林邑記

曰建武十九年馬援樹兩銅柱於象林南界與西屠國分漢之南疆也土人以之流寓號曰馬流世稱

漢子孫也山海經曰鬱水出象郡而西南注南海入須陵東南者也

案西近刻訛作東須訛作項

應劭曰鬱水出廣

信東入海言始或可

案或近刻作則

終則非矣

卷三十七

淹水 葉榆河 夷水 油水 澧水 沅水 浪水

淹水出越嶲遂久縣徼外

呂忱曰：淹水，一曰復水也。

東南至青蛉縣。案青近刻作蜻下同。

縣有禺同山。其山神有金馬、碧雞。光景儵忽，民多見之。漢宣帝遣諫大夫王褒祭之，欲致其雞馬，褒道病而卒，是不果焉。王褒碧雞頌曰：敬移金精神，馬縹縹，碧雞故左太沖蜀都賦曰：金馬騁光而絕影，碧雞儵忽而耀儀。

又東過姑復縣南，東入於若水。

淹水逕縣之臨池澤，而東北逕雲南縣西，東北注若水也。

益州葉榆河，出其縣北界，屈從縣東北流。

縣故滇池，葉榆之國也。漢武帝元封二年，使唐蒙開之，以為益州郡。郡有葉榆縣，縣西北八十里。案近

八字，有弔鳥山，衆鳥千百為羣，其會案其近刻作共，嗚呼啁哳，每歲七八月至，十六七日則止，一歲六至，雉雀來

弔，夜燃火伺取之。案伺近刻訛作而，其無嗑不食，似特悲者，以為義，則不取也。俗言鳳凰死於此山，故衆鳥來

弔，因名弔鳥。縣之東有葉榆澤，葉榆水所鍾，而為此川藪也。

過不韋縣。

縣故九隆哀牢之國也，有牢山。其先有婦人名沙壹。案近刻訛作壘，華陽國志作壘，居於牢山，捕魚水中，觸沈木，若有

感因懷孕產十子後沈木化為龍出水九子驚走小子不能去案小近刻背龍而坐龍因舐之案舐近

按據後漢書及華陽國志改正其母烏語謂背為九謂坐為隆因名為九隆案華陽國志作元隆云及長諸兄遂相共

推九隆為王後牢山下有一夫一婦生十女九隆皆以為妻遂因華育皆畫身像龍文衣皆著尾九隆

死世世不與中國通漢建武二十三年王遣兵來乘革船南下案近刻脫來字又攻漢鹿蓼民案蓼近

同下鹿蓼民弱小將為所擒於是天大震雷疾雨南風漂起水為逆流波湧二百餘里革船沈沒溺死

數千人後數年復遣六王將萬許人攻鹿蓼鹿蓼王與戰殺六王哀牢耆老共埋之其夜虎掘而食之

明且但見駭骨驚怖引去乃懼謂其耆老小王曰哀牢犯微自古有之今此攻鹿蓼輒被天誅中國有

受命之王乎何天祐之明也即遣使詣越嶲奉獻案近刻詣訛作求乞內附長保塞徼漢明帝永平十

二年置為永昌郡案昌近刻郡治不韋縣蓋秦始皇徙呂不韋子孫於此故以不韋名縣北去葉榆六

百餘里葉榆水不逕其縣案近刻脫自不韋北注者盧倉禁水耳葉榆水自縣南逕遂久縣東又逕姑

復縣西與淹水合又東南逕永昌邪龍縣縣以建興三年劉禪分隸雲南於不韋縣為東北

東南出益州界

葉榆水自邪龍縣東南逕秦臧縣案近刻臧訛作南與濮水同注滇池澤於連然雙柏縣也案近刻葉

榆水自澤又東北逕滇池縣南案逕近刻又東逕同並縣南又東逕漏江縣伏流山下復出蝮口謂之

漏江左思蜀都賦曰漏江湫流潰其阿汨若湯谷之揚濤沛若濛汜之湧波諸葛亮之平南中也戰於

是水之南葉榆水又逕賁古縣北東與盤江合盤水出律高縣東南監町山案監近刻東逕梁水郡北

賁古縣南案梁水郡晉置領梁水賁古西隨三縣朱謀壘云當作卑水非也水廣百餘步深處十丈甚有瘴氣朱褒之反案褒近刻李

恢追至盤江者也建武十九年伏波將軍馬援上言從蒼冷出賁古案蒼近刻擊益州臣所將駱越

萬餘人案駱越近刻便習戰鬪者二千兵以上弦毒矢利以數發矢注如雨所中輒死愚以行兵此道

最便蓋承藉水利用爲神捷也盤水又東逕漢興縣山溪之中多生邛竹桄榔樹出麪而夷人資以

自給故蜀都賦曰邛竹緣嶺又曰麪有桄榔盤水北入葉榆水諸葛亮入南戰於盤東是也

入牂柯郡西隨縣北爲西隨水又東出進桑關

進桑縣牂柯之南部都尉治也水上有關故曰進桑關也故馬援言從蒼冷水道出進桑王國至益州

賁古縣轉輸通利蓋兵車資運所由矣自西隨至交趾崇山接險水路三千里葉榆水又東南絕溫水

而東南注於交趾

過交趾蒼冷縣北分爲五水絡交趾郡中至南界復合爲三水案南近刻東入海

尚書大傳曰堯南撫交趾於禹賁荊州之南垂幽荒之外故越也周禮南八蠻雕題交趾有不粒食者

焉春秋不見於傳不通於華夏在海島人民鳥語秦始皇開越嶺南立蒼梧南海交趾象郡漢武帝元

鼎二年始并百越。啓七郡。於是乃置交趾刺史。以督領之。初治廣信。所以獨不稱州。時又建朔方。明已始開北垂。案明近刻遂辟交趾於南。爲子孫基址也。蒼泠縣。漢武帝元鼎六年。開都尉治。交州外域記

曰。案州近刻

說作郡越王令二使者。典主交趾九真二郡民。後漢遣伏波將軍路博德討越王。路將軍到合浦。

越王令二使者齋牛百頭。酒千鍾。及二郡民戶口簿。詣路將軍。乃拜二使者爲交趾九真太守。案此下

主諸雒將主民如故。交趾郡及州。本治於此也。州名爲交州。後朱戴雒將子名詩。索蒼泠雒將女名徵

側爲妻。側爲人有膽勇。將詩起賊。案詩近刻攻破州郡。服諸雒將。皆屬徵側。爲王治蒼泠縣。復交趾九

真二郡。民二歲調賦。案復近刻後漢遣伏波將軍馬援。將兵討側詩。走入金溪。三歲乃得。爾時西蜀

並遣兵共討側等。悉定郡縣。爲令長也。山多大蛇。名曰髯蛇。長十丈。圍七八尺。常在樹上。伺鹿獸。鹿獸

過。便低頭繞之。有頃鹿死。先濡令濕。訖便吞。頭角骨皆鑽皮出。山夷始見蛇不動。時便以大竹籤。籤蛇

頭至尾。殺而食之。以爲珍異。故楊氏南裔異物志曰。髯惟大蛇。既洪且長。采色駁犖。其文錦章。食豕吞

鹿。腴成餐。創賓享嘉宴。是豆是觴。言其養創之時。肪腴甚肥。搏之以婦人衣投之。則蟠而不起。走便可

得也。北二水。案北近刻左水東北。逕望海縣南。建武十九年。馬援征徵側置。又東逕龍淵縣北。又東合

南水。水自蒼泠縣東。逕封溪縣北。交州外域記曰。交趾昔未有郡縣之時。土地有雒田。其田從潮水上

下。民墾食其田。因名爲雒民。設雒王雒侯。主諸郡縣。縣多爲雒將。雒將銅印青綬。後蜀王子將兵三萬。



來討雒王雒侯。服諸雒將。蜀王子因稱爲安陽王。後南越王尉佗舉衆攻安陽王。安陽王有神人名臯通。下輔佐爲安陽王治神弩一張。一發殺三百人。南越王知不可戰。卻軍住武寧縣。按晉太康記。縣屬交趾。越遣太子名始降服安陽王。稱臣事之。安陽王不知通神人。遇之無道。通便去。語王曰。能持此弩王天下。不能持此弩者亡天下。通去。安陽王有女。名曰媚珠。案媚近刻見始端正。珠與始交通。始問珠令取父弩視之。始見弩便盜。以鋸截弩訖。便逃歸報南越王。案近刻脫南越進兵攻之。安陽王發弩。弩折遂敗。安陽王下船。逕出于海。今平道縣後王宮城。見有故處。晉太康地記。縣屬交趾。越遂服諸雒將。馬援以西南治遠。路逕千里。分置斯縣治。城郭穿渠。通導溉灌。以利其民。縣有猩猩獸。形若黃狗。又狀類狍人。面頭顏端正。善與人言。音聲麗妙。如婦人好女。對語交言。聞之無不酸楚。其肉甘美。可以斷穀。窮年不厭。又東逕浪泊。馬援以其地高。自西里進屯此。又東逕龍淵縣。故城南。又東。左合北水。案北近刻建安二十三年。立州之始。蛟龍蟠編於南北二津。案於下近刻故改龍淵。以龍編爲名也。盧循之寇。交州也。交州刺史杜慧度。案慧近刻率水步晨出南津。以火箭攻之。燒其船艦。一時潰散。循亦中矢。赴水而死。案水近刻於是斬之。傳首京師。慧度以斬循勳。封龍編侯。劉欣期交州記曰。龍編縣功曹左飛。曾化爲虎。數月還作吏。旣言其化。亦化無不在。牛哀易虎。不識厥兄。當其革狀。安知其譌變哉。其水又東逕曲易縣。東流注於浪鬱。經言於郡東界。復合爲三水。此其二也。案二近刻其次一水。東逕封溪縣南。

又西南逕西於縣南。又東逕羸隴縣北。又東逕北帶縣南。又東逕稽徐縣。涇水注之。水出龍編縣高山。東南流。入稽徐縣。注於中水。中水又東逕羸隴縣南。交州外域記曰：縣本交趾郡治也。案縣本近刻。林

邑記曰：自交趾南行。案記曰：下近刻。有縣本二字。係衍文。都官塞浦出焉。其水自縣東逕安定縣北。帶長江。江中有越王

所鑄銅船。潮水退時。人有見之者。其水又東流。隔水有泥黎城。言阿育王所築也。又東南合南水。南水

又東南。案近刻。北。逕九德郡北。交州外域記曰：交趾郡界有扶嚴。究在郡之北。隔渡一江。即是水也。江水

對交趾。朱戡縣。又東逕浦陽縣北。又東逕無切縣北。建武十九年九月。馬援上言：臣謹與交趾精兵萬

二千人。與大兵合二萬人。船車大小二千艘。自入交趾。於今爲盛。十月。援南入九真。至無切縣。賊渠降。

進入餘發。渠帥朱伯棄郡。亡入深林。巨藪。犀象所聚。羊牛數千頭。案羊。近刻作羣。時見象數十百爲羣。援又分

兵入無編縣。王莽之九真亭。至居風縣。帥不降。並斬級數十百。九真乃靖。其水又東逕句漏縣。縣帶江

水。江水對安定縣。林邑記所謂外越安定紀粟者也。案安定下。近刻。衍縣字。縣江中有潛牛。形似水牛。上岸鬪。角

軟。還入江水。角堅復出。又東與北水合。又東注鬱。亂流而逝矣。此其三也。平撮通稱。同歸鬱海。故經有

入海之文矣。

夷水出巴郡魚復縣江。

夷水。卽假山清江也。水色清照十丈。分沙石。案近刻。脫石字。蜀人見其澄清。因名清江也。昔廩君浮土舟於夷

水據捍關而王巴是以法孝直有言魚復捍關臨江據水實益州禍福之門夷水又東逕建平沙渠驛案近刻脫渠字縣有巫城水南岸山道五百里案水字近刻其水歷縣東出焉案在南岸下

### 東南過佷山縣南

夷水自沙渠縣入案近刻水流淺狹裁得通船東逕難留城南城卽山也獨立峻絕西面上里餘得

石穴把火行百許步得二大石磧並立穴中相去一丈俗名陰陽石陰石常溼陽石常燥每水旱不調

居民作威儀服飾往入穴中旱則鞭陰石應時雨多雨則鞭陽石俄而天晴相承所說往往有效但捉

鞭者不壽人頗惡之故不爲也東北面又有石室可容數百人每亂民入室避賊無可攻理因名難留

城也昔巴蠻有五姓未有君長俱事鬼神乃共擲劍於石穴約能中者奉以爲君案奉近刻巴氏子務

相乃中之又令各乘土舟約浮者當以爲君惟務相獨浮因共立之是爲廩君乃乘土舟從夷水下至

鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿旦化爲蟲羣飛

蔽日天地晦冥積十餘日廩君因伺便射殺之天乃開明廩君乘土舟下及夷城夷城石岸險曲其水

亦曲廩君望之而歎山崖爲崩廩君登之上有平石方二丈五尺因立城其傍而居之四姓臣之死精

魂化而爲白虎故巴氏以虎飲人血遂以人祀鹽水卽夷水也又有鹽石卽陽石也案卽下近刻衍鹽字盛弘之

以是推之疑卽廩君所射鹽神處也將知陰石是對陽石立名矣案知下近刻衍是字事旣鴻古難爲明徵夷水

又東逕石室。在層巖之上。石室南向。水出其下。懸崖千仞。自水上徑望見。

案徑近刻。說作逕。

每有陟山嶺者。扳

木側足而行。莫知其誰。村人略都。小時到此室邊採蜜。見一仙人坐石牀上。見都凝矚不轉。都還招村

人重往。則不復見。鄉人今名爲仙人室。袁山松云。都孫息尙存。

案息近刻。作昔。

夷水又東與溫泉三水合。大溪

南北夾岸。有溫泉對注。夏煖冬熱。上常有霧氣。瘍痍百病。

案痍近刻。作疾。

浴者多愈。父老傳此泉先出鹽。於今

水有鹽氣。夷水有鹽水之名。此亦其一也。夷水又東逕佷山縣故城南。縣卽山名也。孟康曰。音恆。出藥

草。恆山。今世以銀爲音也。舊武陵之屬。縣南一里。卽清江東注矣。南對長楊溪。溪水西南潛穴。穴在射

堂村東六七里。谷中有石穴。清泉潰流三十許步。復入穴。卽長楊之源也。水中有神魚。大者二尺。小者

一尺。居民釣魚。先陳所須多少。拜而請之。拜訖投鉤餌。

案鉤近刻。說作鈞。

得魚過數者。水輒波湧。暴風卒起。樹

木摧折。水側生異花。路人欲摘者。皆當先請。不得輒取。

案輒近刻。作輒。

水源東北之風井山。迴曲有異勢。穴口

大如盆。袁山松云。夏則風出。冬則風入。春秋分則靜。余往觀之。其時四月中。去穴數丈。須臾寒飄卒至。

案飄近刻。作慄。

六月中。尤不可當。往人有冬過者。置笠穴中。風吸之。經月還步楊溪。得其笠。則知潛通矣。其水

重源顯發。北流注於夷水。此水清冷。甚於大溪。縱暑伏之辰。尙無能澡其津流也。縣北十餘里有神穴。

平居無水。時有渴者。誠啓請乞。輒得水。或戲求者。水終不出。縣東十許里。至平樂村。又有石穴。出清泉。

中有潛龍。每至大旱。平樂左近村居。

案平樂下近刻。衍村字。

葦草穢著穴中。龍怒。須臾水出。蕩其草穢。傍側之田。

皆得澆灌。從平樂順流五六里東亭村北。山甚高峻。上合下空。空竅東西廣二丈許。起高如屋。案竅近起高作中有石牀。案近刻甚整頓。傍生野韭。人往乞者。神許則風吹別分。隨偃而輸。不得過越。不偃而輸。輒凶。往觀者去時特平。暨處自然恭肅矣。

### 又東過夷道縣北

夷水又東逕虎灘。岸石有虎像。故因以名灘也。夷水又東逕釜瀨。其石大者如釜。小者如刁斗。形色亂真。惟實中耳。案惟實近刻夷水又東北。有水注之。其源百里。與丹水出西南望州山。山形竦峻。峰秀甚高。東北白巖壁立。西南小演通行。登其頂平。可有三畷許。上有故城。城中有水。登城望見一州之境。故名望州山。俗語訛今名武鍾山。山根東有湧泉成溪。卽丹水所發也。下注丹水。天陰欲雨。輒有赤氣。故名曰丹水矣。丹水又逕亭下。有石穴甚深。未嘗測其遠近。穴中蝙蝠。大如烏。多倒懸。案近刻訛作大中記曰。蝙蝠百歲者倒懸。得而服之。使人神仙。穴口有泉。冬溫夏冷。秋則入藏。春則出遊。案二語言魚當有脫文。民至秋闌。斷水口得魚。大者長四五尺。骨軟肉美。異於餘魚。丹水又逕其下。積而爲淵。淵有神龍。每旱。村人以芎草投淵上流。魚則多死。龍怒。當時大雨。丹水又東北流。兩岸石上有虎跡甚多。或深或淺。皆悉成就自然。咸非人工。丹水又北注於夷水。水色清澈。與大溪同。夷水又東北逕夷道縣北而東。

注。

東入於江。

夷水又逕宜都北。東入大江。有涇渭之比。亦謂之恨山北溪水。所經皆石山。略無土岸。其水虛映。俯視遊魚。如乘空也。淺處多五色石。冬夏激湍。飛清。傍多茂木。空岫。靜夜聽之。恆有清響。百鳥翔禽。哀鳴相和。巡頽浪者。不覺疲而忘歸矣。

油水出武陵孱陵縣西界。

縣有白石山。油水所出。東逕其縣西。與澧水合。水出高城縣澧山。東逕其縣下。東至孱陵縣。入油水也。東過其縣北。案此五字。近刻接上經西界下。

縣治故城。王莽更名孱陸也。案陸。近刻訛作陵。劉備孫夫人權妹也。又更修之。其城背油向澤。案此注。近刻與上注連爲一節。又東北入於江。

油水自孱陵縣之東北。逕公安縣西。又北流。注於大江。

澧水出武陵充縣西。歷山東。過其縣南。

澧水自縣東。逕臨澧零陽二縣故界。水之南岸。白石雙立。厥狀類人。高各三十丈。周四十丈。古老傳言。昔充縣尉與零陽尉共論封境。因相傷害。化而爲石。東標零陽。西揭充縣。充縣廢省。案近刻脫充縣二字。臨澧卽其地。縣卽充縣之故治。案近刻訛作縣。臨澧卽充縣之故治。臨側澧水。故爲縣名。案故近刻作卽。晉太康四年。置澧水。又東。茹水注。



又東過作唐縣北。

作唐縣。後漢分孱陵縣置澧水入縣。左合涔水。水出西北天門郡界。南流逕涔坪屯。案坪近刻屯場涔

水。溉田數千頃。又東南流注於澧水。澧水又東。澹水出焉。澧水又南。逕故郡城東。東轉逕作唐縣南。澧

水又東。逕南安縣南。案南安近刻晉太康元年。分孱陵立澹水注之。水上承澧水於作唐縣。東逕其縣

北。又東注於澧。謂之澹口。王仲宣贈士孫文始詩曰。案近刻悠悠澹澧者也。澧水又東。與赤沙湖水會。

湖水北通江。而南注澧。謂之沙口。案沙口近刻澧水又東南注於沅水。曰澧口。蓋其枝瀆耳。離騷曰。沅

有芷兮澧有蘭。

又東至長沙下雋縣西北。東入於江。

澧水流注於洞庭湖。俗謂之曰澧江口也。

沅水出牂柯且蘭縣。為旁溝水。又東至鐔成縣。為沅水。東過無陽縣。

無水出故且蘭。南流至無陽。故縣對無水。案近刻脫因以氏縣。無水又東南入沅。謂之無口。沅水東

逕無陽縣。南臨運水。水源出東南岸許山。西北逕其縣。南流注於熊溪。熊溪南帶移山。山本在水北。夕

中風雨。旦而山移水南。故山以移為名。蓋亦蒼梧郁州東武怪山之類也。案亦近刻訛作以東。熊溪下

注沅水。沅水又東。逕辰陽縣。縣有龍溪水。南出於龍嶠之山。北流入於沅。沅水又東。案近刻脫一沅字。



澧水注之。水南出扶陽之山。北流會於沅。沅水又東與序溪合。水出武陵郡義陵縣鄜梁山。案武近刻

西北流。逕義陵縣。王莽之建平縣也。治序溪。其城劉備之秭歸。馬良出五溪。案馬近刻詔脫良字綏撫蠻夷。良

率諸蠻所築也。案良近刻詔作亮所治序溪。最爲沃壤。良田數百頃。特宜稻。修作無廢。又西北入於沅。沅水又

東合激水。水導源激溪。案激近刻詔作柱北流注沅。沅水又東逕辰陽縣南。東合辰水。水出縣三山谷。東南流

獨母水注之。水源南出龍門山。歷獨母溪。北入辰水。辰水又逕其縣北。舊治在辰水之陽。故卽名焉。楚

辯所謂夕宿辰陽者也。王莽更名會亭矣。辰水又右會沅水。名之爲辰溪口。武陵有五溪。謂雄溪、楠溪、

無溪、酉溪。案楠溪下近刻辰溪其一焉。夾溪悉是蠻左所居。案左下近故謂此蠻五溪蠻也。水又逕沅

陵縣西。有武溪。源出武山。與酉陽分山。水源石上有盤瓠跡。猶存矣。盤瓠者。高辛氏之畜狗也。其毛五

色。高辛氏患犬戎之暴。乃募天下有能得犬戎之將軍吳將軍頭者。妻以少女。下令之後。盤瓠遂銜吳

將軍之首於闕下。帝大喜。未知所報。女聞之。以爲信不可違。請行。乃以配之。盤瓠負女入南山。案女近

妻。上石室中。所處險絕。人跡不至。帝悲思之。遣使不得進。經二年。生六男六女。盤瓠死。因自相夫妻。織

績木皮。染以草實。好五色衣。裁製皆有尾。案製近刻其母白帝。賜以名山。其後滋蔓。號曰蠻夷。今武陵

郡夷。卽盤瓠之種落也。其狗皮毛。嫡孫世寶錄之。武水南流注於沅。沅水又東。施水注之。水南出施山

溪源。有陽欺崖。崖色純素。望同積雪。下有二石室。案近刻先有人居處。其間細泉輕流。望川競注。故不

可得以言也。

案近刻脫得字。

施水北流會於沅。沅水又東逕沅陵縣北。漢故頃侯吳陽之邑也。王莽改曰沅陸。

縣北枕沅水。沅水又東逕縣故治。北移縣治。縣之舊城置都尉府。因岡傍阿。勢盡川陸。臨沅對西。二川

之交會也。酉水導源益州巴郡臨江縣。故武陵之充縣。酉源山東南流。逕無陽故縣南。又東逕遷陵故

縣界。與西鄉溪合。卽延江之枝津。更始之下流。謂之西鄉溪口。酉水又東逕遷陵縣故城北。案近刻重一城字。

王莽更名曰遷陸也。酉水東逕酉陽故縣南。縣故酉陵也。酉水又東逕沅陵縣北。又東南逕潘承明壘

西。承明討五溪蠻。營軍所築也。其城跨山枕谷。酉水又南注沅水。闕駟謂之受水。其水所決入。名曰酉

口。沅水又逕寶應明城側。應明以元嘉初伐蠻所築也。沅水又東。案又下近刻衍合字。溪水南出茗山。山深迴險。

人獸阻絕。溪水北瀉沅川。案近刻川下衍水字。沅水又東與諸魚溪水合。水北出諸魚山。山與天門郡之澧陽縣

分嶺。溪水南流會於沅。案溪水下近刻衍合字。沅水又東。夷水入焉。水南出夷山。北流注沅。夷山東接壺頭山。山

高一百里。廣圓三百里。山水下際有新息侯馬援征武溪蠻停軍處。壺頭徑曲多險。其中紆折千灘。援

就壺頭。希效早成。道遇瘴毒。終沒於此。忠公獲謗。信可悲矣。劉澄之曰。沅水自壺頭枝分。跨三十三渡。

逕交趾龍編縣東北。入於海。脈水尋梁。乃非關究。但古人許以傳疑。聊書所聞耳。

又東北過臨沅縣南。

臨沅縣與沅南縣分水。沅南縣西有夷望山。孤竦中流。浮險四絕。昔有蠻民避寇居之。故謂之夷望也。

案近刻脫之字南有夷望溪。水南出重山。遠注沅。沅水又東得關下山。東帶關溪。瀉注沅濱。沅水又東歷臨沅

縣西。爲明月池。白璧灣灣。狀半月。清潭鏡澈。上則風籟空傳。下則泉響不斷。行者莫不擁楫嬉游。徘徊

愛玩。沅水又東歷三石澗。鼎足均峙。秀若削成。其側茂竹便娟。致可玩也。又東帶綠蘿山。綠蘿蒙幕。頽

巖臨水。實釣渚漁詠之勝地。其迭響若鐘音。信爲神仙之所居。沅水又東逕平山。西南臨沅水。寒松上

蔭清泉。下注栖託者。不能自絕於其側。沅水又東逕臨沅縣南。縣南臨沅水。因以爲名。王莽更之曰監

沅也。縣南有晉徵士漢壽人襲玄之墓。案人近刻說作詩。襲說作襲。銘。太元中。車武子立。縣治武陵郡下。本楚之黔

中郡矣。秦昭襄王二十七年。使司馬錯以隴蜀軍攻楚。楚割漢北與秦。案近刻脫一楚字。至三十年。秦又取楚

巫黔。及江南地。案近刻脫秦字。以爲黔中郡。漢高祖二年。割黔中故治爲武陵郡。王莽更之曰建平也。南對沅

南縣。後漢建武中所置也。縣在沅水之陰。因以沅南爲名。縣治故城。昔馬援討臨鄉所築也。沅水又東

歷小灣。謂之枉渚。渚東里許。使得枉人山。山西帶脩溪。一百餘里。案脩近刻說作循。茂竹便娟。披溪蔭渚。長川

逕引。遠注於沅。沅水又東入龍陽縣。有澹水出。漢壽縣西楊山。南流東折。逕其縣南。縣治索城。卽索縣

之故城也。漢順帝陽嘉中。改從今名。闕駟以爲與水所出。東入沅。而是水又東歷諸湖。方南注沅。亦曰

漸水也。水所入之處。謂之鼎口。沅水又東歷龍陽縣之汜洲。洲長二十里。吳丹楊太守李衡。案楊近刻說作陽。

植柑於其上。臨死。勅其子曰。吾州里有木奴千頭。案州近刻說作洲。不責衣食。歲絹千匹。太史公曰。江陵千樹

橘可當封君。此之謂矣。吳末，衡柑成，歲絹千匹。今洲上猶有陳椹餘枿，蓋其遺也。沅水又東，逕龍陽縣北。城側沅水，沅水又東合壽溪，內通大溪口。有木連理，根各一岸，而凌空交合。其上承諸湖，下注沅水。又東至長沙下雋縣西北，入於江。

沅水下注洞庭湖，方會於江。

浪水出武陵潭成縣北界沅水谷。案成，近刻訛。作城，下同。

山海經曰：禱過之山，浪水出焉，而南流注於海是也。

南至鬱林潭中縣，與鄰水合。

水出無陽縣，故潭成也。晉義熙中，改從今名。俗謂之移溪。溪水南歷潭中，注於浪水。

又東至蒼梧猛陵縣，爲鬱溪。又東至高要縣，爲大水。

鬱水出鬱林之阿林縣。案近刻脫出字。東逕猛陵縣。猛陵縣在廣信之西南。王莽之猛陸也。浪水於縣左合鬱

溪。亂流逕廣信縣。地理志：蒼梧郡治武帝元鼎六年開。王莽之新廣郡。縣曰廣信亭。王氏交廣春秋曰：

元封五年，交州自羸隴縣移治於此。建安十六年，吳遣臨淮步隴爲交州刺史，將武吏四百人之交州。

道路不通。蒼梧太守長沙吳巨。案近刻訛。作巨，下同。擁衆五千。隴有疑於巨，先使諭巨。巨迎之於零陵，遂得進州。

巨旣納隴，而後有悔。隴以兵少，恐不存立。巨有都督區景，勇略與巨同。士爲用。隴惡之，陰使人請巨。巨

往告景勿詣隲。隲請不已。景又往。乃於廳事前中庭。俱斬以首徇衆。卽此也。鬱水又逕高要縣。晉書地理志曰。縣東去郡五百里。刺史夏避毒徒縣水居也。縣有鵠奔亭。廣信蘇施妻始珠。鬼訟於交州刺史何敞處。事與釐亭女鬼同。案釐部古字通。原本及近刻並訛作釐亭。今改正。釐亭事詳渭水注內。王氏交廣春秋曰。步隲殺吳巨。區景使嚴舟船合兵二萬。下取南海。蒼梧人衡毅錢博。宿巨部伍興軍。逆隲於蒼梧高要峽口。兩軍相逢。於是遂交戰。毅與衆投水死者千有餘人。

又東至南海番禺縣西。分爲二。其一南入於海。

鬱水分浪南注。

其一又東過縣東南入於海。

浪水東別逕番禺。山海經謂之賁禺者也。交州治中合浦姚文式問云。何以名爲番禺。答曰。南海郡昔治在今州城中。與番禺縣連接。今入城東南偏有水坑。陵城倚其上。聞此縣人名之爲番山。縣名番禺。儻謂番山之禺也。漢書所謂浮牂柯。下離津。同會番禺。蓋乘斯水而入越也。案而近刻訛作西。秦并天下。略定揚越。案揚近刻訛作楊。置東南一尉。西北一侯。開南海以謫徙民。至二世時。南海尉任囂。召龍川令趙佗曰。聞陳勝作亂。豪桀叛秦。吾欲起兵。阻絕新道。番禺負險。可以爲國。會病綿篤。無人與言。故召公來。告以大謀。囂卒。佗行南海尉事。則拒關門設守。以法誅秦所置吏。以其黨爲守。自立爲王。高帝定天下。使陸賈

就立佗爲南越王。

案近刻脫南字。

剖符通使。至武帝元鼎五年。遣伏波將軍路博德等攻南越。王五世九十二

歲而亡。以其地爲南海。蒼梧鬱林合浦交趾九真日南也。建安中吳遣步騭爲交州。騭到南海見土地

形勢觀尉佗舊治處。負山帶海。博敞渺目。高則桑土。下則沃衍。林麓鳥獸。於何不有。海怪魚鼈。鼉鼉鱉

鱉。珍怪異物。千種萬類。不可勝記。佗因岡作臺。北面朝漢。圓基千步。直峭百丈。頂上三晦。復道迴環。逶

迤曲折。朔望升拜。名曰朝臺。前後刺史郡守遷除新至。未嘗不乘車升履。於焉逍遙。騭登高遠望。觀巨

海之浩茫。觀原藪之殷阜。乃曰。斯誠海島膏腴之地。宜爲都邑。建安二十二年。遷州番禺。築立城郭。綏

和百越。遂用寧集。交州治中姚文式問答云。朝臺在州城東北三十里。裴淵廣州記曰。城北有尉佗墓。

墓後有大岡。謂之馬鞍岡。秦時占氣者言南方有天子氣。始皇發民鑿破此岡。地中出血。今鑿處猶存。

以狀取目。故岡受厥稱焉。王氏交廣春秋曰。越王趙佗。生有奉制稱藩之節。死有祕奧神密之墓。佗之

葬也。因山爲墳。其壙塋可謂奢大。葬積珍玩。吳時遣使發掘其墓。求索棺柩。鑿山破石。費日損力。卒無

所獲。佗雖奢僭。慎終其身。乃令後人不知其處。有似松喬遷景。牧豎固無所殘矣。鄧德明南康記曰。昔

有盧耽。仕州爲治中。少棲仙術。善解雲飛。每夕輒凌虛歸家。曉則還州。嘗於元會。至朝不及朝。列化爲

白鶴。至闕前。

案闕近刻訛作闕。

迴翔欲下。威儀以石擲之。得一隻履。耽驚還就列。內外左右莫不駭異。時步騭

爲廣州。意甚惡之。便以狀列聞。遂至誅滅。廣州記稱吳平晉。膝脩

案近刻訛作盧循。

爲刺史。脩鄉人語脩。鰓鬚

長一赤。案古字尺通用赤。脩責以爲虛。案責字近刻。其在虛字下。其人乃至東海。取鰕鬚長四赤。速送示脩。脩始服謝。案服近刻。

說作復。厚爲遣。其一水南入者。鬱川分脈。逕四會入海也。其一。卽川東別逕番禺城下。漢書所謂浮牂柯。

下離津。同會番禺。蓋乘斯水而入於越也。浪水又東逕懷化縣。入於海。水有鰭魚。裴淵廣州記曰。鰭魚

長二丈。大數圍。皮皆鱗物。生子子小。隨母覩食。驚則還入母腹。吳錄地理志曰。鰭魚子朝索食。暮入母

腹。南越志曰。暮從臍入。旦從口出。腹裏兩洞。腸貯水以養子。腸容二子。兩則四焉。

其餘水又東至龍川。爲涅水。屈北入員水。案此十六字原本及近刻。並訛入注內。連接上下注文。今改正。

川。卽解東至龍川也。下經員水。又東南卽承此員水言也。

浪水。枝津衍注。自番禺東。歷增城縣南。越志曰。縣多鷓鴣。鷓鴣山雞也。光采鮮明。案采近刻。訛作色。五色炫耀。

利距善鬪。世以家雞鬪之。則可擒也。又逕博羅縣西界龍川。左思所謂目龍川而帶坳者也。趙佗乘此

縣而跨據南越矣。

員水又東南一千五百里。入南海。

東歷揭陽縣。王莽之南海亭。而注於海也。

卷三十八

資水 漣水 湘水 灘水 溱水

資水出零陵都梁縣路山

資水出武陵郡無陽縣界唐糺山蓋路山之別名也謂之大溪水東北逕邵陵郡武岡縣南縣分都梁之所置也縣左右二岡對峙重阻齊秀間可二里舊傳後漢伐五溪蠻蠻保此岡故曰武岡縣即其稱焉

大溪逕建興縣南又逕都梁縣南案近刻脫縣字漢武帝元朔五年以封長沙定王子敬侯遂之邑也案遂近刻

訛作定縣西有小山山上有渟水既清且淺其中悉生蘭草綠葉紫莖芳風藻川蘭馨遠馥俗謂蘭為都梁山因以號縣受名焉

東北過夫夷縣

夫水出縣西南零陵縣界少延山東北流逕扶縣南案扶下近刻衍陽字本零陵之夫夷縣也漢武帝元朔五年

以封長沙定王子敬侯義之邑也夫水又東注邵陵水謂之邵陵浦水口也案水字近刻

東北過邵陵縣之北

縣治郡下南臨大溪水逕其北謂之邵陵水魏咸熙二年吳寶鼎元年孫皓分零陵北部立邵陵郡於

邵陵縣縣故昭陵也案昭近刻溪水東得高平水口案水近刻水出武陵郡沅陵縣首望山西南逕高

平縣南案逕近刻又東入邵陵縣界南入於邵水邵水又東會雲泉水水出零陵永昌縣雲泉山西北



流逕邵陽南縣。故昭陽也。案昭陽朱謀壻云疑作昭陵非也今考郡國志昭陽屬零陵郡昭陵屬長沙郡雲泉水又北注邵陵水。謂之邵陽水。口自下東北出益陽縣。其間逕流山峽。名之爲茱萸江。蓋水變名也。

又東北過益陽縣北。

縣有關羽瀨。所謂關侯灘也。南對甘寧故壘。昔關羽屯軍水北。孫權令魯肅甘寧拒之。於是水寧謂肅曰。羽聞吾歎唾之聲。不敢渡也。渡則成擒矣。羽夜聞寧處分曰。興霸聲也。遂不渡。茱萸江又東逕益陽縣北。又謂之資水。應劭曰。縣在益水之陽。今無益水。亦或資水之殊目矣。然此縣之左右。處處有深潭。漁者咸輕舟委浪。謠詠相和。羅君章所謂其聲綿邈者也。水南十里。有井數百口。淺者四五尺。或三五丈。深者亦不測其深。古老相傳。昔人以杖撞地。輒便成井。或云古人采金沙處。莫詳其實也。

又東與沅水合於湖中。東北入於江也。

湖卽洞庭湖也。所入之處。謂之益陽江口。

漣水出連道縣西。資水之別。

水出邵陵縣界。南逕連道縣。縣故城在湘鄉縣西六十里。控引衆流。合成一溪。東入衡陽湘鄉縣。歷石魚山下。多玄石。山高八十餘丈。廣十里。石色黑而理若雲母。開發一重。輒有魚形。鱗鬚首尾。案壻近刻作鱗宛若刻畫。長數寸。魚形備足。燒之作魚膏腥。因以名之。漣水又逕湘鄉縣。南臨漣水。本屬零陵。長沙定

王子昌邑

案昌受封於建平四年。去定王已遠。漢書但云長沙王子。此定字。或後人誤加。

漣水又屈逕其縣東而入湘南縣也。

東北過湘南縣南。又東北至臨湘縣西南。東入於湘。

漣水自湘南縣東流。至衡陽湘西縣界。入於澗水也。於臨湘縣爲西南者矣。

湘水出零陵始安縣陽海山。

卽陽朔山也。應劭曰。湘出零山。

案零下。近刻衍陵字。

蓋山之殊名也。山在始安縣北縣。故零陵之南部也。魏咸熙

二年。孫皓之甘露元年。立始安郡。湘灘同源。分爲二水。南爲灘水。北則湘川。東北流。羅君章湘中記曰。

湘水之出於陽朔。則觴爲之舟。至洞庭。日月若出入於其中也。

東北過零陵縣東。

越城嶠水。南出越城之嶠。嶠卽五嶺之西嶺也。秦置五嶺之戍。是其一焉。北至零陵縣。下注湘水。湘水

又逕零陵縣南。又東北逕觀陽縣。案近刻脫縣字。與觀水合。水出臨賀郡之謝沐縣界。西北逕觀陽縣西。縣蓋

卽水爲名也。又西北流。注於湘川。謂之觀口也。

又東北過洮陽縣東。

洮水出縣西南大山。東北逕其縣南。卽洮水。以立稱矣。漢武帝元朔五年。封長沙定王子節侯。拘爲侯

國。案節侯拘有脫誤。史記作靖侯狗彘。漢書作靖侯狩燕。

王莽更名之曰洮治也。其水東流。注於湘水。

又東北過泉陵縣西。

營水出營陽冷道縣南山。

案南下近刻衍流字。

西流逕九疑山下。蟠蒼梧之野。峯秀數郡之間。羅巖九舉。各導

一溪。岫壑負阻。異嶺同勢。遊者疑焉。故曰九疑山。大舜窆其陽。商均葬其陰。山南有舜廟。前有石碑。文

字缺失。不可復識。自廟仰山極高。直上可百餘里。古老相傳。言未有登其峯者。山之東北冷道縣界。又

有舜廟。縣南有舜碑。碑是零陵太守徐儉立。營水又西逕營道縣。馮水注之。水出臨賀郡馮乘縣東北

馮岡。其水導源馮溪。西北流。

案馮溪二字近刻訛在下句縣字下。

縣以託名焉。馮水帶約衆流。渾成一川。謂之北渚。歷縣

北。西至關下。關下地名也。是商舟改裝之始。馮水又左合萌渚之水。水南出於萌渚之嶠。五嶺之第四

嶺也。其山多錫。亦謂之錫方矣。渚水北逕馮乘縣西。而北注馮水。馮水又逕營道縣。而右會營水。營水

又西北屈。而逕營道縣西。王莽之九疑亭也。營水又東北逕營浦縣南。營陽郡治也。魏咸熙二年。吳孫

皓分零陵置。在營水之陽。故以名郡矣。營水又北。都溪水注之。水出春陵縣北二十里仰山。南逕其縣

西。縣本冷道縣之春陵鄉。蓋因春溪爲名矣。漢長沙定王分以爲縣。武帝元朔五年。封王中子買爲春

陵侯。

案近刻侯上衍節字。

縣故城東。又有一城。東西相對。各方百步。古老相傳。言漢家舊城。漢稱猶存。知是節侯

故邑也。城東角有一碑。文字缺失。不可復識。東南三十里。尙有節侯廟。都溪水又南逕新寧縣東。

案近

字。縣東傍都溪。溪水又西逕縣南。左與五溪俱會。縣有五山。山有一溪。五水會於縣門。

案縣近刻訛作谿。故曰

都溪也。都溪水自縣又西北流，逕冷道縣北，與冷水合。水南出九疑山，北流逕其縣西南，縣指冷溪，以卽名。王莽之冷陵縣也。冷水又北流，注於都溪水。又西北入於營水。營水又北流，案營近刻入營陽峽。

案入字近刻又北至觀陽縣，而出於峽。大小二峽之間，爲沿游之極艱矣。營水又西北逕泉陵縣西，漢武帝元朔五年，案近刻以封長沙定王子節侯賢之邑也。王莽名之曰溥潤。零陵郡治，故楚矣。漢武帝

元鼎六年，分桂陽置太史公曰：舜葬九疑，實惟零陵。案此下近刻有或作郡取名焉。王莽之九疑郡也。

下邳陳球爲零陵太守，桂陽賊胡蘭攻零陵，激流灌城，球輒於內地勢反決水淹賊，相拒不能下。縣

有白土鄉。零陵先賢傳曰：鄭產，字景載，泉陵人也。爲白土嗇夫，漢末多事，國用不足，產子一歲，輒出口

錢，民多不舉子，產乃勅民勿得殺子，口錢當自代出，產言其郡縣爲表上言，錢得除，更名白土爲更生

鄉也。晉書地道記曰：案記近刻縣有香茅，氣甚芬香，言貢之以縮酒也。營水又北流，注於湘水。湘水又

東北與應水合。水出邵陵縣，歷山崖，墮險阻，峻嶒萬尋，澄源湛於下。應水湧於上，東南流，逕應陽縣南。

晉分觀陽縣立，蓋卽應水爲名也。應水又東南流，逕有鼻墟南。王隱曰：應陽縣，本泉陵之北部。案陵近

刻訛作陽。東五里有鼻墟，言象所封也。山下有象廟，言甚有靈，能興雲雨。余所聞也。聖人之神曰靈，賢人之精

氣爲鬼，象生不慧，死靈何寄乎。應水又東南流，而注於湘水。湘水又東北得沅口，水出永昌縣北羅山。

東南流，逕石燕山。東其山有石，紺而狀燕，因以名山。其石或大或小，若母子焉。及其雷風相薄，則石燕

東南流，逕石燕山。東其山有石，紺而狀燕，因以名山。其石或大或小，若母子焉。及其雷風相薄，則石燕

羣飛。頡頏如真燕矣。羅君章云：今燕不必復飛也。其水又東南逕永昌縣南，又東流注於湘水。又東北逕祁陽縣南，又有餘溪水注之。水出西北邵陵郡邵陵縣東南流，注於湘。其水案此下近刻衍濁字揚清汎濁，水色兩分。湘水又北與宜溪水合。水出湘東郡之新寧縣西南，新平故縣東。新寧故新平也。衆川瀉浪，共成一津。西北流，東岸山下有龍穴。宜水逕其下。天旱則擁水注之，便有雨降。宜水又西北注於湘。湘水又西北得春水口。水上承營陽春陵縣西北潭山，又北逕新寧縣東，又西北流，注於湘水也。

又東北過重安縣東，又東北過鄆縣西，承水從東南來注之。

承水出衡陽重安縣西，邵陵縣界邪蓋山，東北流，至重安縣，逕舜廟下。廟在承水之陰。又東合略塘。相傳云：此塘中有銅神，今猶時聞銅聲於水。水輒變綠，作銅腥。魚爲之死。承水又東北逕重安縣南，漢長沙頃王子度邑也。案度近刻故零陵之鍾武縣。王莽更名曰鍾桓也。武水入焉。水出鍾武縣西南表山。

東流至鍾武縣故城南，而東北流，至重安縣，注於承水。至湘東臨承縣北，東注於湘，謂之承口。臨承，卽故鄆縣也。縣卽湘東郡治也。郡舊治在湘水東，故以名郡。魏正元二年，吳主孫亮分長沙東部立縣，有石鼓，高六尺。湘水所逕，鼓鳴則土有兵革之事。羅君章云：扣之聲聞數十里。此鼓今無復聲。觀陽縣東有裴巖，其下有石鼓，形如覆船，扣之清響，遠徹其類也。湘水又北。案近刻訛歷印石。石在衡山縣南，湘水右側。案近刻訛作衡水盤石，或大或小。臨水。案此下近刻衍而字石悉有跡，其方如印，纍然行列，無文字。如此。

可二里許。因名爲印石也。湘水又北逕衡山縣東。山在西南。有三峯。一名紫蓋。一名石困。案近刻脫此四字。一

名芙蓉。案容近刻脫作峯。芙蓉峯最爲竦傑。案近刻脫美字。自遠望之。蒼蒼隱天。故羅含云。望若陣雲。非清霽素朝。不

見其峯。丹水湧其左。澧泉流其右。山經謂之响屨。案此下近刻衍山字。爲南嶽也。山下有舜廟。南有祝融冢。楚靈

王之世。山崩。毀其墳。得營丘九頭圖。禹治洪水。案近刻脫禹字。血馬祭山。得金簡玉字之書。芙蓉峯之東。有仙

人石室。學者經過。往往聞諷誦之音矣。衡山東南二面臨映。湘川自長沙至此。江湖七百里中。有九向

九背。案近刻脫九向二字。故漁者歌曰。帆隨湘轉。望衡九面。山上有飛泉下注。下映青林。直注山下。望之若幅練

在山矣。湘水又東北逕湘南縣東。又歷湘西縣南。分湘南置也。衡陽郡治。魏甘露二年。案甘露近刻脫作正元。吳

孫亮分長沙西部立治。晉湘南太守何承天。案近刻脫晉字。徙治湘西矣。案治近刻脫作郡。十三州志曰。日華水出桂

陽郴縣。日華山。案近刻脫日字。西至湘南縣入湘。地理志曰。郴縣有耒水。出耒山西。至湘南西入湘。湘水又北

逕麓山東。其山東臨湘川。西旁原隰。息心之士。多所萃焉。

又東北過陰山縣西。泚水從東南來注之。又北過醴陵縣西。漉水從東南來注之。案近刻脫南來二字。

續漢書五行志曰。建安八年。長沙醴陵縣有大山。常鳴如牛响聲。積數年後。豫章賊攻沒縣亭。殺掠吏

民。因以爲候。湘水又北逕建寧縣。案此下原本及近刻有而旁湘水縣北六字。係訛舛衍文。歸有光本所無。今刪去。有空冷峽。驚浪雷奔。濬同

三峽。湘水又北逕建寧縣故城下。晉太始中立。

又北過臨湘縣西。瀏水從縣西北流。案注下近刻有之字。

縣南有石潭山。湘水逕其西。山有石室石牀。臨對清流。湘水又北逕昭山西。案近刻脫湘字。山下有旋泉。深不

可測。故言昭潭無底也。亦謂之曰湘州潭。湘水又北逕南津城西。西對橘洲。或作吉字。案此四字亦注內之小注。爲

南津洲尾。水西有橘洲子戍。故郭尙存。湘水又北。左會瓦官水口。湘浦也。又逕船官西。湘洲商舟之所

次也。北對長沙郡。郡在水東州城南。舊治在城中。後乃移此。湘水左逕麓山東。上有故城。山北有白露

水口。湘浦也。又右逕臨湘縣故城西。縣治湘水濱。臨川側。故卽名焉。王莽改號撫陸。故楚南境之地也。

案近刻脫楚字。秦滅楚。立長沙郡。卽青陽之地也。秦始皇二十六年。令曰。案近刻脫此二字。荆王獻青陽以西。漢書鄒

陽傳曰。越水長沙。還舟青陽。注張晏曰。青陽地名也。蘇林曰。青陽長沙縣也。漢高祖五年。以封吳芮爲

長沙王。是城卽芮築也。漢景帝二年。封唐姬子發爲王。都此。王莽之鎮蠻郡也。於禹貢則荊州之域。晉

懷帝以永嘉元年。分荊州湘中諸郡。立湘州治。此城之內。郡廨西有陶侃廟。案近刻脫有字。云舊是賈誼宅。地

中有一井。是誼所鑿。極小而深。上斂下大。其狀似壺。傍有一腳石牀。纔容一人坐形。流俗相承云。誼宿

所坐牀。又有大柑樹。亦云誼所植也。城之西北有故市。北對臨湘縣之新治縣治。西北有北津城。縣北

有吳芮冢。廣踰六十八丈。登臨寫目。爲塵郭之佳憩也。郭頒世語云。魏黃初末。吳人發芮冢。取木於縣。

立孫堅廟。見芮尸容貌衣服。並如故。吳平後。與發冢人於壽春。見南蠻校尉吳綱曰。君形貌何類長沙。

王吳芮乎。但君微短耳。綱瞿然曰。是先祖也。自芮卒至冢發四百年。至見綱。又四十餘年矣。湘水左合。誓口。又北得石榔口。並湘浦也。右合麻溪水口。湘浦也。湘水又北。逕三石山東。山枕側。湘川北。卽三石水口也。湘浦矣。案近刻脫矣字。水北有三石戍。戍城爲二水之會也。湘水又逕瀏口。戍西北對瀏水。

又北。澧水從西南來注之。

澧水出益陽縣馬頭山。東逕新陽縣南。晉太康元年。改曰新康矣。澧水又東入臨湘縣。歷澧口。戍。東南

注湘水。湘水又北合斷口。又北則下營口。湘浦也。湘水之左岸有高口。水出益陽縣西北。逕高口。戍。南

又西北。上鼻水自鼻洲上口。受湘西入焉。謂之上鼻浦。高水西北與下鼻浦合。案西近刻訛作南。水自鼻洲下

口。首受湘川。西通高水。謂之下鼻口。高水又西北。右屈爲陵子潭。東北流注湘。爲陵子口。湘水自高口

戍。東又北。右會鼻洲。左合上鼻口。又北。右對下鼻口。又北得陵子口。湘水右岸。銅官浦出焉。湘水又北

逕銅官山。西臨湘水。山土紫色。內含雲母。故亦謂之雲母山也。

又北過羅縣西。澗水從東來流注。案注下近刻有之字。

湘水又北。逕錫口。戍。東又北。左派。謂之錫水。西北流。逕錫口。戍。北又西北流。屈而東北。注玉水焉。水出

西北。玉池。東南流。注於錫浦。謂之玉池口。錫水又東北。東湖水注之。水上承玉池之東湖也。南注於錫

案注近刻訛作流。謂之三陽涇。案近刻作逕。下門涇。三津涇。荀導涇。並同。水南有三戍。又東北注於湘。湘水自錫口北出。又得望屯



浦。湘浦也。湘水又北。枝津北出。案近刻脫出字謂之門涇也。湘水紆流西北。東北合門水。謂之門涇口。又北得

三溪水口。水東承大湖。案大近刻脫作太下同西通湘浦。三水之會。故得三溪之目耳。又北。東會大對水口。西接

三津涇。湘水又北。逕黃陵亭西。右合黃陵水口。案右近刻脫作又其水上承大湖。湖水西流。逕二妃廟南。世謂

之黃陵廟也。言大舜之陟方也。二妃從征。溺於湘江。神遊洞庭之淵。出入瀟湘之浦。瀟者。水清深也。湘

中記曰。湘川清照五六丈下。見底石如擣菹矢。案近刻脫作如擣菹矣五色鮮明。白沙如霜雪。赤崖若朝霞。是納

瀟湘之名矣。故民爲立祠於水側焉。荊州牧劉表刊石立碑。樹之於廟。以旌不朽之傳矣。黃水又西流。

入於湘。謂之黃陵口。昔王子中有異才。案少近刻脫作山年二十而得惡夢。作夢賦。二十一溺死於湘浦。卽斯

川矣。湘水又北。逕白沙戍西。又北。右會東町口。澗水也。湘水又左合泱湖口。水出西陂。東通湘渚。湘水

又北。汨水注之。水東出豫章艾縣桓山西南。逕吳昌縣北。與純水合。水源出其縣東南純山。西北流。又

東。逕其縣南。又北。逕其縣故城下。縣是吳主孫權立。純水又右會汨水。汨水又西。逕羅縣北。本羅子國

也。故在襄陽宜城縣西。楚文王移之於此。秦立長沙郡。案立字近刻脫在長沙下因以爲縣。水亦謂之羅水。案縣近刻脫作

郡脫水亦二字汨水又西。逕玉笥山。羅含湘中記云。屈潭之左。有玉笥山。道士遺言此福地也。一曰地腳山。汨

水又西。爲屈潭。卽汨羅淵也。案近刻脫汨字屈原懷沙自沈於此。故淵潭以屈爲名。昔賈誼史遷皆嘗逕此。弭

楫江波。投弔於淵。淵北有屈原廟。廟前有碑。又有漢南太守程堅碑。寄在原廟。汨水又西。逕汨羅戍南。

西流注於湘。春秋之羅汭矣。世謂之汨羅口。案近刻脫之字。湘水又北。枝分北出。逕汨羅戍。西又北。逕磊石山。

案磊石山。近刻作壘。下同。又北。逕磊石戍。西謂之苟導涇矣。而北合湘水。湘水自汨羅口。案近刻脫湘水二字。及羅字。西北逕磊

石山西。而北對青草湖。亦或謂之爲青草山也。西對懸城口。湘水又北。得九口。並湘浦也。湘水又東北

爲青草湖口。右會苟導涇北口。案近刻脫導字。與勞口合。又北。得同拌口。皆湘浦右池者也。

又北。過下雋縣。西微水從東來流注。案注下近刻有之字。

湘水左會清水口。案近刻脫水字。資水也。世謂之益陽江。湘水之左。案近刻無之字。逕鹿角山東。右逕謹亭戍。西又

北。合查浦。又北。得萬石浦。案近刻脫石字。咸湘浦也。側湘浦北。有萬石戍。湘水左。則沅水注之。謂之橫房口。東

對微湖。世或謂之麋湖也。案湖下近刻衍口字。右屬微水。卽經所謂微水經下雋者也。西流注於江。謂之麋湖口。

湘水又北。案近刻脫水字。逕金浦戍。北帶金浦水。湖澁也。湘水左。則澧水注之。世謂之武陵江。凡此四水。同

注洞庭。北會大江。案近刻重一北字。名之五渚。戰國策曰。秦與荆戰。大破之。取洞庭五渚者也。案近刻脫渚字。湖水廣

圓五百餘里。日月若出沒於其中。山海經云。洞庭之山。帝之二女居焉。沅澧之風。交瀟湘之浦。案近刻脫瀟字。

出入多飄風暴雨。湖中有君山。編山。君山有石穴。潛通吳之包山。郭景純所謂巴陵地道者也。是山。湘

君之所遊處。故曰君山矣。昔秦始皇遭風於此。而問其故。博士曰。湘君出入則多風。秦王乃赭其山。漢

武帝亦登之。射蛟於是。山東北對編山。山多籊竹。兩山相次。去數十里。迴峙相望。孤影若浮。湖之右岸

有山世謂之笛鳥頭石石北右會翁湖口水上承翁湖左合洞浦所謂三苗之國左洞庭者也。又北至巴丘山入於江。

山在湘水右岸山有巴陵故城本吳之巴丘邱闕城也晉太康元年立巴陵縣於此後置建昌郡宋元嘉十六年立巴陵郡城跨岡嶺濱阻三江巴陵西對長洲其洲南分湘浦案分近北屆大江案屆近故曰三江也三水所會亦或謂之三江口矣夾山列關謂之射獵又北對養口咸湘浦也水色青異東北入於大江有清濁之別謂之江會也。

灘水亦出陽海山。

灘水與湘水出一山而分源也湘灘之間陸地廣百餘步謂之始安嶠嶠卽越城嶠也嶠水自嶠之陽南流注灘名曰始安水故庾仲初之賦揚都云判五嶺而分流者也灘水又南與瀉水合水出西北邵陵縣界而東南流至零陵縣西南逕越城西建安十六年交州刺史賴恭自廣信合兵小零陵越城迎步騭卽是地也瀉水又東南流注於灘水漢書所謂出零陵下灘水者也灘水又南合彈丸溪水出於彈丸山有湧泉奔流衝激山嶼及溪中案嶼近有石若丸自然珠圓狀彈丸矣故山水卽名焉驗其山有石竇下深數丈洞穴深遠莫究其極案近刻脫溪本東流注於灘水灘水又南逕始興縣東魏元帝咸熙二年案文帝近刻吳孫皓分零陵南部立始興縣灘水又南右會洛溪溪水出永豐縣西北洛

溪山東流逕其縣北。縣本蒼梧之北鄉。孫皓割以爲縣。洛溪水又東南逕始安縣。而東注澗水。澗水又

東南流入熙平縣。逕羊澗山。山臨澗水。案近刻脫澗字。石間有色類羊。又東南逕雞澗山。山帶澗水。石色狀雞。

案石上近刻衍山字。故二山以物象受名矣。澗水又南得熙平水口。水源出縣東龍山。西南流逕其縣南。又西與

北鄉溪水合。水出縣東北北鄉山。西流逕其縣北。又西流南轉。逕其縣西。縣本始安之扶鄉也。孫皓割

以爲縣。溪水又南注熙平水。案近刻脫水字。熙平水又西注於澗水。縣南有朝夕塘。水出東山西南。有水。案有近刻

塘。訛作從山下注塘。一日再增再減。盈縮以時。未嘗愆期。同於潮水。因名此塘。案近刻訛作潭。爲朝夕塘矣。澗水

又西逕平樂縣界。左合平樂溪。口水出臨賀郡之謝沐縣南。歷山西北流。逕謝沐縣西南。西南流。至平

樂縣東南。左會謝沐衆溪。派流湊合。西逕平樂南。孫皓割蒼梧之境。立以爲縣。北隸始安。溪水又西南

流。注於澗水。謂之平樂水。案近刻脫樂字。

### 南過蒼梧荔浦縣

澗水出縣西北魯山之東。逕其縣西。與濡水合。水出永豐縣西北濡山。東南逕其縣西。又東南流。入荔

浦縣。案入下近刻有於字。注於澗溪。又注於澗水。澗水之上。案近刻脫澗水二字。有關。案近刻訛作澗水關。澗水又南。左合靈溪水

口水出臨賀富川縣北符靈岡。南流逕其縣東。又南注於澗水也。

又南至廣信縣。入於鬱水。

溱水出桂陽臨武縣南繞城西北屈東流。

溱水導源縣西南北流逕縣西而北與武溪合。山海經曰：肄水出臨武西南。案肄近刻訛而東南注於

海。案近刻脫而入番禺西肄水蓋溱水之別名也。武溪水出臨武縣西北桐柏山東南流右合溱水亂

流東南逕臨武縣西謂之武溪縣側臨溪東因曰臨武縣王莽更名大武也溪又東南流左會黃岑溪

水。案岑近刻訛水出郴縣黃岑山西南流右合武溪水武溪水又南入重山。案重近刻山名藍豪廣圓

五百里悉曲江縣界崖峻險阻。案近刻訛作巖嶺于天交柯雲蔚蠶天晦景謂之瀧中懸湍迴注崩浪

震山名之瀧水。

東至曲江縣安甬邑東屈西南流。

瀧水又南出峽謂之瀧口西岸有任將軍城南海都尉任囂所築也囂死尉佗自龍川始居之東岸有

任將軍廟瀧水又南合冷水冷水東出冷君山山羣峯之孤秀也晉太元十八年崩十餘丈。案十近刻

於是懸澗瀑挂傾流注壑頽波所入灌於瀧水瀧水又右合林水林水出縣東北洄山王歆之始興記

曰。案近刻林水源裏有石室。案近刻室前磐石上行羅十盞。案行近刻中悉是餅銀采伐遇之不得取

取必迷悶晉太元初民封驅之家僕密竊三餅歸發看有大蛇螫之而死湘州記曰其夜驅之夢神語

曰君奴不謹盜銀三餅即日顯戮以銀相償覺視則奴死銀在矣。案僕近刻訛林水自源西注於瀧水

案注近刻  
訛作流

又與雲水合。水出縣北湯泉。泉源沸湧。浩氣雲浮。以腥物投之。俄傾卽熱。案近刻  
訛作熱其中時有

細赤魚游之。不爲灼也。西北合瀧水。又有藉水。上承滄海水。有島嶼焉。其水吐納衆流。西北注於瀧水。

瀧水又南。歷靈鷲山。山本名虎郡山。亦曰虎市山。以虎多暴故也。晉義熙中。沙門釋僧律。葺宇巖阿。猛

虎遠跡。蓋律仁感所致。因改曰靈鷲山。瀧水又南。逕曲江縣東。云縣昔號曲紅。案近刻訛作又  
言縣皆號曲江曲紅山

名也。案近刻  
脫紅字東連岡是矣。瀧中有碑文曰。按地理志。曲江舊縣也。王莽以爲除虜。始興郡治。魏文帝咸

熙二年。孫皓分桂陽南部立縣。東傍瀧溪。號曰北瀧水。水左卽東溪口也。水出始興東江州南康縣界

石閭山。西流而與連水合。水出南康縣涼熱山。連溪山卽大庾嶺也。五嶺之最東矣。故曰東嶠山。斯則

改裝之次。其下船路。名漣溪。漣水南流。注於東溪。謂之漣口。案近刻  
脫口字庾仲初謂之大庾嶠水也。東溪亦

名東江。又曰始興水。又西邪階水注之。水出縣東南邪階山。水有別源。曰巢頭。重嶺衿瀧。湍奔相屬。祖

源雙注。合爲一川。水側有鼻天子城。鼻天子所未聞也。邪階水又西北注於東江。江水又西。逕始興縣

南。又西入曲江縣。邸水注之。水出浮岳山。山躡一處。則百餘步。動若在水也。因名浮岳山。南流注於東

江。東江又西。與利水合。水出縣之韶石北山。南流逕韶石下。其高百仞。廣圓五里。兩石對峙。相去一里。

小大略均。似雙闕。名曰韶石。古老言昔有二仙。分而憩之。自爾年豐。彌歷一紀。利水又南。逕靈石下。靈

石一名逃石。高三十丈。廣圓五百丈。耆舊傳言石本桂林武城縣。案林近刻  
訛作陽因夜迅雷之變。忽然遷此。

彼人來見歎曰石乃逃來因名逃石以其有靈運徙又曰靈石其傑處臨江壁立霞駁有若續焉水石驚瀨傳響不絕商舟淹留聆翫不已利水南注東江東江又西注於北江謂之東江口漆水自此有始與大庾之名案庾近刻而南入滇陽縣也

過滇陽縣出涯浦關案涯原本及近刻並訛作淮今改正漢書中宿縣有涯浦關與桂水合

漆水南逕滇陽縣西舊漢縣也案漢近刻訛作益王莽之棊武矣案棊近刻作基縣東有滇石山廣圓三十里挺崿大

江之北盤址長川之際其陽有石室漁叟所憩昔欲於山北開達郡之路輒有大蛇斷道不果是以今

行者必於石室前汎舟而濟也漆水又西南歷臯口太尉二山之間是曰滇陽峽兩岸傑秀壁立虧天

昔嘗鑿石架閣令兩岸相接以拒徐道覆漆水出峽左則滇水注之水出南海龍川縣西逕滇陽縣南

右注漆水故應劭曰滇水西入漆是也漆水又西南涯水入焉案涯近刻訛作淮山海經所謂湟水出桂陽西

北山東南注肄入敦浦西者也案湟近刻訛作湟肄訛作肆敦訛作敦又脫山字湟今山海經作潢漆水又西南逕中宿縣會一里水其

處隘名之爲觀岐連山交枕絕崖壁竦下有神廟背阿面流壇宇虛肅廟渚攢石巉巖亂峙中川時水

洊至鼓怒沸騰流水淪沒必無出者世人以爲河伯下材晉中朝時縣人有使者至洛事訖將還忽有

一人寄其書云吾家在觀岐前案近刻脫岐字石間懸藤卽其處也但叩藤自當有人取之使者謹依其言果

有二人出外取書并延入水府衣不霑濡言此似不近情然造化之中無所不有穆滿西遊與河宗論

寶以此推之。亦爲類矣。漆水又西南。逕中宿縣南。吳孫皓分四會之北鄉立焉。  
南入於海。

漆水又南注於鬱。而入於海。

卷三十九

涇水 深水 鍾水 耒水 洙水 澗水 潁水 潁水 贛水 廬江水

涇水出桂陽縣廬聚。案涇近刻訛作匯下同。

水出桂陽縣西北上驛山廬溪。爲廬溪水。東南流。逕桂陽縣故城。謂之涇水。地理志曰。涇水出桂陽南。

至四會也。案涇今漢書桂陽下訛作匯。惟含涇不誤。師古曰。涇音匡。會是八字。即上文訛衍重出。嶠水注之水。

出都嶠之溪。案近刻脫嶠水注之。水出都七字。溪水下流。歷峽南出。是峽謂之貞女峽。峽西岸高巖。名貞女山。山下際。

有石如人形。高七尺。狀如女子。故名貞女峽。古來相傳。有數女取螺於此。遇風雨晝晦。忽化爲石。斯誠。

巨異。難以聞信。但啓生石中。摯呱空桑。抑斯類矣。物之變化。寧以理求乎。溪水又合涇水。涇水又東南。

入陽山縣。右合漣口。水源出縣西北百一十里石塘村。東南流。案東南近刻訛作村之。水側有豫章木。本徑可二。

丈。案徑近刻訛作逕。其株根猶存。伐之積載。而斧跡若新。羽族飛翔不息。其旁衆枝。飛散遠集。鄉亦不測所如。



惟見一枝獨在含涇水矣。

案衆枝飛散已下并誤未詳

漣水東南流注於涇。涇水又東南流而右與斟水合。

案右近刻訛作

又水導源近出東巖下。穴口若井。一日之中十溢十竭。信若潮流。而注涇水。涇水又南逕陽山縣故城。

西案近刻脫陽山二字

耆舊傳曰。往昔縣長臨縣。輒遷擢超級大史。逕觀言勢使然。

案勢近刻訛作擊

掘斷連岡。流血成

川。城因傾陲。遂卽傾敗。闕下大鼓。飛上臨武。乃之桂陽。追號聖鼓。自陽山達乎桂陽之武步驛。所至循

聖鼓道也。其道如塹。迄於鼓城矣。涇水又逕陽山縣南。縣故含涇縣之桃鄉。孫皓分立爲縣也。涇水又

東南流也。

### 東南過含涇縣

應劭曰。涇水東北入沅。瓊注漢書。沅在武陵。去涇遠。又隔湘水。不得入沅。涇水東南。左合翁水。水出東

北利山湖。湖水廣圓五里。潔踰凡水。西南流注於涇。謂之翁水。口口已下東岸。有聖鼓杖。

案近刻訛作杖下同。卽

陽山之鼓杖也。橫在川側。雖衝波所激。未嘗移動。百鳥翔鳴。莫有萃者。船人上下。以篙撞者。

案篙撞近刻訛作蒿

種。輒有瘡疾。涇水又東南。左合陶水。水東出堯山。

案近刻脫水字

山盤紆數百里。有赭岳迭起。冠以青林。與雲

霞亂采。山上有白石英。山下有平陵。有大堂基。耆舊云。堯行宮所。陶水西逕縣北。右注涇水。涇水又逕

含涇縣西。王歆始興記曰。縣有白鹿城。城南有白鹿岡。咸康中。郡民張魴爲縣。有善政。白鹿來游。故城

及岡。並卽名焉。

南出涯浦關爲桂水。案此與鍾水注內之桂水同名而南北異流。

關在中宿縣。涯水出關右。合漆水。謂之涯口。山海經謂之湟水。徐廣曰。湟水一名涯水。出桂陽。通四會。亦曰灌水也。漢武帝元鼎元年。路博德爲伏波將軍。征南越。出桂陽。下湟水。卽此水矣。桂水其別名也。深水出桂陽盧聚。

呂忱曰。深水一名邃水。導源盧溪。西入營水。亂流營波。同注湘津。許慎云。深水出桂陽南平縣也。經書

桂陽者。縣本隸桂陽郡。案縣下近刻有也字。後割屬始興縣。有盧溪。盧聚山在南平縣之南。九疑山東也。

西北過零陵營道縣南。又西北過營浦縣南。又西北過泉陵縣西北七里。至燕室邪入於湘。

水上有燕室丘。亦因爲聚名也。其下水深不測。號曰龍淵。案淵近刻作泉。

鍾水出桂陽南平縣都山。案都近刻訛作部。下同。北過其縣東。又東北過宋渚亭。又北過鍾亭。與灌水合。

都山卽都龐之嶠。案都龐近刻訛作部。龍又嶠下有也字。五嶺之第三嶺也。鍾水卽嶠水也。庾仲初曰。嶠水南入始興漆

水。注於海。北入桂陽湘水。注於江是也。案南入漆注海者。涇水北入湘注江。灌注下。統稱嶠水。近刻漆訛作灌。灌水卽桂水也。案灌近刻

同。灌桂聲相近。故字隨讀變。經仍其非矣。桂水出桂陽縣北界山。山壁高聳。三面特峻。石泉懸注。瀑布

而下。北逕南平縣。而東北流。屆鍾亭。右會鍾水。通爲桂水也。故應劭曰。桂水出桂陽。東北入湘。

又北過魏寧縣之東。

魏寧故陽安也。晉太康元年改曰晉寧縣。在桂陽郡東百二十里。縣南西二面阻帶清溪。桂水無出縣東理。蓋縣邑流移。今古不同故也。

又北入於湘。案此五字近刻與上經文連接。又下有東字。

耒水出桂陽郴縣南山。

耒水發源出汝城縣東烏龍白騎山。西北流。逕其縣北。西流三十里。中有十四瀨。各數百步。澹流奔急。竹節相次。亦爲行旅滄涉之艱難也。又西北逕晉寧縣北。又西左合清溪水口。水出縣東黃皮山。西南流。歷縣南。又西北注於耒水。汝城縣在郡東三百餘里。案近刻脫城字。餘里訛作里餘。山又在縣東。耒水無出南山理也。

又北過其縣之西。

縣有淥水。出縣東俠公山。案俠近刻訛作侯。西北流。而南屈注於耒。謂之程鄉溪。郡置酒官。醞於山下。名曰程

酒。獻同鄴也。耒水又西。黃水注之。水出縣西黃岑山。山則騎田之嶠。五嶺之第二嶺也。黃水東北流。按

盛弘之云。衆山水出注於大溪。號曰橫流溪。溪水甚小。冬夏不乾。俗亦謂之爲貪泉。飲者輒冒於財賄。

同於廣州石門貪流矣。廉介爲二千石。則不飲之。昔吳隱之挹而不亂。案近刻訛作辭。貪豈謂能渝其貞乎。案近

刻渝訛作汙。貞訛作眞。蓋亦惡其名也。劉澄之謂爲一涯溪。通四會。殊爲孟浪而不悉也。庾仲初云。嶠水南入始

興。溱水注海。卽黃岑水入武溪者也。北水入桂陽湘水注於大江。卽是水也。右側千秋水注之。案右側

作又側。水出西南萬歲山。山有石室。室中有鍾乳。山上悉生靈壽木。溪下卽千秋水也。水側民居號萬歲

村。其水下合黃水。黃水又東北逕其縣東。右合除泉水。水出縣南湘陂村。村有圓水。廣圓可二百步。一

邊暖。一邊冷。冷處極清綠。淺則見石。深則見底。暖處水白且濁。玄素既殊。涼暖亦異。厥名除泉。其猶江

乘之半湯泉也。水盛則瀉黃溪。水耗則津徑輟流。郴舊縣也。桂陽郡治也。漢高帝二年。分長沙置地理

志曰。桂水所出。因以名也。王莽更名南平。縣曰宣風。項羽遷義帝所築也。縣南有義帝冢。內有石虎。案

近刻作白。因呼爲白虎郡。東觀漢記曰。茨充字子河。爲桂陽太守。民情嬾少。麤履。案麤近刻足多剖裂。茨

教作履。今江南知織履。皆充之教也。黃溪東有馬嶺山。高六百餘丈。廣圓四十許里。漢末有郡民蘇耽。

栖遊此山。桂陽列仙傳云。耽。郴縣人。少孤。養母至孝。言語虛無。時人謂之癡。常與衆兒共牧牛。更直爲

帥。錄牛無散。每至耽爲帥。牛輒徘徊左右。不逐自還。衆兒曰。汝直牛何道不走耶。耽曰。非汝曹所知。卽

面辭母云。受性應仙。當違供養。涕泗又說。案近刻年將大疫。死者略半。穿一井飲水。案一近刻可得無

恙。如有哭聲甚哀。後見耽乘白馬。還此山中。百姓爲立壇祠。民安歲登。民因名爲馬嶺山。黃水又北

流。注於耒水。謂之榔口。耒水又西逕華山之陰。亦曰華石山。孤峯特聳。枕帶雙流。東則黃溪耒水之交

會也。耒水東流沿注。不得北過其縣西也。兩岸連山。石泉懸溜。行者輒徘徊留念。情不極已也。

又北過便縣之西。

縣故惠帝封長沙王子吳淺爲侯國。王莽之便屏也。縣界有溫泉。水在郴縣之西北。左右有田數千疇。案千近刻作十。資之以溉。常以十二月下種。明年三月穀熟。度此水冷不能生苗。溫水所溉。年可三登。其餘波散流入於耒水也。

又西北過耒陽縣之東。

耒陽舊縣也。蓋因水以制名。王莽更名南平亭。東傍耒水。水東肥南。有郡故城。縣有溪水。案溪近刻訛作漢。東

出侯計山。其水清澈。冬溫夏冷。西流謂之肥川。川之北有盧塘。案有近刻訛作石。塘池八頃。其深不測。有大魚

常至五月。輒一奮躍。水湧數丈。波襄四陸。細魚奔迸。隨水登岸。不可勝計。又云大魚將欲鼓作。諸魚皆

浮聚水側。注案此三字有脫誤。西北逕蔡洲。洲西卽蔡倫故宅。傍有蔡子池。倫漢黃門。案此下近刻衍耶字。順帝之世。擣

故魚網爲紙。用代簡素。自其始也。

又北過鄴縣東。

縣有鄴湖。湖中有洲。洲上民居。彼人資以給釀酒。甚醇美。謂之鄴酒。歲常貢之。湖邊尙有鄴縣故治。西

北去臨承縣十五里。案西北上近刻有此字。從省隸。案宋太元二十年省鄴縣入臨承。此三字上當有脫文。十三州志曰。大別水南出耒陽

縣太山。北至鄴縣入湖也。

北入於湘。

耒水西北至臨承縣，而右注湘水，謂之耒口也。

涑水出茶陵縣上鄉，西北過其縣西。

水出江州安成郡廣興縣太平山。案成近刻，訛作城。西北流，逕茶陵縣之南。漢武帝元朔四年，封長沙定王子

節侯訢之邑也。王莽更名聲鄉矣。涑水又屈而過其縣西北流注也。地理志謂之泥水者也。

又西北過攸縣南。

攸水出東南安成郡安復縣，封侯山，西北流，逕其縣北。縣北帶攸溪，蓋卽溪以名縣也。漢武帝元朔四年，封長沙定王子則爲攸輿侯，卽地理志所謂攸縣者也。攸水又西南流入茶陵縣，入於涑水也。

又西北過陰山縣南。

縣本陽山縣也。縣東北猶有陽山故城，卽長沙孝王子宗之邑也。言其勢王，故塹山堙谷，改曰陰山縣。縣上有容水，自侯曇山下注涑水，謂之容口。水有大穴，容一百石，水出於此，因以名焉。涑水又西北逕其縣東，又西逕歷口縣，有歷水。案此十八字近刻，訛在容口下。下注涑，謂之歷口。涑水又西北與洋湖水會，水出縣西北樂藪岡，下洋湖，湖去岡七里。湖水下注涑，謂之洋湖口。涑水東北有峨山縣，東北又有武陽龍尾山，並仙者羽化之處。上有仙人及龍馬跡，於其處得遺詠，雖神栖白雲，屬想芳流，藉念泉鄉，遺詠在茲。案詠

近刻訛 覽其餘誦。依然息遠。匪直逸想霞蹤。愛其文詠可念。故端牘抽札以詮其詠。其略曰。登武陽觀。樂藪峨嶺千蕤。洋湖口命蜚螭。駕白駒。臨天水。心踟躕。千載後。不知如。蓋勝賞神鄉。秀情超拔矣。

又西北入於湘。

澧水出醴陵縣東漉山。西過其縣南。

醴陵縣高后四年。封長沙相侯。越爲國。縣南臨淥水。水東出安城鄉翁陵山。余謂漉淥聲相近。案近刻脫聲字。

後人藉便以淥爲稱。雖翁陵名異。而卽麓是同。

屈從縣西北流。至漉浦。注入於湘。

瀏水出臨湘縣東南。瀏陽縣西北。過其縣東北。與澆水合。案澆水近刻作澆溪水。

瀏水出縣東江州豫章縣首稗山。導源西北流。逕其縣南。縣憑溪以卽名也。又西北注於臨湘縣也。

西入於湘。

澗水出豫章艾縣。

春秋左氏傳曰。吳公子慶忌。諫夫差不納。居於艾是也。王莽更名治翰。

西過長沙羅縣西。

羅子自枝江徙此。世猶謂之爲羅侯城也。案近刻脫此二字。澗水又西流。積而爲陂。謂之町湖也。

又西至累石山入於湘水。案近刻脫至字。

累石山在北亦謂之五木山。山方尖如五木狀。故俗人藉以名之。山在羅口北。澗水又在羅水南。流注於湘。謂之東町口者也。

贛水出豫章南野縣西北過贛縣東。

山海經曰。贛水出聶都山。東北流注於江。入彭澤西也。班固稱南野縣。彭水所發。東入湖漢水。庾仲初謂大庾嶠水北入豫章。注於江者也。地理志曰。豫章水出贛縣西南而北入江。蓋控引衆流。總成一川。雖稱謂有殊。言歸一水矣。故後漢郡國志曰。贛有豫章水。雷次宗云。似因此水爲其地名。雖十川均流。而此源最遠。故獨受名焉。劉澄之曰。縣東南有章水。西有貢水。縣治二水之間。二水合贛字。因以名縣焉。是爲謬也。案此四字近刻訛在四有貢水句之下。是字上又衍西字。劉氏專以字說水。而不知遠失其實矣。案其下近刻衍水字。豫章水導源東北流。逕南野縣北。贛川石阻。水急行難。傾波委注。六十餘里。又北。案近刻脫此二字。逕贛縣東。縣卽南康郡治。晉太康五年。分廬江立豫章水右會湖漢水。水出雩都縣。導源西北流。逕金雞石。其石孤竦臨川。

又西北過廬陵縣西。

廬陵縣卽王莽之桓亭也。十三州志稱廬水西出長沙安成縣。案成近刻訛作復。武帝元光六年。封長沙定王。



子劉蒼爲侯國。卽王莽之用成也。案用漢書作思。吳寶鼎中立以爲安成郡。案成近刻。東至廬陵。入湖漢水也。又東北過石陽縣西。

漢和帝永平九年分廬陵立。漢獻帝初平二年吳長沙桓王立廬陵郡治此。豫章水又逕其郡南城。中有井其水色半清半黃黃者如灰汁取作飲粥悉皆金色而甚芬香。

又東北過漢平縣南。又東北過新淦縣西。

牽水西出宜春縣。漢武帝元光六年封長沙定王子劉成爲侯國。王莽之脩曉也。案脩近刻。牽水又東

逕吳平縣。舊漢平也。晉太康元年改爲吳平矣。牽水又東逕新淦縣。卽王莽之偶亭。而注於豫章水。湖漢及贛並通稱也。又淦水出其縣下注於贛水。

又北過南昌縣西。

旴水出南城縣。案城近刻。西北流逕南昌縣南。西注贛水。又有濁水注之。水出康樂縣。故陽樂也。濁水

又東逕望蔡縣。縣因汝南上蔡民萍居此土。晉太康元年改爲望蔡縣。濁水又東逕建成縣。漢武帝元光四年封長沙定王子劉拾爲侯國。王莽更名之曰多聚也。縣出燃石。異物志曰石色黃白而理疎。以水灌之便熱。以鼎著其上炊足以熟。置之則冷。灌之則熱。如此無窮。元康中雷孔章入洛。賈石以示張公。張公曰此謂燃石。於是乃知其名。濁水又東至南昌縣。東流入於贛水。贛水又歷白社西。有徐孺子

墓。吳嘉禾中。太守長沙徐熙於墓隧種松。太守南陽謝景於墓側立碑。永安中。太守梁郡夏侯嵩於碑傍立思賢亭。松大合抱。亭世修治。至今謂之聘君亭也。贛水又北歷南塘。塘之東有孺子宅。際湖南小洲上。孺子名稱。南昌人高尚不仕。太尉黃瓊辟不就。桓帝問尚書令陳蕃。徐穉袁閔誰爲先後。蕃答稱袁生公族。不鏤自雕。至於徐穉。傑出薄域。故宜爲先。桓帝備禮徵之。不至。太原郭林宗有母憂。穉往弔之。置生芻於廬前而去。衆不知其故。林宗曰。必孺子也。詩云。生芻一束。其人如玉。吾無德以堪之。年七十二卒。贛水又逕谷鹿洲。案近刻脫 舊作大鵬處。贛水又北逕南昌縣故城西。案近

刻脫

故字。於春秋屬楚。卽令尹子蕩師於豫章者也。秦以爲廬江南部。漢高祖六年始命陳嬰以爲豫章郡。

治此。卽陳嬰所築也。

案陳嬰原本及近刻並訛作灌嬰。今改正。史記高祖功臣侯年表稱堂邑侯陳嬰定豫章。漢書同。

王莽更名縣曰宜善。郡曰九江。

焉。劉歆云。湖漢等九水入彭蠡。故言九江矣。陳蕃爲太守。署徐穉爲功曹。蕃在郡。不接賓客。惟穉來。特

設一榻。去則懸之。此卽懸榻處也。建安中。更名西安。晉又名爲豫章。城之南門曰松陽門。門內有樟樹。

高七丈五尺。大二十五圍。枝葉扶疎。垂蔭數晦。應劭漢官儀曰。豫章樟樹生庭中。案樟近刻訛作郡。故以名郡

矣。此樹嘗中枯。逮晉永嘉中。一旦更茂。豐蔚如初。咸以爲中宗之祥也。禮斗威儀曰。君政訟平。豫樟常

爲生。太興中。元皇果興大業於南。故郭景純南郊賦云。弊樟擢秀於祖邑。是也。以宣王祖爲豫章故也。

贛水北出。際西北歷度支步。是晉度支校尉立府處。步卽水渚也。贛水又逕郡北。爲津步。步有故守賈

萌廟。萌與安侯張普爭地。爲普所害。卽日靈見津渚。故民爲立廟焉。水之西岸有盤石。謂之石頭。津步之處也。西行二十里。曰散原山。疊嶂四周。杳邃有趣。晉隆安末。沙門竺曇顯建精舍於山南。僧徒自遠而至者相繼焉。西北五六里有洪井。飛流懸注。其深無底。舊說洪崖先生之井也。北五六里有風雨池。言山高瀨激。激著樹木。霏散遠灑若雨。西有鸞岡。洪崖先生乘鸞所憩泊也。岡西有鶴嶺。云王子喬控鶴所逕過也。案鶴近刻訛作鶴有二崖。號曰大蕭小蕭。言蕭史所遊萃處也。雷次宗云。此乃繫風捕影之論。據實本所未辯。聊記奇聞。以廣井魚之聽矣。又按謝莊詩。莊常遊豫章。觀井賦詩。言鸞岡四周有水。謂之鸞陂。似非虛論矣。東大湖十里二百二十六步。北與城齊。南緣迴折至南塘。本通章江。案近刻訛作水通大江增減與江水同。漢永元中。太守張躬築塘以通南路。兼遏此水。冬夏不增減。水至清深。魚甚肥美。每於夏月。江水溢塘而過。民居多被水害。至宋景平元年。太守蔡君西起堤。開塘爲水門。水盛旱則閉之。案近刻脫早內多則洩之。自是居民少患矣。贛水又東北逕王步。步側有城。云是孫奮爲齊王。鎮此城之。案此下近刻衍字。今謂之王步。蓋齊王之渚步也。郡東南二十餘里。又有一城。號曰齊王城。築道相通。蓋其離宮也。贛水又北逕南昌。左尉廡西。漢成帝時。九江梅福爲南昌尉。居此。後福一旦捨妻子。去九江。傳云得仙。贛水又北逕龍沙。西沙甚潔白。高峻而陲。有龍形。連互五里中。舊俗九月九日。升高處也。昔有人於此沙。得故冢刻。題云西去江七里半。筮言其吉。卜言其凶。而今此冢垂沒於水。所謂筮短龜長也。贛水又

逕椒丘城下。建安四年，孫策所築也。贛水又歷釣圻，邸閣下，度支校尉治。太尉陶侃移置此也。舊夏月，邸閣前洲沒，去浦遠。景平元年，校尉豫章因運出之力於渚次，聚石爲洲，長六十餘丈，洲裏可容數十舫。贛水又北逕鄒陽縣。王莽之豫章縣也。餘水注之。水東出餘汗縣。王莽名之曰治干也。餘水北至鄒陽縣。注贛水。贛水又與鄱水合。水出鄱陽縣東。西逕其縣南。武陽鄉也。地有黃金采。案金下近，刻衍可字。王莽改曰鄉亭。孫權以建安十五年，分爲鄱陽郡。鄱水又西流。注於贛。案近刻，脫鄱字。又有繚水入焉。案繚，近刻訛，其作條下同。其水導源建昌縣。漢元帝永光二年，分海昏立繚水東逕新吳縣。漢中平中立。繚水又逕海昏縣。王莽更名宜生，謂之上繚水。又謂之海昏江。分爲二水。縣東津上有亭，爲濟渡之要。其水東北逕昌邑城。案近，刻脫。而東出豫章大江，謂之慨口。昔漢昌邑王之封海昏也。每乘流東望，輒憤慨而還。世因名焉。其一水枝分別注，入於循水也。

又北過彭澤縣西。

循水出艾縣西。案循水，漢志作脩水，近刻西訛作而。東北逕豫寧縣。案豫下，近刻衍章字。故西安也。晉太康元年，更從今名。循水又東北逕永循縣。漢靈帝中平二年立。循水又東北注贛水。其水總納十川。同臻一瀆。案臻，近刻訛作漢。俱注於

彭蠡也。

北入於江。

大江南贛水總納洪流。東西四十里。清潭遠漲。案清潭上近綠波凝淨。而會注於江川。

廬江水出三天子都。北過彭澤縣西。北入於江。

山海經。三天子都。一曰天子鄩。王彪之廬山賦。敍曰。廬山。彭澤之山也。雖非五嶽之數。穹隆嵯峨。實峻

極之名山也。孫放廬山賦曰。尋陽郡南有廬山。九江之鎮也。臨彭蠡之澤。接平敞之原。案接近刻開山

圖曰。案近刻山四方。周四百餘里。疊鄩之巖。萬仞。懷靈抱異。苞諸仙迹。豫章舊志曰。廬俗。字君孝。本姓

匡。父東野王。共鄩陽令吳芮。佐漢定天下而亡。漢封俗於鄩陽。曰越廬君。俗兄弟七人。皆好道術。遂寓

精於宮亭之山。案近刻。訛作洞庭之山。故世謂之廬山。漢武帝南巡。覩山以爲神靈。封俗大明公。遠法師廬山記

曰。殷周之際。匡俗先生。受道仙人。案受近刻共遊此山。時人謂其所止爲神仙之廬。因以名山矣。又按

周景式曰。廬山。匡俗。字子孝。本東里子。出周武王時。生而神靈。屢逃徵聘。廬於此山。時人敬事之。俗後

仙化。空廬猶存。弟子覩室悲哀。哭之旦暮。事同烏號。案近刻世稱廬君。故山取號焉。斯耳傳之談。非實

證也。故豫章記以廬爲姓。因廬以氏。周氏遠師。或託廬慕爲辭。案慕近刻假憑廬以託稱。案廬近刻二

證既違。二情互爽。案二情近刻作三情。按山海經。創之大禹。案之近刻記錄遠矣。故海內東經曰。廬江出三天子

都。入江彭澤西。是曰廬江之名。山水相依。互舉殊稱。明不因匡俗始正。是好事君子。強引此類。用成章

句耳。又按張華博物志。曹著傳。其神自云。姓徐。受封廬山。後吳猛經過。山神迎猛。猛語曰。君王此山。近

六百年符命已盡。不宜久居。非據。猛又贈詩云。仰矚列仙館。俯察王神宅。曠載暢幽懷。傾蓋付三益。此乃神道之事。亦有換轉。理難詳矣。吳猛隱山得道者也。尋陽記曰。廬山上有三石梁。長數十丈。廣不盈尺。杳然無底。吳猛將弟子登山。過此梁。見一翁坐桂樹下。以玉杯承甘露漿與猛。又至一處。見數人爲猛設玉膏。猛弟子竊一寶。欲以來示世人。梁卽化如指。猛使送寶還。手牽弟子。令閉眼。相引而過。其山川明淨。風澤清曠。氣爽節和。土沃民逸。嘉遯之士。繼響窟巖。龍潛鳳采之賢。往者忘歸矣。秦始皇漢武帝。及太史公司馬遷。咸升其巖。望九江而眺鍾彭焉。廬山之北。有石門水。水出嶺端。有雙石高竦。其狀若門。因有石門之目焉。水導雙石之中。懸流飛瀑。近三百許步。下散漫十許步。上望之連天。案十許。近刻訛作千若曳飛練於霄中矣。下有磐石。可坐數十人。冠軍將軍劉敬宣。每登陟焉。其水歷澗。逕龍泉。精舍南。太原中。沙門釋慧遠所建也。其水下入江南嶺。卽彭蠡澤西。天子鄣也。峯墜險峻。人跡罕及。嶺南有大遺。順山而下。有若畫焉。傳云。匡先生所通至江道。案通。近刻訛作遊巖上有宮殿。故基者三。以次而上。最上者極於山峯。山下又有神廟。號曰宮亭廟。故彭湖亦有宮亭之稱焉。余按爾雅云。大山曰宮。宮之爲名。蓋起於此。不必一由三宮也。山廟甚神。能分風擘流。住舟遣使。行旅之人。過必敬祀。而後得去。故曹毗詠云。分風爲貳。擘流爲兩。昔吳郡太守張公直。自守徵還。道由廬山。子女觀祠。婢指女戲妃像人。其妻夜夢致聘。佈而邊發。明引中流。而船不行。合船驚懼曰。愛一女而合門受禍也。公直不忍。遂令妻下女於

江其妻布席水上以其亡兄女代之而船得進公直方知兄女怒妻曰吾何面目於當世也案近刻復脫目字復下己女於水中將渡遙見二女於岸側案遙近刻說作逕傍有一吏立曰吾廬君主簿敬君之義悉還二女故干寶書之於感應焉山東有石鏡照水之所出有一圓石懸崖明淨照見人形晨光初散案近刻說作曬則延矐入石豪細必察故名石鏡焉又有二泉常懸注若白雲帶山廬山記曰白水在黃龍南卽瀑布也水出山腹挂流三四百丈飛湍林表望若懸素注處悉成巨井案近刻脫成字其深不測其水下入江淵廬山之南有上霄石高壁緬然與霄漢連接秦始皇三十六年歎斯岳遠遂記爲上霄焉上霄之南大禹刻石誌其丈尺里數今猶得刻石之號焉湖中有落星石周迴百餘步高五丈上生竹木傳曰有星墜此因以名焉又有孤石介立大湖中周迴一里竦立百丈轟然高峻特爲瓌異上生林木而飛禽罕集言其上玉膏可採所未詳也耆舊云昔禹治洪水至此刻石紀功或言秦始皇所勒然歲月已久莫能合辨之也案近刻脫合字

### 卷四十

漸江水 斤江水

江以南至日南郡二十水

水經注 六 廬江水 漸江水

禹貢山水澤地所在

漸江水出三天子都

山海經謂之浙江也。地理志云。水出丹陽黟縣南蠻中。北逕其縣南。有博山。山上有石。特起十丈。上峯

若劍杪。時有靈鼓潛發。正長臨縣。以山鼓爲候。一鳴官長一年。若長雷發聲。則官長不吉。案近刻及浙江

又北歷黟山縣。居山之陽。故縣氏之。漢成帝鴻嘉二年。以爲廣德國。封中山憲王孫雲客王於此。案近

中山憲王四字。晉太康中。以爲廣德縣。分隸宣城郡。會稽陳業。潔身清行。遁跡此山。浙江又北逕歙縣東。與一

小溪合。水出縣東北翁山。西逕故城南。又西南入浙江。又東逕遂安縣南。溪廣二百步。上立杭以相通。

水甚清深。潭不掩鱗。故名新定。案定近刻分歙縣立之。晉太康中。又改從今名。浙江又左合絕溪。溪水

出始新縣西。東逕縣故城南。爲東西長溪。溪有四十七瀨。濬流驚急。奔波聒天。孫權使賀齊討黟。歙山

賊賊固黟之林。歷山。山甚峻絕。又工禁五兵。齊以鐵杙楸山。升出不意。又以白梃擊之。案又近刻氣禁

不行。遂用奇功。平賊。於是立始新之府於歙之華鄉。案府近刻令齊守之。後移出新亭。晉太康元年。改

曰新安郡。溪水東注浙江。浙江又東北逕建德縣南。縣北有烏山。山下有廟。廟在縣東七里。廟渚有大

石。高十丈。圍五尺。案近刻作五尺圍水瀨濬激。而能致雲雨。浙江又東逕壽昌縣南。自建德至此。八十里。中有

十二瀨。瀨皆峻險。行旅所難。縣南有孝子夏先墓。先少喪二親。負土成墓。數年不勝哀卒。案近刻浙江



又北逕新城縣。桐溪水注之。案近刻脫水字。水出吳興郡於潛縣北天目山。山極高峻。崖嶺竦疊。西臨峻澗。案近刻脫峻澗字。山上有霜木。皆是數百年樹。謂之翔鳳林。東面有瀑布。下注數畝深沼。名曰浣龍池。案浣近刻蛟池。

水南流逕縣西。為縣之西溪。溪水又東南與紫溪合。水出縣西百丈山。即潛山也。山水東南流。名為紫溪。中道夾水。有紫色磐石。案夾近刻脫作挾。石長百餘丈。望之如朝霞。又名此水為赤瀨。蓋以倒影在水故也。

紫溪又東南流。逕白石山之陰。案近刻脫石字。山甚峻極。北臨紫溪。又東南連山夾水。兩峯交峙。反項對石。往往相捍。十餘里中。積石磊砢。相挾而上。澗下白沙細石。狀若霜雪。水木相映。泉石爭暉。名曰樓林。紫溪

東南流。逕桐廬縣東。為桐溪。孫權藉溪之名。以為縣目。割富春之地。立桐廬縣。自縣至於潛。凡十有六瀨。第二是嚴陵瀨。瀨帶山。山下有一石室。案近刻脫一字。漢光武帝時。嚴子陵之所居也。故山及瀨。皆即人姓名之。山下有磐石。周迴十數丈。交枕潭際。蓋陵所遊也。桐溪又東北。案桐下近刻衍廬字。逕新城縣。入浙江。縣故

富春地。案近刻脫作也。孫權置。後省并桐廬。案近刻脫置字後字。咸和九年。案近刻脫作元年。復立為縣。浙江又東北入富陽縣。故富春也。晉后名春。改曰富陽也。東分為湖浦。浙江又東北逕富春縣南。縣故王莽之誅歲也。江南有

山。孫武皇之先所葬也。漢末。墓上有光。如雲氣。屬天。黃武五年。案近刻脫作四年。孫權以富春為東安郡。分置

諸郡。案近刻脫作縣。以討士宗。案此有脫誤。朱謀埜引吳志云。黃武五年秋。分三郡惡地十縣。置東安郡。治富

屬縣。權分三郡險地為東安郡。瑯領太守招誘降附。浙江又東北逕亭山。山上有孫權父冢。

水經注 六 浙江水

北過餘杭東入於海。

浙江逕縣左。合餘干大溪。江北卽臨安縣界。水北對郭文宅。宅傍山面溪。宅東有郭文墓。晉建武元年。

驃騎王導迎文置之西園。文逃此而終。臨安令改葬之。建武十六年。縣民卽稚作亂。案稚近刻訛作雅脫作字賀齊

討之。孫權分餘杭立臨水縣。晉改曰臨安縣。因岡爲城南門。尤高。謝安蒞郡。遊縣逕此門。以爲難爲亭。

長。浙江又東逕餘杭故縣南。新縣北。秦始皇南遊會稽。途出是地。因立爲縣。王莽之淮陸也。案淮近刻訛作進

漢末陳渾移築南城縣。後溪南大塘。卽渾立以防水也。縣南有三碑。是顧颺范寧等碑。縣南有大壁山。

郭文自陸渾遷居也。浙江又東逕烏傷縣北。王莽改曰烏孝郡。國志謂之烏傷。異苑曰。東陽顏烏。以淳

孝著聞。後有羣鳥助銜土塊爲墳。案近刻訛作後有羣鳥烏口皆傷。一境以爲顏烏至孝。故致慈烏。欲

令孝聲遠聞。又名其縣曰烏傷矣。浙江又東北流。至錢塘縣。穀水入焉。水源西出太末縣。縣是越之西

鄙。案近刻訛作部姑蔑之地也。秦以爲縣。王莽之末理也。吳寶鼎中分會稽立。隸東陽郡。案近刻訛作隸字穀水東逕獨

松故冢下。冢爲水毀。其甌文。筮言吉。龜言凶。百年墮水中。今則同龜繇矣。穀水又東逕長山縣南。與永

康溪水合。案近刻訛作脫溪字縣卽東陽郡治也。縣漢獻帝分烏傷立郡。吳寶鼎中分會稽置城。居山之陽。案居近

君。或謂之長仙縣也。言赤松采藥此山。因而居之。故以爲名。後傳呼乖謬。字亦因改。溪水南出永康縣

縣。赤烏中分烏傷上浦立。劉敬叔異苑曰。孫權時永康縣有人入山。遇一大龜。卽束之以歸。龜便言曰。

游不量時。爲君所得。擔者怪之。載出欲上吳王。夜宿越里。纜船於大桑樹。宵中樹忽呼龜曰。元緒奚事爾也。龜曰。行不擇日。今方見烹。雖盡南山之樵。不能潰我樹。曰。諸葛元遜。識性淵長。必致相困。令求如我之徒。計將安治。案近刻作泊龜曰。子明無多辭。既至建業。權將煮之。燒柴萬車。龜猶如故。諸葛恪曰。燃以老桑乃熟。獻人仍說龜言。權使伐桑。取煮之。卽爛。故野人呼龜曰。元緒。其水飛湍北注。至縣南門入穀水。穀水又東。定陽溪水注之。水上承信安縣之蘇姥布。縣本新安縣。晉武帝太康三年。改曰信安。水懸百餘丈。瀨勢飛注。狀如瀑布。瀨邊有石如牀。案近刻說作有如石牀牀上有石牒。長三尺許。有似雜采帖也。東陽記云。信安縣有懸室坂。晉中朝時。有民王質。伐木至石室中。見童子四人。彈琴而歌。質因留倚柯聽之。童子以一物如棗核。與質質含之。便不復餓。俄頃童子曰。其歸。承聲而去。斧柯漙然爛盡。既歸質去家已數十年。親情凋落。無復向時比矣。其水分納衆流。混波東逝。逕定陽縣。夾岸緣溪。悉生支竹。及芳枳木連。雜以霜菊金橙。白沙細石。狀如凝雪。石溜湍波。浮響無輟。山水之趣。尤深人情。縣漢獻帝分信安立。溪亦取名焉。溪水又東。案近刻說作連逕長山縣北。北對高山。山水下際。是赤松羽化之處也。炎帝少女追之。亦俱仙矣。後人立廟於山下。溪水又東入於穀水。穀水又東逕烏傷縣之雲黃山。山下臨溪水。水際石壁傑立。高百許丈。又與吳寧溪水合。水出吳寧縣下。逕烏傷縣入穀。謂之烏傷溪水。閩中有徐登者。女子化爲丈夫。與東陽趙炳並善。越方時遭兵亂。相遇於溪。各示所能。登先禁溪水爲不流。炳次禁枯

柳柳爲生蕘。二人相示而笑。登年長。炳師事之。後登身故。炳東入章安。百姓未知。炳乃升茅屋。梧鼎而爨。主人驚怪。炳笑而不應。屋亦不損。又嘗臨水求渡。船人不許。炳乃張蓋坐中。長嘯呼風。亂流而濟。於是百姓神服。從者如歸。章安令惡而殺之。民立祠於永寧。而蚊蚋不能入。炳秉道懷術。而不能全身避害。事同萇弘。宋元之龜。屣運之來。故難救矣。穀水又東入錢唐縣。而左入浙江。案唐近刻作塘。下同。漢志錢唐無土旁。故地理志曰。穀水自太末東北。至錢唐入浙江是也。浙江又東逕靈隱山。山在四山之中。有高崖洞穴。左右有石室三所。又有孤石壁立。大三十圍。其上開散。狀如蓮花。昔有道士長往不歸。或因以稽留爲山。號山下有錢唐故縣。浙江逕其南。王莽更名之曰泉亭。地理志曰。會稽西部都尉治。錢唐記曰。防海大塘。在縣東一里許。郡議曹華信家議立此塘。以防海水。始開幕有能致一斛土者。卽與錢一千。旬月之間。來者雲集。塘未成而不復取。於是載土石者。皆棄而去。塘以之成。故改名錢塘焉。縣南江側。有明聖湖。父老傳言。湖有金牛。古見之。神化不測。湖取名焉。縣有武林山。武林水所出也。闕駟云。山出錢水。東入海。吳地記言。縣惟浙江。今無此水。縣東有定包諸山。皆西臨浙江。水流於兩山之間。江川急澹。兼濤水。晝夜再來。來應時刻。常以月晦及望尤大。至二月八月最高。峨峨二丈有餘。吳越春秋。以爲子胥文種之神也。昔子胥亮於吳。案亮近刻而浮尸於江。吳人憐之。立祠於江上。名曰胥山。吳錄云。胥山左太湖邊。去江不百里。故曰江上。文種誠於越。案誠近刻而伏劍於山陰。越人哀之。葬於重山。文種旣葬一

年子胥從海上負種俱去游夫江海故潮水之前揚波者伍子胥後重水者大夫種是以枚乘曰濤無記焉然海水上潮江水逆流似神而非於是處焉秦始皇三十七年將遊會稽至錢唐臨浙江所不能渡故道餘杭之西津也浙江北合詔息湖湖本名胙湖因秦始皇帝巡狩所憩故有詔息之名也浙江又東合臨平湖異苑曰晉武時吳郡臨平岸崩出一石鼓打之無聲以問張華華云可取蜀中桐材刻作魚形扣之則鳴矣於是如言聲聞數十里劉道民詩曰事有遠而合蜀桐鳴吳石傳言此湖草蕨壅塞天下亂是湖開天下平孫皓天璽元年吳郡上言臨平湖自漢末穢塞今更開通又於湖邊得石函函中有小石青白色長四寸廣二寸餘刻作皇帝字於是改天冊爲天璽元年孫盛以爲元皇中興之符徵五湖之石瑞也錢唐記曰桓玄之難湖水色赤熒熒如丹湖水三通浦陽江下注浙江名曰東江行旅所從以出浙江也浙江又逕固陵城北昔范蠡築城於浙江之濱言可以固守謂之固陵今之西陵也浙江又東逕柘塘案柘近刻訛作祖下同謂之柘瀆昔太守王朗拒孫策數戰不利孫靜果說策曰朗負阻城守難可卒拔案近刻脫城字柘瀆去此數十里是要道也若從此出攻其無備破之必矣策從之破朗於固陵有西陵湖亦謂之西城湖湖西有湖城山東有夏架山湖水上承妖臯溪而下注浙江案浙江又逕固陵城北至

此原本及近刻並訛在後渡會稽湊山陰是也又逕會稽山陰縣有苦竹里里有舊城言句踐封范蠡之下又逕永興縣北之上今據歸有光本改正

子之邑也浙江又東與蘭溪合湖南有天柱山湖口有亭號曰蘭亭亦曰蘭上里太守王羲之謝安兄

弟數往造焉。吳郡太守謝勗封蘭亭侯。蓋取此亭以爲封號也。太守王廙之移亭在水中。晉司空何無忌之臨郡也。起亭於山椒。極高盡眺矣。亭宇雖壞。基陛尙存。浙江又逕越王允常冢。北冢在木客村。耆彥云。句踐使工人伐榮楮。欲以獻吳。久不得歸。工人憂思。作木客吟。後人因以名地。句踐都琅邪。欲移允常冢。冢中生分風。飛沙射人。人不得近。句踐謂不欲。遂止。浙江又東北。得長湖口。湖廣五里。東西百三十里。沿湖開水門六十九所。下溉田萬頃。北瀉長江。湖南有覆甌山。周五百里。北連鼓吹山。山西枕長溪。溪水下注長湖。山之西嶺有賀臺。越入吳。還而成之。故號曰賀臺矣。案近刻訛作吳又有秦望山。在州城正南。爲衆峯之傑。陟境便見。史記云。秦始皇登之以望南海。自平地以取山頂七里。懸墮孤危。徑路險絕。記云。扳蘿捫葛。然後能升。山上無甚高木。案近刻脫甚字當由地迴多風所致。山南有嵯峴。峴裏有大城。越王無餘之舊都也。故吳越春秋云。句踐語范蠡曰。先君無餘國。在南山之陽。社稷宗廟。在湖之南。又有會稽之山。古防山也。亦謂之爲茅山。又曰棟山。越絕云。棟猶鎮也。蓋周禮所謂揚州之鎮矣。山形四方。上多金玉。下多玦石。山海經曰。夕水出焉。南流注於湖。吳越春秋稱覆釜山之中。有金簡玉字之書。黃帝之遺讖也。山下有禹廟。廟有聖姑像。禮樂緯云。禹治水畢。案近刻訛作吳天賜神女聖姑。卽其像也。山上有禹冢。昔大禹卽位十年。東巡狩。崩於會稽。因而葬之。有鳥來爲之耘。春拔草根。秋啄其穢。是以縣官禁民不得妄害此鳥。犯則刑無赦。山東有湮井。案近刻訛作去廟七里。深不見底。謂之禹井。云東遊者多

探其穴也。秦始皇登會稽山，刻石紀功，尚存山側。孫暢之述書云：案述下近丞相李斯所篆也。又有石

匱，山石形似匱，上有金簡玉字之書，言夏禹發之，得百川之理也。又有射的山，遠望山的狀若射侯，故

謂射的。案謂近刻射的之西有石室，名之爲射堂。年登否，常占射的，以爲貴賤之準。的明則米賤，的闇

則米貴。故諺云：射的白斛米百，射的玄斛米千。北則石帆山，山東北有孤石，高二十餘丈，廣八丈，望之

如帆，因以爲名。北臨大湖水，深不測，傳與海通。何次道作郡，常於此水中得烏賊魚，南對精廬，上蔭修

木，下瞰寒泉。西連會稽山，案近刻皆一山也。東帶若邪溪，吳越春秋所謂歐冶澗而出銅，案近刻澗訛

字，以成五劍。溪水上承嵯峴麻溪，溪之下孤潭，周數畝，甚清深，有孤石臨潭，乘崖俯視，案乘近刻獫狁

驚心，寒木被潭，森沈駭觀。上有一樸樹，謝靈運與從弟惠連常游之，作連句，題刻樹側。麻潭下注若邪

溪，水至清照衆山倒影，窺之如畫。漢世劉寵作郡，有政績，將解任去治，此溪父老人持百錢出送，案近

此溪二字。寵各受一文，然山栖遯逸之士，谷隱不羈之民，有道則見物以感遠爲貴，荷錢致意，故受者以一

錢爲榮，豈藉費也。義重故耳。溪水下注大湖，邪溪之東又有寒溪，溪之北有鄭公泉，泉方數丈，冬溫夏

涼。漢太尉鄭弘宿居潭側，因以名泉。弘少以苦節自居，恆躬采伐，用質糧膳，每出入溪津，常感神風送

之，雖憑舟自運，無杖楫之勞。村人貪藉風勢，常依隨往還，有淹留者，徒輩相謂：汝不欲及鄭風邪？其感

致如此。湖水自東亦注江通海，水側有白鹿山，山北湖塘上，舊有亭，吳黃門郎楊哀明居於弘訓里，太

守張景數往造焉。使開瀆作埭。埭之西作亭。亭埭皆以楊爲名。孫恩作賊從海來。楊亭被燒。後復修立。厥名猶在。東有銅牛山。山有銅穴三十許丈。穴中有大樹神廟。山上有冶官。山北湖下有練塘里。吳越春秋云。句踐鍊冶銅錫之處。采炭於南山。故其間有炭瀆。句踐臣吳。吳王封句踐於越百里之地。案近一吳刻脫東至炭瀆是也。縣南九里有侯山。山孤立長湖中。晉車騎將軍孔敬康少時遜世。栖跡此山。湖北有三小山。謂之鹿野山。在縣南六里。按吳越春秋。越之麋苑也。山有石室。言越王所游息處矣。縣南湖北。案近有陳音山。楚之善射者曰陳音。越王問以射道。又善其說。乃使簡士習射北郊之外。按吳越春秋。音死葬於國西山上。今陳音山。乃在國南五里。湖北有射堂。及諸邸舍。連衍相屬。又於湖中築塘。直指南山北。卽大越之國。秦改爲山陰縣。會稽郡治也。太史公曰。禹會諸侯計於此。命曰會稽。會稽者。會計也。案近刻脫。會稽二字始以山名。因爲地號。夏后少康封少子杼以奉禹祠。爲越世。歷殷周。至於允常。列於春秋。允常卒。句踐稱王。都於會稽。吳越春秋所謂越王都埤中。在諸暨北界。山陰康樂里有地名邑中者。是越事吳處。故北其門。以東爲右。西爲左。故雙闕在北門外。闕北百步有雷門。門樓兩層。句踐所造。時有越之舊木矣。州郡館宇。屋之大瓦。亦多是越時故物。句踐霸世。徙都琅邪。後爲楚伐。始還浙東。城東郭外有靈汜。下水甚深。舊傳下有地道。通於震澤。又有句踐所立宗廟。在城東明里中。甘滂南。又有玉筍竹林。雲門天柱精舍。並疏山創基。架林栽宇。割澗延流。案近刻脫。割字盡泉石之好。水流逕通。浙江又北。



逕山陰縣西。西門外百餘步。有怪山。本琅邪郡之東武縣山也。飛來徙此。壓毀數百家。吳越春秋稱怪山者。東武海中山也。一名自來山。百姓怪之。號曰怪山。亦云。越王無疆爲楚所伐。去琅邪。止東武。人隨居山下。案近刻遠望此山。其形似龜。故亦有龜山之稱也。越起靈臺於山上。又作三層樓。以望雲物。川土明秀。亦爲勝地。故王逸少云。從山陰道上。猶如鏡中行也。浙江之上。又有大吳王。小吳王。卹。並是闔閭夫。差伐越所舍處也。今悉民居。然猶存故目。昔越王爲吳所敗。以五千餘衆。栖於稽山。卑身待士。施必及下。呂氏春秋曰。越王之栖於會稽也。有酒投江。民飲其流。而戰氣自倍。所投卽浙江也。許慎晉灼。並言江水至山陰爲浙江。江之西岸。有朱室塢。句踐百里之封。西至朱室。謂此也。案謂近刻浙江又東北逕重山西。大夫文種之所葬也。山上有白樓亭。亭本在山下。案近刻縣令殷朗。移置今處。沛國桓儼。避地會稽。聞陳業履行高潔。往候不見。儼後浮海。南入交州。臨去遺書與業。不因行李繫白樓亭柱而去。升陟遠望。山湖滿目也。永建中。陽羨周嘉上書。以縣遠。赴會至難。求得分置。遂以浙江西爲吳。以東爲會稽。漢高帝十二年。一吳也。後分爲三世。號三吳。吳興。吳郡。會稽。其一焉。浙江又東逕禦兒鄉。萬善歷曰。吳黃武六年正月。獲彭綺。是歲由拳西鄉有產兒。墮地。便能語。云天方明。案近刻河欲清。鼎脚折。案近刻金乃生。因是詔爲語兒鄉。案因是近刻非也。禦兒之名遠矣。蓋無智之徒。因藉地名。案近刻生情穿鑿耳。國語曰。句踐之地。北至禦兒。是也。安得引黃武證地哉。韋昭曰。越北鄙在嘉興。浙江又東。

逕柴辟南。舊吳楚之戰地矣。備候於此。故謂之辟塞。是以越絕稱吳。故從由拳辟塞。渡會稽。案近刻

山陰是也。又逕永興縣北。案近刻縣在會稽東北百二十里。故餘暨縣也。案近刻脫故餘暨縣四字。應劭曰。闔閭弟

夫槩之所邑。案近刻脫應劭曰三字。所。王莽之餘衍也。漢末童謠云。天子當與東南三餘之間。故孫權

改曰永興。案永近刻縣濱浙江。又東合浦陽江。江水導源烏傷縣。案江水下近刻衍之字。東逕諸暨縣。

與洩溪合。溪廣數丈。中道有兩高山夾溪。造雲壁立。凡有五洩。案五近刻下洩懸三十餘丈。案近刻廣

十丈。中三洩不可得至。案三近刻登山遠望。乃得見之。案此下近刻懸百餘丈。水勢高急。聲震水外。上

洩懸二百餘丈。望若雲垂。此是瀑布。土人號爲洩也。江水又東逕諸暨縣南。縣臨對江流。江南有射堂

縣北帶烏山。故越地也。案此下近刻有夫槩王之。先名上諸暨。亦曰句無矣。案無近刻故國語曰。句

踐之地。南至句無。王莽之疎虜也。夾水多浦。浦中有大湖。春夏多水。秋冬涸淺。江水又東南。逕剡縣。與

白石山水會。山上有瀑布。懸水三十丈。下注浦陽江。浦陽江水又東流南屈。又東迴北轉。逕剡縣東。王

莽之盡忠也。縣開東門向江。江廣二百餘步。自昔著舊傳。縣不得開南門。開南門。則有賊盜。江水翼縣

轉注。故有東渡西渡焉。東南二渡。通臨海。並汎單船爲浮航。西渡通東陽。併二十五船爲橋航。江邊有

查浦。浦東行二百餘里。與句章接界。浦裏有六里。有五百家。並夾浦居。列門向水。甚有良田。有青溪。餘

洪溪。大發溪。小發溪。江上有溪六。溪列旣散入江。夾溪上下。崩崖若傾。東有簞山。南有黃山。與白石三

山爲縣之秀峯。山下衆流泉導。案泉近刻湍石激波。浮險四注。浦陽江又東。逕石橋。廣八丈。高四丈。下

有石井。口徑七尺。橋上有方石。長七尺。廣一丈二尺。橋頭有磐石。可容二十人坐。溪水兩旁。悉高山。山

有石壁。二十許丈。溪中相攻。最響外發。未至橋數里。便聞其聲。江水北逕嵯山。山下有亭。亭帶山臨江。

松嶺森蔚。沙渚平靜。浦陽江又東北。逕始寧縣。嵯山之成功嶠。案功近刻作工。嶠壁立臨江。歇路峻狹。不得併

行。行者牽木稍進。不敢俯視。嶠西有山。孤峰特上。飛禽罕至。嘗有採藥者。沿山見通溪。尋上於山頂。樹

下有十二方石。地甚光潔。還復更尋。遂迷前路。言諸仙之所憩。讎。故以壇讎名山。嶠北有嶧浦。浦口有

廟。廟甚靈驗。行人及樵伐者。皆先敬焉。若相侵竊。必爲蛇虎所傷。北則嶧山與嵯山接。二山雖曰異縣。

而峯嶺相連。其間傾澗懷煙。泉溪引霧。吹哇風馨。觸岫延賞。是以王元琳謂之神明境。事備謝康樂山

居記。浦陽江自嶧山東北。逕太康湖。車騎將軍謝玄田居所在。右濱長江。左傍連山。平陵修通。澄湖遠

鏡。於江曲起樓。樓側悉是桐梓。森聳可愛。居民號爲桐亭樓。樓兩面臨江。盡升眺之趣。蘆人漁子。汎濫

滿焉。湖中築路。東出趨山。案趨近刻作趣。路甚平直。山中有三精舍。高臺凌虛。垂簷帶空。俯眺平林。煙杳在下。

水陸寧晏。足爲避地之鄉矣。江有琵琶圻。圻有古冢。墮水甃有隱起字。云筮吉龜凶。八百年落江中。謝

靈運取甃詣京。咸傳觀焉。乃如龜繇。故知冢已八百年矣。浦陽江又東北。逕始寧縣西。本上虞之南鄉

也。漢順帝永建四年。陽羨周嘉上書。始分之。舊治水西。常有波潮之患。案潮近刻作潮。晉中興之初。治今處。

縣下有小江源出岫山。謂之岫浦。逕縣下。西流注於浦陽。硤山下注此浦。浦西通山陰浦。而達於江。江廣百丈。狹處二百步。高山帶江。重蔭被水。江閱漁商。川交樵隱。故桂棹蘭楫。望景爭途。江南有故城。太尉劉牢之討孫恩所築也。江水東逕上虞縣南。王莽之會稽也。本司鹽都尉治。地名虞賓。晉太康地記曰。舜避丹朱於此。故以名縣。百官從之。故縣北有百官橋。亦云禹與諸侯會事訖。因相虞樂。故曰上虞。二說不同。未詳孰是。縣南有蘭風山。山少木多石。驛路帶山傍江。路邊皆作欄干。山有三嶺。枕帶長江。若若孤危。望之若傾。緣山之路。下臨大川。皆作飛閣。欄干乘之而渡。謂此三嶺爲三石頭。丹陽葛洪遁世居之。基井存焉。琅邪王方平性好山水。又爰宅蘭風。垂釣於此。以永終朝。行者過之不識。問曰。賣魚師得魚賣否。方平答曰。釣亦不得。復不賣。亦謂是水爲上虞江。縣之東郭外有漁浦。湖中有大獨小獨二山。又有覆舟山。覆舟山下有漁浦王廟。廟今移入裏山。此三山孤立水中。湖外有青山。黃山。澤蘭山。重岫疊嶺。參差入雲。澤蘭山頭有深潭。山影臨水。水色青綠。山中有諸塢。有石榭一所。右臨白馬潭。潭之深無底。傳云。創湖之始。邊塘屢崩。百姓以白馬祭之。因以名水。湖之南。卽江津也。江南有上塘陽中二里。案二。近刻。說作三。隔在湖南。常有水患。太守孔靈符。過蜂山前湖。以爲埭。埭下開瀆。直指南津。又作水榭二所。以舍此江。得無淹潰之害。縣東有龍頭山。山崖之間。有石井。冬夏常冽清。泉南帶長江。東連上陂。江之道南。有曹娥碑。娥父旣迎濤溺死。娥時年十四。哀父尸不得。乃號躄江介。因解衣投水。祝曰。若

值父尸衣當沈。若不值衣當浮。裁落便沈。娥遂於沈處赴水而死。縣令度尙使外甥邯鄲子禮爲碑文。以彰孝烈。江濱有馬目山。洪濤一上。波隱是山。勢淪岷亭。間歷數縣。行者難之。縣東北上。亦有孝子楊威母墓。威少失父。事母至孝。常與母入山採薪。爲虎所逼。自計不能禦。於是抱母且號且行。虎見其情。遂弭耳而去。自非誠貫精微。孰能理感於英獸矣。又有吳瀆。破山導源。注於胥江。上虞江東逕周市而注永興。地理志云。縣有仇亭。柯水東入海。仇亭在縣之東北十里。江北柯水疑卽江也。又東北逕永興縣東。案近刻脫縣字與浙江合。謂之浦陽江。地理志又云。縣有蕭山。潘水所出。東入海。又疑是浦陽江之別名也。自外無水以應之。浙江又東注於海。故山海經曰。浙江在閩。西北入海。案近刻浙江下衍在其東三字。韋昭以松江。浙江浦陽江爲三江。

斤江水出交阯龍編縣東北。至鬱林領方縣。東注於鬱。

地理志云。逕臨塵縣。至領方縣。注於鬱。案漢書作斤員水。

容容

夜

續

湛

乘

牛渚

須無

無濡

營進

皇無

地零

侵離案近刻作  
侵黎下同

侵離水出廣州晉興郡郡以太康中分鬱林置東至臨塵案東近刻  
訛作得入鬱

無會

重瀨

夫省

無蒲

由蒲

王都

融

勇外

此皆出日南郡西。東入於海。案近刻重一四字。又此十一字。原本及近刻。並訛作經。今考經文。總上二十水見於後。此乃注文體例。容容水在南垂。名之

以次轉北也。

右二十水。從江已南。至日南郡也。案二十。近刻訛作三十。又此十三字。原本及近刻。並訛入注內。考經文後云。右禹貢山水澤地所在。凡六十。體例與此同。今改正。

嵩高爲中嶽。在潁川陽城縣西北。

春秋說題辭曰。陰含陽。故石凝爲山。國語曰。禹封九山。山之聚也。爾雅曰。山大而高曰崧。合而言之。爲崧。高。分而名之。爲二室。西南有少室。東北有太室。案二有字。近刻並作爲。嵩高山記曰。山下巖中。有一石室。云

有自然。經書自然飲食。又云山有玉女臺。言漢武帝見因以名臺。

泰山爲東嶽。在泰山博縣西北。

岱宗也。王者封禪於其山。示增高也。有金策玉檢之事焉。

霍山爲南嶽。在廬江灊縣西南。

天柱山也。爾雅云。大山宮。小山爲霍。案爲近刻作曰。開山圖曰。其山上侵神氣。下固窮泉。

華山爲西嶽。在弘農華陰縣西南。

古文之惇物山也。

雷首山在河東蒲坂縣東南。

砥柱山在河東大陽縣東河中。

王屋山在河東垣縣東北也。案垣下原本及近刻並衍曲字今刪。

昔黃帝受丹訣於是山也。

太行山在河內野王縣西北。

王烈得石髓處也。

恆山爲北嶽。在中山上曲陽縣西北。

碣石山在遼西臨渝縣南水中也。

大禹鑿其石。夾右而納河。案夾右近刻訛作右夾。秦始皇漢武帝皆嘗登之。海水西侵。歲月逾甚。而苞其山。故言

水中矣。

析城山在河東濩澤縣西南。

太嶽山在河東永安縣。



壺口山在河東北屈縣東南。

龍門山在河東皮氏縣西。

梁山在馮翊夏陽縣西北河上。

荆山在馮翊懷德縣南。

岐山在扶風美陽縣西北。

汧山案近刻訛作關山在扶風汧縣之西也。

隴山終南山惇物山在扶風武功縣西南也。

西頃山案近刻脫西字頃音傾在隴西臨洮縣西南。

禹貢中條山也。

蟠冢山在隴西氐道縣之南。

南條山也。

鳥鼠同穴山在隴西首陽縣西南。

鄭玄曰：鳥鼠之山有鳥焉，與鼠飛行而處之，又有止而同穴之山焉，是二山也。鳥名爲鶡，似鷄而黃黑，色如家鼠而短尾，穿地而共處。鼠內而鳥外。孔安國曰：共爲雌雄。杜彥達曰：同穴止宿，養子互相哺。

食長大乃止。張晏言不相爲牝牡，故因以名山。

積石在隴西河關縣西南。

山海經云：山在鄧林東，河所入也。案山海經郭璞注引此爲水經之文，其注乃後人所託，不足據證。

都野澤在武威縣東北。

縣在姑臧城北三百里。東北卽休屠澤也。古文以爲豬野也。其水上承姑臧武始澤，澤水二源。東北流爲一水，逕姑臧縣故城西。案近刻脫逕字。東北流水側有靈淵池。王隱晉書曰：漢末博士燉煌侯瑾善內學，語弟子曰：涼州城西，泉水當竭，有雙闕起其上。案近刻脫起字。至魏嘉平中，武威太守條茂起學舍，築闕於此。泉太守填水，造起門樓，與學闕相望。泉源徙發，重導於斯，故有靈淵之名也。澤水又東北流，逕馬城東。城卽休屠縣之故城也。本匈奴休屠王都，謂之馬城。河又東北與橫水合，水出姑臧城下，武威郡涼州治。地理風俗記曰：漢武帝元朔三年，改雍曰涼州，以其金行土地寒涼故也。遷於冀，晉徙治此。王隱晉書曰：涼州有龍形，故曰臥龍城，南北七里，東西三里。本匈奴所築也。及張氏之世居也。案及近刻訛作乃。又增築四城，箱各千步。東城殖園果，命曰講武場。北城殖園果，命曰玄武圃，皆有宮殿。中城內作四時宮，隨節游幸，并舊城爲五街衢相通，二十二門。大繕宮殿觀閣，采綺妝飾，擬中夏也。其水側城北流，注馬城河。

河水又東北，清澗水入焉。俗亦謂之爲五澗水也。水出姑臧城東，而西北流，注馬城河。河水又與長泉

水合。水出姑臧東。掾次縣。王莽之播德也。西北歷黃沙阜。而東北流注馬城河。又東北逕宣威縣故城南。又東北逕平澤晏然二亭東。又東北逕武威縣故城東。漢武帝太初四年。匈奴渾邪王殺休屠王。以其衆置武威縣。武威郡治。案近刻脫治字。王莽更名張掖。地理志曰。谷水出姑臧南山。北至武威入海。屆此水流兩分。一水北入休屠澤。俗謂之爲西海。一水又東逕百五十里。入豬野。世謂之東海。通謂之都野矣。合離山在酒泉會水縣東北。

### 合黎山也。

流沙地在張掖居延縣東北。

居延澤在其縣故城東北。

案近刻脫北字

尙書所謂流沙者也。形如月生五日也。弱水入流沙。流沙沙與水流

行也。案沙與水近刻脫沙字

亦言出鍾山。西行極崦嵫之山。在西海郡北。山有石赤白色。以兩石相打。則水潤。打

之不已。潤盡。則火出。山石皆然。炎起數丈。逕日不滅。有大黑風。自流沙出。奄之乃滅。其石如初。言動火

之事。發疾經年。故不敢輕近耳。流沙又逕浮渚。歷壑市之國。又逕於鳥山之東。朝雲國。西歷崑山。西南

出於過瀛之山。大荒西經云。西南海之外。流沙出焉。逕夏后開之東。案近刻脫此二字

開上三嬪。於天得九辯

與九歌焉。又歷員丘不死山之西。案近刻脫山字。入於南海。

三危山在燉煌縣南。

山海經曰。三危之山。三青鳥居之。是山也。廣圓百里。在鳥鼠山西。卽尙書所謂竄三苗於三危也。春秋傳曰。允姓之姦。居於瓜州。瓜州地名也。杜林曰。燉煌。古瓜州也。州之貢物。地出好瓜。民因氏之。瓜州之戎。并於月氏者也。漢武帝元鼎六年。案此四字。近刻訛作後元二字。分酒泉置。南七里有鳴沙山。故亦曰沙州也。

朱圉山在天水北冀城南。案城近刻訛作縣。

卽冀縣。山有石鼓。開山圖謂之天鼓山。九州害起。則鳴。有常應。又云。石鼓山有石鼓。於星爲河鼓。星動則石鼓鳴。石鼓鳴。則秦土有殃。鳴淺殃萬物。鳴深則殃君王矣。

岷山在蜀郡湔氐道西。

漢書以爲瀆山者也。

熊耳山。秦近刻訛作嵒冢山。在弘農盧氏縣東。案近刻訛作南。

是山也。穀水出其北林也。

荆山在南郡臨沮縣東北。

東條山也。卞和得玉璞於是山。楚王不理。懷璧哭於其下。王後使玉人理之。案近刻脫王字。使字。所謂和氏之玉焉。

內方山在江夏竟陵縣東北。

禹貢注。章山也。

大別山在廬江安豐縣西南。外方山。崧高是也。

桐柏山在南陽平氏縣東南。陪尾山在江夏安陸縣東北。

衡山在長沙湘南縣南。

禹治洪水。血馬祭衡山。於是得金簡玉字之書。按省玉字。得通水理也。

九江地在長沙下雋縣西北。

雲夢澤在南郡華容縣之東。

東陵地在廬江金蘭縣西北。

敷淺原地在豫章歷陵縣西。

彭蠡澤在豫章彭澤縣西北。案近刻脫西字。

尚書所謂彭蠡既滌。陽鳥攸居也。

中江在丹陽蕪湖縣西南。案近刻脫西字。東至會稽陽羨縣。入於海。

震澤在吳縣南五十里。

北江在毗陵北界，東入於海。

嶧陽山在下邳縣之西。

羽山在東海，祝其縣南也。

縣，卽王莽之猶亭也。尙書殛鯀於羽山，謂是山也。山西有羽淵，禹父之所化，其神爲黃熊，以入淵矣。故

山海經曰：洪水滔天，鯀竊帝之息壤以堙水，不待帝命，帝令祝融殺鯀羽郊者也。

陶丘在濟陰定陶縣之西南。

陶丘，丘再成也。

荷澤在定陶縣東。

雷澤在濟陰成陽縣西北。

菏水在山陽湖陸縣南。

蒙山在太山蒙陰縣西南。

大野澤在山陽鉅野縣東北。

大邳地在河南成臯縣北。

爾雅曰山一成謂之邳。然則大邳山名。非地之名也。

明都澤在梁郡睢陽縣東北。

益州沱水在蜀郡汶江縣西南。其一在郫縣西南。皆還入江。

荊州沱水在南郡枝江縣。

三澨地。在南郡邳縣北沱。

案原本及近刻並訛作三澨地之南。在邳縣之北。考邳縣地理志南郡之屬縣。孟康曰音忌。又注稱經云邳縣北沱。可據以訂經之訛。外今改正。

尚書曰導漢水過三澨。地說曰沔水東行過三澨合流。觸大別山阪。案近刻訛作陂。故馬融鄭玄王肅孔安國

等咸以爲三澨水名也。許慎言澨者埤增水邊。土人所止也。按春秋左傳文公十有六年。楚軍次於句

澨。以伐諸庸。宣公四年。楚令尹子越師於漳澨。定公四年。左司馬戍敗吳師於雍澨。昭公二十三年。司

馬遼越縊於遠澨。服虔或謂之邑。又謂之地。京相璠杜預亦云水際及邊地名也。今南陽消陽二縣之

間。消水之濱。有南澨北澨矣。而諸儒之論水陸相半。又無山源出處之所。津途關路。惟鄭玄及劉澄之

言。在竟陵縣界。經云邳縣北沱。然沱流多矣。論者疑焉。而不能辨其所在。

右禹貢山水澤地所在。凡六十。

